

新編中國地理

贈  
衡若  
先生

丙辰  
秋  
九月  
延書



定校年元國民

中學校用



新體中國地理

上海商務印書館藏版



文藝年表

徐

經



文

學

年

表

中華書局



# 凡例

一是書編訂。期合普通中學校程度。據教授家之經驗。教授地理。必注重地圖。使學者得有明確之觀念。摹繪暗射以及實地指示。糜費時間頗多。故此編講授時間。僅居課業三分之一。一研究地圖。必由略而詳。是編附圖。凡山川形勢。港岸道路。皆取便教科。以本書所詳者爲限。而位置則以輿地學會所編之本爲斷。

一普通中學教科。地文學當別爲一編。然地球與天體之關係。並地球結構。及水陸氣三界要略。不可不略述梗概。以助學者想像之力。故是編附於總論之內。

一日本講授本國地理。類以本國總論發端。若亞洲總論。則列於世界地理之中。然吾國位於亞洲大陸。與日本不同。若不先明亞洲大勢。則講授本國地理。扞格良多。故於地理學總論之後。卽繼以亞洲總論。又次地方志。務使綱舉目張。便於學者記憶。

一大局形勢。歲有變更。政治改良。日有進步。故各國地理學會。每歲必出一新圖籍。其前一年所用者。輒行棄置。民國成立以後。一切設施。尙未制定。茲編調查。姑以前清宣統二年爲斷。俟民國制度大定。重加訂正。

一總論於山川脈絡海岸曲折。僅舉大綱。若山脈異名。川流派別。及某山某水關係。僅屬一方偶者。港灣岬角之關於要害者。則於地方志分詳之。

一鐵道商埠。關係時局。皆於總論中列表明之。至商埠盛衰之情形。鐵路經行之軌道。則於地方誌分詳之。

一地理學與歷史最有關係。茲以限於時間。古今沿革。不能備舉。然爲聯絡歷史學之觀念。又不能盡付闕如。故於總論中著沿革一篇。地方志中亦略舉其要。俾資讀史之用。

一地方志通例。若就各區域詳細紀載。恐所占教授時間過多。轉多窒礙。故以省爲綱。分詳山川海岸形勢。道路氣候風俗物產商埠於下。

一歐力東漸。受侮日甚。租界侵地。見告者屢。此編特爲綴錄。附諸地方志之末。所以懲已往。茲將來也。

一吾國疆域遼闊。從前府廳州縣。名稱繁多。現在民國編制未定。仍按前清道府直隸州直隸廳州縣。別錄一編。附諸卷末。至東三省政域。在清光宣之際。屢有更變。俟民國劃定後。於再版列入。茲暫仍原書之舊。以免紛歧。

一此編里數。地理學總論亞洲總論均以英里計。中國總論及地方志均以華里計。  
民國元年五月識

新體中國地理 凡例



三

國家圖書館



002507485

國立中央圖書館



00

民國二十九年

上海南京路四馬路中國醫藥科學館

# 目錄

## 第一編 地理學總論

第一章 地理學發端

第一節 地理學之範圍

第二節 地理學之分類

第二章 天文地理學

第一節 地球之發生

第二節 地球之構造

第三節 地球之位置

第四節 地球之形狀

第五節 地球之運動

第六節 地球之區畫

第三章 地文地理學

第一節 水陸之分界

第二節 陸界


第三節 水界

第四節 氣界

第五節 物界

第四章 人文地理學

新體中國地理 目錄



第一節 人種

第三節 文字

第五節 社會

第七節 宗教

第二編 亞細亞洲總論

第一章 地文地理

第一節 釋名

第三節 地勢

第五節 河流

第七節 沙漠

第二章 人文地理

第一節 人民

第三節 邦制

第二節 語言

第四節 生業

第六節 國家

第二節 位置境界

第四節 海岸

第六節 湖澤

第八節 氣候天產

第二節 生計

第四節 交通

第三編 中國總論

第一章 地文地理

第一節 位置境界

第三節 地勢

第五節 山脈

第七節 湖澤

第九節 物產

第二章 人文地理

第一節 人民

第三節 政治

第五節 國防

第七節 教育

第九節 外交

第二節 區域

第四節 海岸

第六節 河流

第八節 氣候

第二節 宗教

第四節 軍政

第六節 財政

第八節 刑法

第十節 農業

第十一節 工業

第十二節 商業

第十三節 交通

第十四節 沿革

## 第四編 地方志

第一章 黃河流域

第一節 直隸省

第二節 山東省

第三節 山西省

第四節 河南省

第五節 陝西省

第六節 甘肅省

第二章 揚子江流域

第一節 江蘇省

第二節 安徽省

第三節 江西省

第四節 浙江省

第五節 湖北省

第六節 湖南省

第七節 四川省

第三章 珠江流域

第一節 福建省

第二節 廣東省

第三節 廣西省

第四節 雲南省

第五節 貴州省

第四章 關東及新疆

第一節 奉天省

第二節 吉林省

第三節 黑龍江省

第四節 新疆省

第五章 蒙古青海西藏

第一節 蒙古

第二節 青海

第三節 西藏

第六章 附錄

第一節 土司

第二節 外國屬地

第三節 外國租地

## 附錄

御覽

欽定四庫全書

卷三十一 兵圖歷世

卷三十二 土司

卷六十一 南蠻

卷六十二 西藏

卷六十三 蒙古

卷六十四 蒙古新傳

卷六十五 蒙古

卷六十六 蒙古

卷六十七 蒙古

卷六十八 蒙古

卷六十九 蒙古

卷七十 蒙古



兵圖歷世

西藏

蒙古

蒙古

蒙古

蒙古

# 新體中國地理

## 第一編 地理學總論

### 第一章 地理學之發端

#### 第一節 地理學之範圍

地理學者。研究地球表面自然之現象。與關於人生之種種現象之科學也。凡人類生存。必須具有普通知識。而地理實爲普通各科學之先導。如天象之關係。山川之位置。物產之饒瘠。人民之程度。政教之優劣。本國與各國地形之配置。及實業之設施。行軍之應用。社會之交際。時局之現象。無不以此爲權輿。故地理一科。實爲人生必需之學也。

#### 第二節 地理學之分類

地理學之區分有三大類。一曰天文地理學。二曰地文地理學。三曰人文地理學。天文地理學。又稱數理地理學。研究地球之發生構造及位置形狀運動區畫是也。地文地理學。又稱自然地理學。研究地球上陸水氣三界之區分。動植礦各物之分布是也。



人文地理學。又稱政治地理學。研究地球上人類構造之現象。如人爲之區畫。人類之職業。開化之程度。政治及宗教人種語言之異同是也。

三科之學。各有專門。而治普通地理者。必當兼涉。故約舉大綱。爲課本國地理學之先導焉。

## 第二章 天文地理學

### 第一節 地球之發生

(一) 星雲 地球未成形以前。有非常稀薄之瓦斯體。瀰漫於太空。所謂宇宙塵是也。宇宙塵

漸漸變化。結成數多之星雲。星雲迴轉。又生數多之環。是謂星雲環。星雲環彼此相吸。次第收縮。遂成球形。球既收縮。回轉之速度愈增。其結果遂生離心力。而又生數多之環。環更凝縮而成數多之球。球更生環。環更凝縮以成第二等之球。中心體仍引攝各球而生向心力。相與成不絕之迴轉。中心之球卽恆星。數多之球卽遊星。第二等之球卽衛星。天空之恆星無數。而日居其一。天空之遊星無數。而地球居其一。恆星、遊星、衛星。皆由組織天體之物質變化而成。故地球亦爲天體之一。

(二) 太陽系 太陽位於諸遊星之中。諸遊星環繞運行。均以太陽爲統系。故名此統系曰太

陽系

太陽。太陽爲太陽系中諸星之主。非常之光熱。由其光以照系中之諸遊星。由其熱以育成生物。由其引力以主宰諸星之運動。若以望遠鏡測之。其面上斑點之部分。變化無窮。故知太陽亦常有一定之自轉。

遊星。遊星凡八。又名惑星。皆循一定軌道繞太陽而行。其體積之大小。距日之遠近。各有不同。以由近及遠而言。爲水星、金星、地球、火星、木星、土星、天王星、海王星。火木二星之間。尙有小遊星四百五十四。以自大至小而言。爲木星、土



日 面 之 形 象

星、海王星、天王星、地球、金星、火星、水星是也。

衛星。諸遊星除金水二星外。各有

附屬小星繞之回轉。又隨本遊星而

繞太陽周圍。是名衛星。又名第二等

行星。土之衛星十。木之衛星五。天王

之衛星四。火之衛星二。海王之衛星

一。地球之衛星即月也。

彗星。星之未凝者曰彗星。其初本

在太陽系之外。爲太陽引力所感。遂

入太陽統系之中。亦繞太陽而行。成

橢圓軌道。

流星。漂轉於地球軌道之附近。常

與大氣摩擦放光者曰流星。亦有時



遊星彗星繞日之軌道

墜於地表者曰隕石。隕石中含有多量鐵質者曰隕鐵。

## 第二節 地球之構造

地球本爲熾熱之五斯體。迴轉天空。光輝四射。其後漸成液體。熱力內縮。成爲巖漿。巖漿既凝。乃成巖石。巖石之表面。卽地殼也。地殼漸冷。光輝隨之漸亡。而容積亦漸收縮。因此收縮。遂或傾或縐。呈凹凸之現象。而中心之熱。更蒸發而成氣。氣散遇冷。凝結爲水。充塞凹處。遂成海洋。海洋之水。蒙太陽之熱。更騰爲水蒸氣。氣又變水。降於地表。遂成河流。於是河流之作用。與大



較比之積體星遊與日


氣之作用。交相激盪。遂使造成地殼之巖石。漸變土壤。土壤既成。植物乃生。植物繁茂。又生動物。動物中之最高等而靈敏者。漸變爲人。遞變遞進。遂集合而成今日之人類。構造而成今日之世界。

### 第三節 地球之位置

地球介乎金火二星之間。在太陽系中。與地球大小略等者。惟一金星。曰水。曰火。皆小於地球。曰土。曰木。曰天皇。曰海皇。皆大於地球。水星距太陽最近。海王星距太陽最遠。故以周徑大小言。地球位在第五。以距離遠近言。地球位在第三。

### 第四節 地球之形狀

昔民智未開之時。皆以地爲平面體。士大夫且有執天圓地方之說。以相諍訟者。其實地形若



球爲一大圓體也。茲姑舉六說以證之。

一 登高山遠望。愈高而眼界所及之圓線愈廣。此圓線曰地平線。

二 船發一處。直向東行。卒乃仍歸發軔之地。

三 立海岸眺入港之船。必先見帆檣。後見全體。出港者反是。

四 人嚮南行。見北方之星漸低而沒。北行者反是。

五 月蝕之時。映在月面地球之影。常爲圓形。

六 地隔東西。太陽出沒。各處不同。

歷觀諸證。則地爲圓體。無疑義矣。然地球自轉。必生離心力於赤道部分。故赤道膨脹而兩極微扁。成爲一種迴轉橢圓體。長軸與短軸。約差三分之一。茲將南北極與赤道之直徑及周圍列表於左。以資比較。

兩極直徑 七、八九八、八八〇、九

兩極周圍 二四、八一五、〇四五、二

赤道直徑 七、九二四、九一一、一

赤道周圍 二四、八九六、八二一、四


平均直徑 七、九一一、八九六、〇

平均周圍 二四、八五五、九三三、三

以直徑言。南北較東西短二十六英里有奇。以周圍言。南北較東西短八十一英里有奇。面積一億九千六百九十萬平方英里。體積二千六百億立方英里。

### 第五節 地球之運動


(一)公轉及自轉 地球非靜居而不動者也。日力引之。因成兩動。一曰自轉。一曰公轉。自轉生晝夜之別。又曰日動。公轉生四時之差。又曰年動。自轉。自北極通過地球中心。達於南極。假定一線。是爲地軸。地球繞軸運行。由西向東不絕。其當太陽之半面爲晝。背太陽之半面爲夜。凡二十四小時而迴轉一周。是爲一晝夜。其轉動之遲速。以距赤道之遠近爲差等。赤道之周圍最大。其速率亦最大。一時間約得千餘英里。漸近兩極。地之周圍漸小。其速率



亦遞減。及至兩極。雖極微一點。亦需一晝夜。方轉一周。幾於寂然不覺其動矣。公轉。公轉繞日而行。成橢圓軌道。以太陽爲中心點。地球在公轉中。必經過最近太陽處。與最遠太陽處。稱此二點曰近日點。遠日點。其速率在近日點大。遠日點小。每時間平均得六萬八千英里。凡三百六十五自轉。又四分轉之一。是爲一年。

## (二) 地軸之斜度

地軸之運行於軌道。常傾於二十三度半。成六十六度半之交角。名此角曰地軸斜度。因此斜度。故太陽光力達於地表。有直射斜射之分。而晝夜之長短。四季之推移。由是而起。當日光直射赤道時。南北兩半球寒暑均晝夜平。是爲春分。秋分。若日光直射北回




地 球 繞 日 成 四 季

歸線。其斜射之光。越過北極二十三度半。則北半球熱甚。晝長為夏至。南半球寒甚。晝短為冬至。而北極圈內二十四小時皆為白晝。日光直射南回歸線。其斜射之光。越過南極二十三度半。則南半球熱甚。晝長為夏至。北半球寒甚。晝短為冬至。而南極圈內二十四小時皆為白晝。故冬、夏、二至。南北必相反。而兩極之地。半年為晝。半年為夜。

(三) 月之運動 月為地球之衛星。因去地最


近。故地表視之。與日相仿。實則體積僅地球五十分之一耳。繞地球而行。成橢圓軌道。凡二十九日又三分日之一而一周。其運動分二種。一自轉。一繞地球為公轉。與地球運動之理無二。



望 弦 朔 晦 之 月

其光線所發。皆受日光反射。有白者。有晦者。白者皆高處之山嶺。晦者則低處之谿谷也。  
**(四)日月蝕** 月繞地而行。地繞日而行。三者循環。終古不息。月行至地後。致所受日光。正為地體掩蔽。則為月蝕。如月全隱於地影之中。謂之皆既蝕。或未為全掩。謂之部分蝕。月行至地

前。正蔽地面之日光。則為日蝕。亦有皆既蝕。部分蝕之別。又有金環蝕。中國憑月以定歲時。朔則正在地前。地面所見。皆其晦。地面所見。皆



蝕 月



蝕 日

其明面。偶行至同一直線。遂生互蝕之事。故日蝕多在朔。月蝕多在望。

### 第六節 地球之區畫

(一) 經緯度 經緯度者。所以藉為標準。指示地面之位置者也。橫者曰緯線。平行相距皆一

律。故緯度無大小。每度相去約七十英里。縱者曰經線。自兩極起點。當赤道處最廣。每度亦七

十英里。去赤道愈

遠則愈小。至兩極

則皆併於一點矣。

緯度。地面與



地軸直交之最

大圈曰赤道。是

為測緯度之基

線。由此分地球

為二。赤道北曰




緯 線 經 線

北半球。赤道南曰南半球。凡與赤道平行之圈曰緯線。又曰緯度圈。由赤道分向兩極。各作平行圈線九十。均分地面為百八十分。在赤道北曰北緯度。赤道南曰南緯度。近兩極處曰高緯度。近赤道處曰低緯度。

經度。在地面通過兩極與赤道成直角之大圈曰經線。又曰經度圈。其起算之點無定。如我國以北京之觀象臺為中線。而世界地理家則以英京倫敦之格林維基為中線。又名本初子午線。由此以東為東經線。由此以西為西經線。各至百八十度而止。通常以西經十七度四十七分之線。分為東西兩半球。

(二) 氣候帶 帶者。依兩極圈與二至線分地球表面者也。區畫為五。曰熱帶。曰南溫帶。曰北溫帶。曰南寒帶。曰北寒帶。

熱帶。自赤道南北二十三度半。各設一虛線。北曰北



氣候帶五

回歸線。又名夏至線。南曰南回歸線。又名冬至線。回歸云者。太陽一達此點。漸回向赤道也。凡此二回歸線之間。皆曰熱帶。

南北二溫帶。由北回歸線向北

四十三度虛設一線為北極圈。又

名北冰圈。由南回歸線向南四十

三度虛設一線為南極圈。又名南

冰圈。北極圈與北回歸線之間曰

北溫帶。南極圈與南回歸線之間


曰南溫帶。

南北二寒帶。由南極圈向南二

十三度半為南極。由北極圈向北

二十三度半為北極。凡此二極圈

與二極之間皆曰寒帶。北曰北寒



磁極圖

帶。南曰南寒帶。

(三方位) 地球表面。既定以經緯度。分以氣候帶。然於地球各處之方位。說明甲處在乙處何方。不可不以東西南北四點爲基本方位。東西之方位。在春分秋分之日。可依日出日沒之方向定之。與此成直角之方位。則爲南北。北方有不變位置之一星。名曰北極。未有磁針以前。航海者視之。知爲正北。藉以定方向。自磁針之理發明。用以定方位尤便。然磁針之方向。又略偏東西而非正指南北。此由於地球爲一磁石體。磁極與地極少偏故也。

### 第三章 地理學

#### 第一節 水陸之分界

地球表面。分爲水陸。水之面積。凡一萬四千一百九十萬方英里。陸之面積。凡五千五百八十八萬八千六百万英里。其分布之形狀。水占南半球。陸占北半球。假以倫敦與位其反踵點之紐錫蘭爲極。則一半球含陸之大部分。一半球包水之大部分。更可稱爲水陸兩半球矣。

#### 第二節 陸界

(一) 陸地之軀幹 地球之有大陸。猶人之有軀幹也。大陸分東西二羣。東曰東大陸。亦稱舊

大陸。西曰西大陸。亦稱新大陸。因二大陸又析爲六大洲。名稱面積如左。又有南大陸者。爲南極未測定之地。

洲名	簡稱	面積
東大陸	亞洲	一六九五六〇〇〇方英里
亞細亞洲	亞洲	一六九五六〇〇〇方英里
亞非利加洲	非洲	一一二八〇〇〇〇〇方英里
歐羅巴洲	歐洲	三七六〇〇〇〇方英里
海洋洲	澳洲	七二六〇〇〇〇方英里
西大陸	北美洲	八七〇〇〇〇〇方英里
北亞美利加洲	北美洲	八七〇〇〇〇〇方英里
南亞美利加洲	南美洲	六八五〇〇〇〇方英里

以上六大洲。亞洲最大。次非洲。次北美洲。次南美洲。次歐洲。海洋洲則太平洋羣島南洋羣島所彙集而成者也。舊時以其中至大之島曰澳大利亞者。別爲一洲。故有澳洲之稱。或又合南北美爲一。號稱五大洲。歐亞大陸相連。或又并稱曰歐羅細亞。

(二) 陸地之肢節 既以大陸爲地球之軀幹。則其附麗於大陸者。猶人體之有肢節也。其肢

節大別爲二。曰水平的肢節。曰垂直的肢節。

(甲) 水平的肢節 海岸線之出入部也。島、半島、岬角等屬之。

島。四面環水之陸地曰島。然種類複雜。今就其狀態、成因、位置、利用。區分如左。

狀態。兀立海中者曰孤島。如森黑勒拿島是。諸島散布於海之一部者曰羣島。如太

平洋羣島是。小島羅列於沿岸者曰列島。如舟山列島是。

成因。區分於成因者有二。曰陸島。曰洋島。陸島之位置。附近大陸。其成因有三。一由

海水之浸蝕。曰水蝕的陸島。如英倫三島是。一由陸地之陷落。曰構造的陸島。如日本

諸島是。一由河流之沖積。曰堆積的陸島。如揚子江口之崇明是。洋島突立大洋中。其

成因有二。一由前代大陸。沈降海底。而僅露一部於水面。曰遺迹島。如婆羅洲是。一由

火山之噴出物及生物之遺骸堆積而成。曰堆積島。堆積島又分爲二種。曰火山島。如

太平洋之布哇島是。曰珊瑚島。太平洋中之小島屬此者甚多。

位置。其位置以距離大陸之遠近而異。距大陸絕遠者曰遠洋島。氣候天產。與大陸

絕異。距大陸甚近者曰近海島。氣候天產。與大陸相似。

利用 區分於人類之利用上者。一軍事上。一貿易上。其關於軍事上者。如日本之對馬島是。其關於貿易上者。如印度南之錫蘭島是。

海岸線 陸海毗連處。其兩界所限之線曰海岸線。因地質構造之異。區爲砂岸。巖岸。二種。淺沙連亙者爲砂岸。絕壁峭峙者爲巖岸。又因森林之有無。區巖岸爲蔽林海岸。裸出海岸二種。凡海岸線之長者。得船舶交通之便。而文明易於輸入。短者反是。故海岸線之長短。各國之文野。係焉。因海岸線之出入。其屬於陸地之肢節者。有半島。岬角。地峽之名。半島。三面環海。一方連陸地者曰半島。又曰土股。亦有先分後合者。其成因有二。一由於土砂之堆積。一由於陸地之隆起。凡重要之軍港及商港。皆位於其頸與趾。如旅順位於遼東半島之尖端。芝罘位於山東半島之中部是。


岬角 突出海中陸地之極點曰岬角。亦曰海角。又名山嘴。如我國之成山角是。

地峽 二大陸之間。有小部分相連絡處曰地峽。亦曰土腰。如南美洲與北美洲間之巴拿馬是。惟巴拿馬今方興工溝通之。不久將成水與水連絡之海峽矣。


(乙) 垂直的肢節 陸地之凹凸部也。山谷。高原。平原。等屬之。

山。地面特起之陸地曰山。又曰山嶽。較小者曰邱。又曰邱陵。陸土之地體也。今就其狀態成因。利用。區分如左。

狀態。羣山重疊處曰山彙。羣山連續處曰山脈。山脈集合而成系統者曰山系。南北向之山脈曰縱山脈。東西向之山脈曰橫山脈。嶺之特起於山脈中者曰高峯。成因。山之成因有五。



山層斷



火山

由於造山力之生成者曰褶曲山。由於地殼龜裂或隆起或低落者曰斷層山。由於風雨之浸蝕者曰浸蝕山。又名削成山。由於物質之堆積者曰堆積山。由於地熱之作用者曰火山。

利用 山脈有縱橫。山勢有高低。因此而利用大異。就國民之統合上言。縱山脈難而橫山脈易。就人生之關係上言。山嶺崇高。固爲文明發達之極大障礙。然其斜落處。又爲吾人利用之場。於軍事上生業上關係甚鉅。

谷 兩山間之窪地曰谷。又曰溪谷。因山脈之方向並行者曰縱谷。或因水蝕而成者曰水蝕谷。橫斷山脈中成直角形者曰橫谷。山脈環其四周者曰白谷。溪谷之底部。有階段狀之平地者曰段邱。

平原 平坦而廣大之地曰平原。高者曰高原。低者曰低原。今就其成因高低形狀利用配置區分如左。

成因 河口之浮土。由水波沖積之作用而成者曰沖積層平原。又曰河谷平原。海底之遺迹。由海牀打舉之作用而起。或因水涸而成者曰海牀的平原。又曰海濱平原。沖

積層平原。又可區爲掌狀、串狀、楔狀三種。

高低。略高於海面之地曰臺地。平地之全部或大部分環以山及臺地者曰盆地。平地之低於海面者曰窪地。

狀態。林木稀少而雜草繁茂之地曰草原。各種植物發生之地曰林原。終年冰結之平地曰凍原。不毛之沙磧曰沙漠。又曰砂原。沙漠中泉水湧出。草木叢生之地曰沙漠田。又曰泉地。亦曰膏地。

利用。平原多溫溼。利於農業。高原多枯燥。不利於農業。惟當水草繁盛處。則宜於游牧。

配置。高原多橫於大陸及島之內部。低原率分布於其周邊。

(三) 陸地之變動 陸地時有變動。非萬古不易其形也。其變動之營力。大別爲內力、外力二種。由地熱之作用者。內力也。由水氣及生物之作用者。外力也。

(甲) 內力之作用

(一) 山脈之生成 地球本自瓦斯體冷縮而成固體。然表面既成固體。而容積之收縮不

易。於是收縮力之內逼者。分爲垂直動與水平動。此水平動之力曰橫壓力。又曰造山力。因此造山力。地殼遂生皺而成山。世界重大之山。多半屬此。謂之皺山。卽褶曲山也。其不基於造山力者曰非皺山。卽斷層山、浸蝕山、火山是也。

(二)火山之成因 地球內部之熱。爲水蒸氣所動。遇外部之壓力減時。遂擴其漲力。破巖石之隙而噴出於地表。其噴出之處曰火口。或因漲力過度。不暇求火口。遽破山體之大部而噴出者。謂之火山裂。茲就其區別、構造、物質、餘勢。分列如左。

區別 火山有三種。噴火不絕者曰活火山。不時爆發者曰眠火山。昔噴火而今熄火者曰熄火山。又曰消火山。就中舊噴起者曰花崗質山。新噴起者曰新火山。

構造 經一次之噴出。形若圓錐。無噴口者曰塊狀火山。經多次之噴出。形若倒扇。有噴口者曰成層火山。成層火山之構造單簡者曰單成火山。又由單成火山之噴口崩壞。中央生新火山。而舊山環新山之外者曰複成火山。舊山稱外輪山。又曰火口壁。新山稱中央山。又曰火口邱。外輪山與中央山兩間之平地曰火口原。外輪之內。有水流出於外之口曰火口瀨。

物質。火山噴出之物質。最占多量者。爲水蒸氣及熔巖。熔巖初爲液體。久之成爲固體。是曰燒石。熔巖之朽腐者。曰泥流。其細末曰火山灰。灰遇風而飛散如絲者。曰火山毛。

餘勢。火山活動之餘勢。常生噴氣孔及溫泉。噴起孔有硫氣孔。蒸氣孔。炭酸孔。三種。溫泉有硫黃泉。鹽類泉。炭酸泉。酸性泉之四種。就中噴出有定期者。曰間歇泉。

(三) 陸地之震動。陸地震動曰地震。以地殼中偶起激動而成。其由於火山激動者。曰火山地震。由於水蝕而地勢陷落者。曰陷落地震。由地盤龜裂。地殼之一部。上下移動而起。激震者。曰斷層地震。地殼之弱處。曰震源。震源之頂當地表之處。曰震央。成震源之斷層。與地質之山脈並行者。曰縱震。橫斷者。曰橫震。其震動之階級。有烈震。強震。弱震。微震之分。當烈震強震之時。常因以起海嘯。有時震動起於海中者。曰海震。

(四) 土地之昇降。因地熱之偏射。地殼收縮之現象。遂生土地之昇降。如陸地沈降爲海底。海底隆起爲陸地。古所謂滄海桑田是也。

## (乙) 外力之作用

(一) 水之作用 水之營力。有雨水、流水、地下水、及冰之四種。

雨水之作用 空中之雨。降而爲水。水氣蒸發。又騰爲雲雨。雨氣下降。又成爲水。故雨水之作用。循環無窮。

流水之作用 水出地中。流動不息。因生種種之作用。是曰水力。中有器械的作用。化學的作用。器械的作用有三。一起於破壞的。而爲浸蝕作用。如水之深刻谿谷。搗成峽流。遇瀨之迅截者。則成瀑布是也。一起於運輸的。而爲沈滯作用。如水流自上而下。至中流而砂礫沈積是也。一起於建設的。而爲堆積作用。如水至下流。多沖積而成沙洲。或至河口分水流爲二而成三角洲是也。化學的作用有二。一起於破壞的。而爲溶解作用。如水所流出之地。種種礦物皆爲溶解是也。一起於建設的。而爲沈滯作用。如鹽湖底之積鹽是也。

地下水之作用 水之流行地中者曰地下水。湧出地面者曰泉。其因地殼之罅裂而溢出者曰罅裂泉。不透地層而於傾斜地流出者曰層泉。若地下水含有碳酸者。滲入石灰巖層之中。卽溶解而成石灰洞。其上部下滴而凝結者曰鐘乳石。滴至洞牀而積

成者曰石筍。

冰之作用 水之凝成固體者曰冰。其營力最大者曰冰河。高山雪結而成冰塊。沿溪谷傾斜而下。即爲冰河。極富於破壞的作用。當其下墜時。兩岸墜下之巖石。積成長隄者曰堆石。冰河至溫暖之地。固體溶解。堆石因以漂散者曰漂石。

(二) 大氣之作用 大氣之流動於地面者曰風。其營力有二。吹揚海岸之沙而成砂邱者。曰堆積作用。巖石暴露久之風化而成崩壞者曰破壞作用。風化之巖石。爲雨沖刷而塞於溪谷者曰山崩。

(三) 生物之作用 地殼之變動。生物與有大力。其作用分動物植物二種。

植物之作用 植物之營力甚大。如植物根株蔓延地中。使巖石龜裂者曰破壞作用。植物朽腐與水空氣巖石分解之質相混。因成土壤者曰堆積作用。植物淹沒地中。遺積炭素。遂生石炭者曰炭化作用。砂藻等下等植物之沈積水底者曰砂藻土。

動物之作用 動物之營力全屬於堆積作用。蚯蚓所吞之土。仍吐於地面。堆積而成者曰邱垤。珊瑚蟲之遺骸。沈於海中堆積而成者曰珊瑚島。珊瑚島之成因及狀態。又

可分而爲三。初生之時。直接海岸而成形者曰裙礁。又曰岸礁。既而漸離海岸。相隔帶水者曰堡礁。既而孤立海中。外成環形。中有鹽海者曰環礁。又曰湖礁。此外有多孔蟲游行海中。沈積而成軟泥。作用亦大。又有棘皮動物。軟體動物等。亦莫不同此沈積之作用。



珊瑚礁之剖面



珊瑚環礁

## 第二節 水界

地面之水。別爲海水。陸水。二種。環地球而流者曰海水。流於陸地中如江河及湖者曰陸水。

### (一) 水海

(一)海面之分布 地球表面。海洋實占其大部分。其界線大別爲五。在東大陸之東。西大陸之西者。曰太平洋。在東大陸之西。西大陸之東者。曰大西洋。在東大陸之南者。曰印度洋。附近北極者。曰北極洋。又名北冰洋。附近南極者。曰南極洋。又名南冰洋。其面積灌域如左。

洋名

面積

灌域

太平洋

六五九〇二〇〇方英里

七五三三七〇〇方英里

大西洋

三五四六〇〇〇方英里

一七六〇四五〇〇方英里

印度洋

二六六九二〇〇方英里

六六九三六〇〇方英里

北極洋

四七八〇〇〇方英里

八六一三〇〇〇方英里

南極洋

四四三二〇〇方英里

二五六五五〇〇方英里

五洋面積。以太平洋爲至大。而灌域實以大西洋爲至廣。故其海岸線亦最長。夫海岸線

延長之處。即港灣岬角半島最多之處。此大西洋兩岸。所以多優勝之國也。

大洋與陸地出入之處。又有內海與緣海之分。內海爲四面環以陸地者。如地中海是。緣海爲沿大陸而生者。如我國之黃海是。

(二) 海水之齧入。海水之齧入於陸地者。有港灣、海峽、海空之名。

港灣。海水齧入陸地。可以避風濤之處曰港灣。國多佳良之港灣。其進化必速。今就其成因、利用、區分如左。

成因。成因分爲七種。成於海水之浸蝕者曰海水浸蝕港。河流入海之處曰河口港。海岸噴火口之破裂而與海通者曰火口港。風積砂於海岸而成砂邱。水滯其中而與海通者曰瀉港。由冰河之浸蝕作用或堆積作用而成者曰冰河港。珊瑚礁之適於碇泊者曰珊瑚港。人力所成者曰人造港。

利用。利用分爲五種。曰避難港。漁港。給炭水港。軍港。商港。就中軍港又分爲單口港。複口港。單澳港。複澳港。之四種。商港又分爲輸出港。輸入港。輸出入港。中繼港。之四種。海峽。海空。水之二大部分中有相連絡處曰海峽。又曰海頸。其長且廣者曰海空。如佛

魯里達海峽。亦作佛魯里達海。全是。

(三)海底之狀態 大陸爲大洋中所峙之臺地。其自海岸線層遞而下。至達三百英尺之同深線。傾斜之度甚緩。由是以降。峻坂陡落。迺成大洋之海牀。因各種物質之沈積。久之均成軟泥。其堆積增高而現於海面者。卽火山島珊瑚島是也。

(四)海水之運動 海水表面運動無已。或乘風勢激盪而起波浪。或由日月引力而生潮汐。或在太平洋中有定向之流動。如海中之河者爲洋流。茲分述如左。

波浪 海水爲風所壓。起伏動搖。卽曰波浪。其振動猛烈者有波山波谷之別。高出海面數十尺或百餘尺者爲波山。兩波山之間。其中低落之部爲波谷。波浪之種類。又分而爲四。風吹海面。因此振動者。曰風浪。暴風迴旋。捲起海水者。曰暴風浪。地盤震動。激浪噴湧者。曰津浪。又曰地震浪。日月攝引。上下運動者。曰潮浪。

潮汐 潮汐亦爲一種之動波。其起因由日月引力之作用。以月距地球甚近。故月之引力。比太陽又勝二倍。又三分之一。其向月面之部分。受引力最強。水面隆起。是曰滿潮。又曰高潮。而距月最遠之處。因地球自轉而生遠心力。月之引力。不足以勝。故海水在此。仍

膨脹而爲滿潮。兩滿潮之間海水低落者曰干潮。又曰低潮。然太陽

之引力亦與潮汐有密接之影響。

如新月滿月之時。月與太陽同一

直線。兩星之引力相合。故滿潮最

高。是曰朔望滿潮。反之在上弦下

弦之際。月與太陽對於地球之方

向。成三角形。兩星之引力不合。故


干潮最低。是曰弦月低潮。

洋流 海洋表面之水。隨風向而

流於一定之處。曰洋流。其起因以貿易風爲主。流系分爲二種。曰暖流。曰寒流。暖流起於

赤道。向兩極而流。又曰赤道流。寒流起於兩極。向赤道而流。又曰極流。暖流以菲律賓羣

島向東北流動之黑潮。及墨西哥灣流爲最著。寒流以岡札得加半島東南流之親潮。及



大西洋之臘不拉多海流爲最著。

## (二) 陸水

(一) 江河。陸地之凹凸不一。有高山深谷平原等狀。而構成河流之原因。卽基於此。今就其狀態利用及人生之關係。區分如左。

狀態。流行陸地中之淡水曰河。大者曰江。上游水所發處曰源。下流入海或湖處曰河口。江口。其上游起於山嶽重疊處。而中互以高地者。曰分水嶺。江河之正幹曰經流。支出者曰支流。合而稱之曰江系。河系。由某江系河系灌溉之地曰灌域。亦曰流域。

作用。河之部分。析爲三部。曰上流。中流。下流。上流行於山間。水勢湍激。浸蝕之作用最大。中流已出山間。水勢稍緩。砂礫之大者。隨地沈積。浸蝕搬運之作用最大。下流水勢平緩。上游之泥沙。至此多沈積河底。堆積之作用最大。

關係。河流供人生之吸飲。與田畝之灌溉。而最大之效用。在交通。河流深廣者。交通最便。輸入文明最易。反是則否。故河流於文明發達上。有密接之影響。然其經行之方向。尤有關係。河流南北向者。能連寒溫熱三帶而一貫之。雖東西異向。而常能均調。如美國是。

東西向者。所經之地同爲一帶。故南北殊趨。而間起衝突。如我國是。

(二) 湖。窪地瀦水之所曰湖。其位置或在平原。或在山間。或在海岸。各有不同。大抵在山間者深。在平原者淺。在海岸者介乎深淺之間。茲就其成因性質利用區分如左。

成因。湖之成因有六。瀦水於火山之噴口內者曰火山湖。瀦水於複成火山之火山口原者曰火山口原湖。海牀扛起而成陸地。尙瀦水於其凹處者曰海跡湖。河道變遷。河牀乾涸而殘留者曰河迹湖。火山噴出物之堆積。隔斷流水而成者曰堰塞湖。砂嘴隔絕河水。或劃海水之部分而成者曰澤湖。

性質。泉水迂迴。流於巖石中。至窪處而停瀦者曰泉湖。有吐口而水淡者曰淡水湖。無吐口而水鹹者曰鹽湖。受河水之灌輸者曰河湖。利用。湖之利用有三。受川流之水。澄清之而後流出者曰交與湖。當川流之旁。分殺其水勢者曰減水湖。地當窪下。受內地之泉者曰容受湖。

#### 第四節 氣界

包水陸二界。以磅礴於地球之外部者曰氣圈。又曰風圍氣。大部分由空氣而成。瀰漫空間。爲

透明之瓦斯體。卽所謂大氣也。其高度約可及九十英里。下層受上層重疊壓迫。質最密厚。上層次第漸薄。其成分由窒素酸素及少量之亞泉根等混合而成。通常且含水蒸氣或碳酸亞莫尼亞及阿濁細塵等雜質。其作用與人類及生物之生機。有直接之關係。凡動植物皆呼吸此氣而得保其生活。茲就其種種之變化分論之。

(一) 大氣之溫度 大氣之溫度曰氣溫。其生因以太陽之熱爲主。地球及他天體。雖皆有固有之熱。然影響甚微。太陽於氣溫之作用有三。如太陽熱透過氣層。氣層微受熱量。遂分布而調和之。曰傳導作用。太陽熱射於地表。然後由其反熱而射散於上層。曰輻射作用。下層之溫氣上昇。上層之冷氣下降。補換而調勻之。是曰循環作用。就中輻射之作用尤大。如地球上寒溫熱之氣候帶。及應時之寒暑。皆由於此。蓋輻射熱之強弱。皆由太陽之直射斜射而異。故緯度之高低。實溫度高低之所由分。然地表有同時連結溫度相均以畫一線者。曰等溫線。此線以水陸分布不一。又隨處屈曲。非與緯度平行。故同一緯度。又有大陸氣候。海洋氣候之殊。蓋陸地之吸熱散熱極速。故寒暑皆達極點。海洋之吸熱散熱較緩。故寒暑常能均調也。

(二) 大氣之壓力 大氣雖為無色無臭之瓦斯體。然亦一種重量之物體。既有物體。必有方向。凡其所向。皆有壓力。此謂大氣壓力。又曰氣壓。其高低因溫度之高低為增減。溫度增則氣壓輕。溫度減則氣壓重。蓋物體遇熱則漲而重。遇冷則縮而輕也。又地表有同時連結氣壓相等之諸點。以畫一曲線者。曰等壓線。其屈曲無定。與等溫線相似。故有同為一地。冬季則生最高壓之中心。夏季則生最低壓之中心。如亞洲大陸東部是也。

(三) 大氣之運動 大氣之壓力。既準空氣之溫冷為增減。而太陽之熱力。又因寒溫熱三帶而異。於是氣壓遂失其平。



北晴及向風	←	綫等相力壓氣空	—
翳雲	←○	綫溫同	- - -
兆雨	←●	之所旋	↻
兆雪	←■	之路經風	↔
線 壓 等 及 線 溫 等			

地表之暖空氣。輕而上騰。冷空氣又自旁補入。乃流動而爲風。又曰氣流。茲就其種種之區別分列如左。

貿易風。貿易風者。以風有定向。便於商船而名也。南北兩半球。劃分氣流爲二。上層氣由赤道流向兩極。下層氣由兩極流向赤道。此二種氣流。常取反對方向。互相貫輸。循環不已。然以地球東向自轉。氣流爲其所激。故下層氣流。在赤道北爲東北風。南爲東南風。謂之貿易風。上層氣流。在赤道北爲西南風。赤道南爲西北風。謂之反對貿易風。二風會於南北緯各三十度之地。反對貿易風。自此分而爲二。其小部分仍吹向兩極。大部分則交於貿易風。而仍歸赤道。赤道下南北緯各五度之間。因東北東南兩貿易風之相會。南北緯各三十度之地。因貿易風與反對貿易風之相會。高溫與低溼。已先互擁上浮。遂生三無風帶。赤道下曰赤道無風帶。南曰南回歸無風帶。北曰北回歸無風帶。


季候風。季候風又名卓越風。亦名信風。吾國南海及印度洋一帶。自三月至九月。東北貿易風停止。而生西南之季候風。南半球之澳洲北岸非洲西南岸。自九月至三月。東南貿易風停止。而生西北之季候風。其故以三月至九月。日光直射亞洲大陸南部。九月至

三月。日光直射南半球。當直射之時。陸地熱度。增於海面。海上冷空氣。益向陸地流動。故與寒候之風。遂相反對。吾人試立海濱。覺日中則海軟風吹向陸地。薄暮則陸軟風吹向海上。其理一也。

極風。地球自轉。近兩極處速率最緩。故壓力極低。常以西風爲恆風。卽所謂極風也。颶風及旋風。季候風交代之際。欲變易其方向。必鼓盪而成颶風。圈大而形圓。旋轉有定向。兩風相遇。摩擦而過。必相切而成旋風。圈小而形尖。旋轉無定向。有時旋風起於海上。高捲海水。騰爲水柱。是曰龍卷。

(四)大氣之水分。地面空氣所含之水氣。水面所含之水氣。蒸發上昇。是爲水蒸氣。卽氣圈之水分也。氣至高處。減其熱度。變化而爲雲霧霜露雨雪之各種。

雲。水蒸氣上昇而結成無數小點者曰雲。



其變態分爲七種。高懸太空。爲稀薄之白色。細如毛髮者。曰卷雲。又名馬尾雲。橫界天空。有如薄霧。條條平行。見於薄晚者。曰層雲。又曰夜雲。團結成塊。勢若奇峯。多見於夏日者。曰積雲。又曰夏雲。亦曰晝雲。塊狀不大。紛羅天際者。曰卷積雲。高處之卷雲下降。狹長如帶。常使日月生暈者。曰卷層雲。積雲之高處。被風吹開。平鋪無隙。下層黑暗。有時積滿天空。濃如潑墨者。曰積層雲。兩層積雲。高低合併。厚薄無定者。曰亂雲。又曰雨雲。

霧。水蒸氣之浮游而高者爲雲。低者爲霧。或謂煙霧。其起因有二。一由於空氣觸寒冷之地面。水蒸氣凝縮而成。如夏時朝夕所見者是也。一由於寒暖海流之衝突而生。如日本北海道。以親潮於寒流之衝突而多霧是也。

霜露。地面之水氣。觸於巖石草木。遂凝縮而成粒狀之液體。是爲露。此結露之溫度爲結露點。至溫度更降而至冰點。又變爲微細之結晶體。是爲霜。

雨。成雲之細水點。遇冷而結成水點。降於地面。是爲雨。雨量之分布。大抵熱帶多而寒帶少。海洋多而陸地少。類由水蒸氣之輕重而異。赤道無風帶。水氣之蒸發極激。終年降雨。故曰常雨帶。印度加爾各答。以受氣候風輸送之水蒸氣極足。故尤爲世界雨量最多。

之地。非洲之撒哈拉沙漠。水蒸氣皆爲沙漠所吸。降雨極少。故曰無雨帶。至赤道南北兩回歸線內之地。又有雨期。乾期之別。日光直射赤道北。則北回歸線內之地爲雨期。南回歸線內爲乾期。日光直射赤道南。則晴雨期相反。

雪。水蒸氣當成雨之時。其所遇之空氣冷至結冰之度。則凝而爲六出結晶狀之固體。卽雪也。有時雨雪雜下者。謂之霽。又雨點成雪之時。熱氣全行外散。而雪顆粒外。又爲熱氣包裹而成珠者。謂之霰。俗呼雪珠。雨點下墜。中途忽遇極冷之空氣。則凝而成雹。

(五) 大氣之光 日出日沒之前後。東西二方。每放種種之異彩。呈薄明之現象。此由太陽包地球爲半圓形。故太陽在地平之下。而光線能曲折反射以達地平之上也。其他關於光學之現象。又區爲如左之各種。

蜃氣樓 接近地面之大氣層。各異其疏密之度。則光線通過密度不同之氣層時。卽曲折而起全反射。使物象倒懸於空中。令物體全變其位置。呈種種之現象。曰蜃氣樓。海上及沙漠中。往往有之。

極光 高緯度之地。時放異彩。照耀空際。有若弧形。又成輻射狀者。是曰極光。於北半球

磁極附近地最多。在北半球者曰北光。在南半球者曰南光。

虹霓。日光射入雨點。折而反照。則成虹霓。正者謂之虹。副者謂之霓。皆成圓弧形。太陽光線由上半射入。下半射出則成虹。反之則成霓。虹色濃。上紅下紫。霓色淡。上紫下紅。皆由太陽光線之強弱而異也。

日月暈。空際之細微水粒。集於日月周圍。光線反射屈曲。遂生大小光輪。小者爲光環。大者爲暈。

電。雨雲之中。常有無數電氣。此電氣之雲與他雲相感應。遂薄動而發雷聲。激射而放電光。又近於地面之雲與地相感應而放電。往往殛斃人畜。俗稱之曰落雷。

(六)天氣。總合氣圈全體之狀態。是謂天氣。其狀態即大氣之溫度、壓力、流動、水分等。是謂天氣要素。凡天氣之變化。皆不外此要素。憑此推察。即可以知現在及將來之天氣。如各國之中央氣象臺。集各地測候所之報告。推察天氣而爲豫報。若有危險之機及旋風等。並發警報於沿海各地。建目標而使航海者注意是也。

(七)氣候。各地氣候之寒暖。視緯度之高下。自赤道分向南北。其溫度漸減。今世界之最熱。

界。在非洲之撒哈拉沙漠。及亞洲之西南一帶。最寒界在美洲北部多島海中。而亞洲西伯利亞之內部。亦可與之相匹。然大氣下層溫暖。上層寒冷。不論何緯度。至高出海面一萬五千尺之地。即達冰雪不融之點。連此點之線。自赤道以達於兩極者。曰雪線。雪線以上。即與兩極無異。如希馬拉耶本在熱帶。而山頂終年積雪是也。

### 第五節 物界

物界分二大類。一曰生物界。爲有生氣之物。又曰有機物。一曰無生物界。爲無生氣之物。又曰無機物。

生物之大別有二。曰植物。曰動物。皆人類日用所必需之品。其生育以赤道下爲最盛。緯度益高。種類益少。若至兩極。則幾於絕迹矣。無生物惟礦物而已。亦爲人類衣食住必要之品。其播布聚散。則因前世界地質變遷之故也。

(一) 植物 植物產於地面。不下二十萬種。爲人工栽穫者。無慮四千種內外。

植物之播布 植物之生。以熱水二者爲不可缺之要質。故三帶生育之狀況大異。熱帶地熱雨多。植物繁殖而長大。花實美麗。液汁甚多。溫帶亦植物生長適宜之地。惟春榮秋萎。不

若熱帶之四時不凋。農產最饒。尤爲人類生用之食品。其他堅緻之良材。美味之花果。皆爲特產。寒帶植物最稀。南近溫帶之地。尙多森林。若至兩極。則僅生苔蘚而已。

植物之違異。植物之播布。固因五帶而異。然亦有同在一帶。因地勢之高低。遂生寒暖之差。而植物亦卽不同。試登熱帶高山。行其山腹。所見草木。當與由赤道向兩極進行。中途所見各地之草木。種類符合。如竟至高出海面一萬五千尺之地。則與兩極地方相同。苔蘚之外。別無草木。故雖熱帶地方。因地勢之高下。亦可見寒溫二帶之植物焉。

## (二) 動物

遊行地面而具血肉之體者曰動物。或代人之勞力。或供人之飲食。而其羽毛骨角亦足以資人之服飾器用焉。

動物之播布。動物食植物。又依溫度以蕃育。故其種類及播布。亦因三帶而有一定。熱帶之動物。獸屬有獅子、虎、豹、犀、象、河馬、麒麟、猩猩、猿猴、類皆質大性猛。鳥屬如鴛鳥等。種類繁多。形式華美。鱗屬有鱷、魚、蟒、蛇。介屬有瑇瑁與貝等。溫帶多馴擾有用。可以豢養之動物。若馬、牛、羊、犬、豕。皆稱家畜。野獸則有熊、羆、虎、豹、獐、鹿、狐、貉。近寒帶之處。有貂鼠。其皮輕暖。爲世所貴。鳥類之形。雖不若熱帶之美。而多善鳴。且可以爲食品。寒帶草木旣稀。陸產之動物。惟

海狗、熊、鹿、貂、獬之類。然亦不多。海中多鯨魚、海馬、鱈、水獺，其專產也。

動物之特產 動物之播布。雖如右述。然各地爲山海天然之界限所隔。不能交通。故各地皆有特產。如東大陸之獅子、象、虎、河馬、猩猩、孔雀、鷹、鷹等。西大陸之亞美利加虎、鬮鼻猿、蝙蝠、樹獺、猯、蟒蛇。澳大利亞之袋鼠等。皆限於一地。非二大陸所通產也。

### (三) 礦物 礦物多蘊於地中。種類甚繁。爲用亦至廣。

礦物之品類 礦物分爲金屬、非金屬二種。金屬爲金、銀、銅、鐵之類。凡四十九種。非金屬爲石炭、石油、寶石、花崗石、大理石等。就中黃金最貴。銀、銅次之。而鐵與石炭。尤爲軍事上實業上不可少之物。寶石中之金剛石。亦爲珍品。中西貴婦。皆用爲裝飾焉。

礦物之產額 礦物所產。皆在山嶽連亘處。而金則或現於江河之沙中。鐵以英國爲最多。美德二國次之。石油以美國爲最多。金以美俄非澳及西班牙爲最多。石炭以我國爲最多。鐵礦亦富。然採掘未盛。故不能與世界爭衡。

礦物之利用 礦物之供人生日用者。區爲三種。一曰發熱用。石炭、石油是也。二曰工業用。銅、鐵是也。三曰建築用。花崗石、大理石是也。

## 第四章 人文地理學

### 第一節 人種

人爲萬物之靈。能利用天然之力。故地球表面。隨處可以播布。統全地球人口計之。有十四億以上。大別之爲五種。

- (一) 蒙古利亞種。一名黃色種。膚帶黃色。面廣鼻平。顴秀眼小。髮剛而黔。鬚髯不多。居亞洲之大部及歐洲之東北。總數五億八千萬。
- (二) 高加索人種。一名白色種。又名印度歐羅巴種。又名地中海種。皮膚白皙而帶淡紅。額廣而長。高鼻深目。多鬚髯。居歐美二洲及亞洲之西部。非洲之南北端。總數六億四千萬。
- (三) 阿非利加種。一名黑色種。又名愛西比亞種。又名內革羅種。膚黑鼻平。唇厚額寬。髮黑而短。鬚髯甚少。皆居非洲境內。亦有在美洲者。總數一億九千萬。
- (四) 馬來人種。一名鶯色種。又名棕色種。膚帶鶯色。外貌近似蒙古人。頭蓋與眼。近似高加索人。鬚髯甚少。居南洋羣島及亞洲極南隅。總數五千萬。
- (五) 亞美利加種。一名紅色種。又名銅色種。膚帶銅色。鼻高顴聳。睛黑髮直。鬚髯甚少。南北

美洲之土人皆屬此種。總數一千五百萬。

據右述則人口之數。以蒙古利亞及高加索二種爲最占多數。阿非利加種次之。馬來種又次之。亞美利加種。則存乎世界者僅矣。其配布之密度。各處不同。歐洲之西部最密。非洲及亞洲諸沙漠之地。多有無人之境。至若工業之國。人口概集於都會。農業之國。人口散布於各處。未開化之人種。次第減少。文明國之人種。急劇增加。則由於人爲之異。與天演之理也。

人之性質。有以地理而異。有以氣候而異。平原之民。器識宏遠而失之粗大。山島之民。樸實勇敢而失之固陋。江海之民。銳進務遠而失之佻詐。此以地理而異也。熱帶之民。生計太易而精神頹靡。寒帶之民。生計太難而精神憔悴。溫帶之民。精氣凝斂而力於競爭。此以氣候而異也。

## 第二節 語言

語言者。所以達箇人之意。通彼此之情也。人類初生。本無歧異。及散居五洲。各因其水土習慣。漸生差異。幾於百里不相同。至今日而世界語言。約分三千五百餘種。括之爲千餘種。常用者惟十二種。總括之爲三種。

(一) 屈曲語。變化其語根。而示種種之意味。如英語、法語、西班牙語是也。

(二)連結語。語根不變化。追加連結而示種種之意味。如滿洲、日本、朝鮮語是也。  
(三)獨立語。語根不變化。追加連結而示各箇之意味。如中國語及安南語是也。

以上三種語言。使用最多者莫如中國語。通用者多至四億人。然僅限於本國。廣行於世界各部者爲英語。通用者凡一億人。北美洲、海洋洲及各通商港多用之。蓋以其握世界貿易之大權也。其行於歐洲者。法語得四千六百萬人。行於南北美洲者。西班牙語得四千八百萬人。

### 第三節 文字

文字者。所以達語言之不足。而爲傳久行遠之具也。共分左行、右行、下行三類。左行之字。起於佉盧。傳於埃及。右行之字。起於梵。傳於印度。下行之字。起於倉頡。傳於中國。三者之中。又別爲形聲二種。左行下行之字。以形爲主。右行之字。以聲爲主。主形者單純而無變轉。主聲者變化不測。足以綜攝萬事而無窮。故世界各國。除本國及安南、朝鮮外。皆用主聲之文字。英吉利以海上商權之廣。故其文字能徧布六大洲。法蘭西以拿破崙創立法典。爲歐洲盟主。故公牘和約。至今多用其文焉。

### 第四節 生業

生業者。人類養生之業也。世界之業雖多。大要不外農工商畜牧漁獵。然亦各因地利而異。如近沃壤者多耕農。近草地者多畜牧。近都市通港者多工商。近山林者多礦丁獵戶。近江海者多漁。皆因其自然利便。非政府所得而強也。

### 第五節 社會

社會者。人類結合之團體。即吾國傳記所謂羣也。人類當交際之初。爲饑寒求衣食之故。或相結以逐鳥獸。或協力以防外族之侵暴。是爲社會之權輿。其後由家族進而爲村落。爲都市。由是就其語言風俗相同之民。集合而成民族。組織而成國家。皆社會之發達也。今世界社會開化之程度。可別之爲四。

(一) 野蠻之民。同類渙散。不公不羣。或畋漁以爲生。或取昆蟲與草木之實以爲食。晦盲否塞。蠢如鹿豕。

(二) 未開明部民。建大部落。擁戴酋長。逐水草而居。以游牧爲業。安於頑陋。不思進化。

(三) 半開明國民。雖無憲法。而政教尙備。工業亦頗發達。然篤於守舊。而無競爭思想。

(四) 文明國民。憲法完備。文學技藝發達。而有進步。文明進化之最優級也。

## 第六節 國家

國家者。社會之所集合。獨立而有主權。以統治其土地人民之謂也。其統治總機關。謂之政府。政府之體裁有二。曰君主。曰民主。而君主又有立憲與獨裁之異。而民主則無不範圍憲表法之中也。

(一)立憲政體。制定憲法。君民共守。事無大小。人民得以參預。而君權有限制。

(二)獨裁政體。又名專制政體。君主以無上之權。行一國之政。人民不得參預。

(三)民主政體。又名共和政體。選舉人民中之有聞望者。尊爲大總統。又名伯里璽。天德。定

以年限。凡事皆決於衆。以公心行之。

凡能保有立法、司法、行政三權。獨立於世界者。皆曰國。就中土地廣大者曰大國。土地狹小者曰小國。勢力增進。威武奮發者曰強國。兵備不修。僅僅保守者曰弱國。先由市鎮而成國家者曰市國。鄰國繞其四境而無海岸。或僅有海岸之一部者曰內陸國。海岸最長者曰瀕海國。其中又區爲二。直接大洋。於通商一切。毫無障礙者。爲洋岸國。出口卽爲他國之權力所阻者。爲內海岸國。四面環海者曰環洋國。又曰島國。以農業著者曰農業國。工臨著者曰工業國。又有

不能獨立而仰人之保護者。曰保護國。亦曰屬國。又有占領他國之地者。曰領地。亦曰殖民地。或假之於他國。而定以年限者。曰租借地。或不必占領其地。而在一定之域內。得占特別之利益者。曰勢力圈。亦曰利益圈。

### 第七節 宗教

各民族所信仰之宗教。與其習慣及發達上。固大有影響。而於其生業上。尤有直接之關係。如羅馬舊教諸國之獎勵漁業。回教諸國禁種葡萄。禁食豕肉。熱心佛教諸民族。則戒殺放生。或至絕婚嫁是也。今舉宗教之主要者如左。

(一) 婆羅門教 印度舊教也。以苦行冥修造未來之福爲宗旨。印度之人信奉之。

(二) 佛教 創於釋迦牟尼。以明心見性超脫苦厄歸身極樂爲宗旨。行於中國日本及亞洲東南部。信徒實占全世界人口三分之一。

(三) 猶太教 創於摩西。基督教之先聲也。猶太之遺民信奉之。

(四) 基督教 創於耶穌基督。盛行於歐美。以博愛爲宗旨。其教宗分爲三派。一曰天主教。又曰舊教。掌於羅馬教皇。教律甚嚴。歐美南部之人奉之。信徒約一億九千萬人。一曰耶穌教。

又曰新教。距今三百九十年間。與舊教分離。許人信奉自由。不如舊教之拘執。歐美北部及海洋洲之人多奉之。信徒約一億三千萬人。一曰希臘教。以俄皇爲教主。俄國及巴爾幹半島各國奉之。信徒約八千萬人。

(五)天方教。創於謨罕默德。又稱回教。以求長生說天道爲宗旨。亞洲中部南部及非洲北部之人奉之。信徒約二億人。

以上五大宗教。皆以亞洲爲萌芽地。婆羅門教、佛教、皆起於印度。猶太教、基督教、皆起於猶太。天方教起於阿拉伯。其中又分爲多神教、一神教、二派。婆羅門教、佛教、皆多神教。又如凡物教之任舉一物而拜之。火教之拜火。薩蠻教之崇奉無形之神靈是也。猶太教、基督教、天方教皆一神教。



# 新體中國地理

## 第二編 亞細亞洲總論

### 第一章 地文地理

#### 第一節 釋名

亞細亞者羅馬所定之名也。初爲羅馬之一州。當我國漢文景之時。羅馬已威被東方。有小亞細亞西部之百爾加摩王國。其王臨終。獻國於羅馬。始置亞細亞洲。後用爲全洲之通稱。

#### 第二節 位置境界

本洲位於東半球北部之偏東。經線自北京西九十一度小亞細亞之巴巴岬起。至北京東七十三度四十六分白令海峽之東岬止。緯線自赤道北一度十分馬來隅半島之羅馬尼亞岬起。至七十八度十二分西伯利亞之東北岬止。以北京西經線十六度與赤道北緯四十度之交點爲本洲中央。東西最廣處七千英里。南北最長處五千三百英里。面積一千六百九十五萬六千方英里。佔地球全陸三分之一。於六大洲中爲最大。

本洲全境跨熱帶、溫帶、寒帶。東至太平洋。北至北冰洋。南至印度洋。西南隔紅海、蘇彝士河與阿非利加洲相接。西至地中海、黑海、裏海、海界於歐羅巴洲。但亞歐天然之界線甚不明瞭。向以烏拉山脈、烏拉河及裏海、高加索山脈爲限而已。

### 第二節 地勢

本洲地勢以帕米爾高原爲脊。帕米爾者波斯語平屋頂之義。其地在印度克什米爾之北。中國之西。俄領中亞細亞之南。可視爲本洲中央。而稍偏西南。本洲六大山系皆自此發脈。分行四方面。東北行者爲天山山脈。阿爾泰山脈。東行者爲崑崙山脈。東南行者爲希馬拉耶山脈。西行者爲興都庫什山脈。西南行者爲薩利曼山脈。因此六大山脈可分亞細亞爲五大部。

(一) 東亞細亞 中國本部、滿洲及朝鮮、日本是也。

(二) 北亞細亞 天山山脈、阿爾泰山脈以北之地。卽俄屬西伯利亞是也。

(三) 西亞細亞 興都庫什山脈以南。薩利曼山脈以西之地。卽波斯、阿富汗、俾路芝及小亞

細亞、阿拉伯是也。

(四) 南亞細亞 希馬拉耶山脈以南。薩利曼山脈以西之地。卽印度支那、印度、兩半島是也。

(五)中亞細亞。當帕米爾高原之東北西三面。東境爲希馬拉耶山脈、阿爾泰山脈、兩間之地。卽青海、西藏、新疆、蒙古是也。西北境爲興都庫什山脈，以東、裏海、以東、額爾齊斯河以西諸地。卽俄領中亞細亞是也。

本洲地勢。旣區爲五部。然其中高原平原。隨地不同。茲分列如左。

高原凡五部。曰東高原。曰西高原。曰阿拉伯高原。曰印度高原。曰印度支那高原。

(一)東高原。當本洲大陸之中央。細別之可分爲三部。曰西藏高原。曰新疆高原。曰蒙古高原。就中西藏高原。據希馬拉耶、崑崙、二山之間。高度達萬六千尺。

(二)西高原。又稱伊蘭高原。地當波斯、俾路芝、阿富汗一帶。與東高原地勢相連。西境阿味尼亞、小亞細亞、二高原亦附屬之。

(三)阿拉伯高原。在波斯海、紅海之間。其東北聯絡於西高原。

(四)印度高原。卽英領印度之地。就中又分爲二部。曰德干高原。曰馬爾窪高原。

(五)印度支那高原。卽緬甸、暹羅、安南之地。其北聯絡於東高原。

平原亦分五部。曰中國平原。曰西伯利亞平原。曰西土耳其斯坦平原。曰印度平原。曰美索

不達迷亞平原。

- (一) 中國平原。長城以南。中國本部之地。
- (二) 西伯利亞平原。西起烏拉山麓。東盡白令海峽之地。
- (三) 西土耳其斯坦平原。南起興都庫什山脈。西盡裏海。北盡鹹海之地。
- (四) 印度平原。印度河、恆河兩岸之地。
- (五) 美索不達迷亞平原。阿付臘底斯河、底格里斯河兩間之地。

#### 第四節 海岸

本洲海岸線約長三萬五千英里。然以大陸面積比例。不如歐美二洲遠甚。其發達以南東二面爲最著。西面次之。北面則終歲嚴寒。利用絕少。

(一) 北冰洋沿岸。海灣最深入者曰鄂畢灣。次則葉尼塞灣。然俱在寒帶。其臺麥爾半島及新西伯利亞諸島亦荒僻無人煙。

(二) 太平洋沿岸。逾新西伯利亞諸島。經科留臣斯克灣而東。爲太平洋。其介楚克池士岡。札得加之間者。爲白令海。迤南爲鄂霍次克海。撒加稜島之西。則爲韃靼海峽。又南介日本。

朝鮮之間者爲日本海。逾朝鮮而南。至揚子江口之北爲黃海。其蓄入遼東山東兩半島之間者爲渤海。又南爲東海。至臺灣海峽而止。自臺灣海峽而南。爲南海。其深入瓊州島與安南之間者曰東京灣。循交趾支那而南。深入馬來隅。西貢之間者曰暹羅灣。

(三) 印度洋沿岸。

由馬來隅而西爲印度洋。以馬來隅、印度、阿拉伯三半島之突出。孟加拉、阿拉伯二海之深入。成一不整之山字形。阿拉伯之東西。又各有深入之海。東曰波斯海。西曰紅海。島嶼以印度南端之錫蘭島爲最大。

(四) 地中海沿岸。

紅海之北端爲蘇彝士地頸。由此而北。入地中海。有小亞細亞半島之突出。其西爲愛琴海。島嶼甚多。故又名多島海。東逾他大尼里峽。入馬爾馬拉海。又東逾波斯破魯斯峽。以入黑海。他大尼里、波斯破魯斯二峽。亞歐隔海相望之最近處也。

## 第五節 河流

本洲河流有特徵三。茲揭之如左。

(一) 東西兩高原橫互於大陸之中。成一大分水界。諸名川皆發源於此。分注於三方面之大洋。如鄂畢河、葉尼塞河、勒拿河之注入北冰洋。黃河、揚子江之注入太平洋。恆河、印度河之

注入印度洋是也。

(二)本洲多雙子河。雙子河者。兩河源發於相近之地。至中流而有多少之離隔。至下流再相接近以入於海。如黃河揚子江之同出青海。同入太平洋。其源其委。皆相距不遠是也。又有上游分爲二派。至尾閭則相合同注一灣。如恆河雅魯藏布江之合流入孟加拉海。底格里斯河阿付臘底斯河之合流入波斯海股是也。

(三)注於內地之湖澤。或流失於沙磧中。自成爲內陸灌域。始終不入於海。如烏拉河之注於裏海。阿姆錫爾兩河之注於鹹海。塔里木河之注於羅布泊。伊犁河之注於巴爾喀什湖是也。

## 第六節 湖澤

湖澤者。瀦而不流之水也。曰海。曰泊。曰淖爾皆是。括而言之。卽所謂浸也。分鹹水淡水二部分。

(一)鹹水部分。本洲西北之裏海。鹹海。巴爾喀什湖。新疆之羅布泊。滿洲之呼倫湖。皆鹹水也。就中裏海面積十三萬二千方英里。爲世界第一大湖。

(二)淡水部分。西伯利亞之貝加爾湖。吉林東境之興凱湖。江蘇浙江間之太湖。江蘇安徽

間之洪澤湖。湖南之洞庭湖。江西之鄱陽湖。皆淡水也。就中以貝加爾爲亞洲第一之淡水湖。

### 第七節 沙漠

本洲沙漠凡四。曰東高地沙漠。曰西高地沙漠。曰阿拉伯沙漠。曰印度沙漠。

(一) 東高地沙漠。西起葱嶺。東抵陰山之麓。橫亙於內外蒙古及天山南路之地。

(二) 西高地沙漠。東起葱嶺。西至裏海南波斯之地。北包鹹海。南界興都庫什山。與東高地

沙漠。勢本相連。中爲葱嶺間隔。遂分爲二。

(三) 阿拉伯沙漠。占阿拉伯半島地十分之七。與西高地沙漠。氣息遙通。

(四) 印度沙漠。在印度河東南。

以上四部。東西二高地之沙漠。占地最廣。綽互約四千二百英里。印度沙漠。則局於印度河之東南。面積甚小。

### 第八節 氣候及天產

本洲之大部。位於溫帶。且東西長於南北。則氣候亦常相同。然因地勢之差異。而氣候與天產。

遂大有區別。

(一)北亞細亞帶。背部山脈相連。溫暖之南風。既爲隔絕。而北冰洋之寒風。反無以障之。故沿岸地方。有所謂凍土帶者。惟南部尙多森林野獸而已。

(二)東部高地帶。山嶺連亘。溼風爲連山所吸。故氣候純係大陸性。地味亦因之荒廢。惟當春夏雪融之際。則植物得充分之灌溉。皆能溇然而生焉。

(三)西部高地帶。氣候亦大陸性。阿拉伯半島。地當熱帶。熱度之高。與非洲撒哈拉沙漠相匹。其荒原之性質。植物之種類。亦全類非洲。動物僅有駝鳥、駱駝。若伊蘭高地之西部。近於地中海、黑海。氣候較和。動植物尙能遂其生育焉。

(四)南及東亞細亞帶。全部多受海洋之影響。且因季候風而有多量之雨。故最與植物之生育相宜。米爲各地所通產。此外則印度以產鴉片、棉花著名。馬來半島以產香料著名。中國、日本以產茶桑著名。動物則熱帶森林中多虎、象、獼猴、蛇等。

此外無生氣之礦物。本洲極富。烏拉、阿爾泰二山脈。多黃金、白金、銅、鐵。中國北部多鐵及石炭。馬來、隅多錫。印度多金剛石。錫蘭及波斯盛產珠。吉林、松花江支流產東珠。形圓而色青。吾國

特產也。

## 第二章 人文地理

### 第一節 人民

本洲人口約八億三千餘萬。踰世界總數之半。就中四分之三皆居中國日本及印度平原。至北亞細亞及蒙古阿拉伯等之沙漠。則寂寞荒涼。殆鮮人跡。其人種約分爲三。

(一) 蒙古利亞種。占本洲人口五分之三。所居以蒙古、印度支那、中國、日本、朝鮮、及西伯利亞、亞洲土耳其爲主。

(二) 高加索種。占本洲人口十分之三。印度、波斯、阿味尼亞、阿拉伯、等人屬之。

(三) 馬來種。占本洲最少數。居於馬來半島之內。緬甸及中國滇黔兩粵、湖南、四川、諸省之苗、獠、黎、裸亦屬之。

以上三大人種。除馬來種外。蒙古利亞、高加索、二種人。實以希馬拉耶山系以西。遙連高加索之一大山系。爲天然界線。山系以北。居民皆蒙古利亞種。以南。除土耳其族外。皆高加索人也。

### 第二節 生計

本洲社會之生計。隨地不同。茲分列如左。

- (一) 農業。中國本部、滿洲、印度支那、印度、日本、朝鮮之人多務之。
- (二) 畜牧。蒙古、新疆、西土耳其斯坦、亞洲土耳其、阿拉伯、俾路芝、阿富汗之人多務之。
- (三) 林業。中國本部南嶺一帶、及西伯利亞南部山地之人多務之。
- (四) 漁業。白令海峽、及黑龍江下游、日本北海道之人多務之。
- (五) 淘金及玉石諸業。西藏及崑崙、葱嶺、阿爾泰、諸山系、與烏拉山脈之人多務之。
- (六) 工商業。沿海沿江之人多務之。

### 第三節 邦制

本洲居世界三分之一。視歐洲不過附屬之一部。然就政治上觀之。適成一反比例。今獨立國。雖有中國、日本、暹羅、波斯等。然有完全獨立之精神者。惟日本而已。中國在前清時。所損極鉅。故民國以發揚蹈厲之精神。起而代之。茲列本洲諸國之國體、政體、及部落之管轄。如左。

獨立民主共和國

中國

獨立君主立憲國

日本 暹羅 波斯

日本合併國 朝鮮

租借地 旅順 大連灣

英吉利領地 印度 錫蘭

緬甸 馬來隅半島南之海峽殖民地(即新加坡)

阿拉

伯之亞丁 香港

保護部落 印度內地七部

阿富汗 俾路芝 哲孟雄

租借地 威海衛

法蘭西領地 東京 西貢 印度東南岸之本地治里及開利普爾

保護國 安南 柬埔寨

租借地 廣州灣

俄羅斯領地 西伯利亞 西土其斯坦 特蘭斯高加索

保護部落 布哈拉 基華

土耳其領地 亞洲土耳其

葡萄牙領地 澳門 印度半島西岸之疍襪大謀尼及迭和島

德意志租借地 膠州灣

獨立之酋長部落 阿拉伯 不丹 廓爾喀 克什米爾 大貝拉黑爾士 曼尼坡

不丹以下五部皆在印度東北然亦受英吉利之干涉

#### 第四節 交通

交通者。文明發達之機關也。交通愈發達。文明愈進步。其主要之機關有三。揭之如左。

(一)鐵路。自西伯利亞鐵路接於東清鐵路。而亞歐之交通頓便。其次如英屬印度之路。縱橫交貫。不下二萬英里。亦爲亞洲長線。

(二)航路。航路之主要者。舊分三線。一自上海至澳大利亞。一自上海經橫濱至美洲。一自上海繞非洲之南而達於歐洲。自蘇彝士地頸溝通。而歐舶東來。皆由地中海通航紅海。世界航路。因之一變。今美國復開巴拿馬地峽。此功若成。航路又將一變矣。

(三)電信。電信之主要者亦分三線。一自俄都聖彼得堡達海參崴。分支達北京上海。一自

土耳其都城君士但丁經新加坡達香港。分支自新加坡達澳大利亞。一自黑海西北俄得薩達印度之孟買。今則美國經營之太平洋海線又成。本洲與各洲交通益便矣。



民國十一年五月二十二日 人文部



本館自遷至新址後，凡有各館圖書及各項資料，均請逕寄本館，以便彙轉，特此通告。

本館自遷至新址後，凡有各館圖書及各項資料，均請逕寄本館，以便彙轉，特此通告。

# 新體中國地理

## 第三編 中國總論

### 第一章 地文地理

#### 第一節 位置境界

本國位於亞細亞東南之大陸。自革命後。定名曰中華民國。土地廣大。人民稠密。以民數計。位列全球第一。以幅員計。位列全球第三。經線起自北京東十八度十五分。黑龍江與烏蘇里河之會合口。至北京西四十二度十一分。蔥嶺之烏赤別里山口。緯線南起赤道北十八度十三分。瓊州島之崖州海岸。北至五十三度五十分之薩彥嶺脊。東西占經度六十一度不足。幅廣約八千八百餘里。南北占緯度三十六度有奇。長約七千一百餘里。面積三千二百六十五萬二千三百六十九方里。約得亞洲四分之一。世界全陸十分之一。爲本洲第一大國。

東臨黃海、東海。遙對朝鮮、日本。東南臨南海。遙對菲律賓羣島。南以勾漏山脈界法屬安南。以

橫斷山脈及希馬拉耶山脈界英屬緬甸、印度及不丹、尼泊爾、諸回部。西南以哈喇崑崙山脈界克什米爾。西以葱嶺界帕米爾。西北以天山、塔爾巴哈台嶺界俄屬中亞細亞。北以阿爾泰山脈及黑龍江界俄屬西伯利亞。東北以烏蘇里河、興凱湖、圖們江之一部、界俄之沿海州。又以圖們江之大部及長白山、鴨綠江、界朝鮮。由是觀之、中國四界、實介於英、吉、利、法、蘭、西、俄、羅、斯、日、本、四、強、國、勢、力、之、間。

### 第二節 區域

本國境內。因山川之形勢。政治之區劃。可定為本部、東北部、西北部、北部、西部、五大部。茲列表如左。

(一) 本部 南北二嶺。橫絕域中。畫為三帶。黃河、揚子江、珠江三巨川流貫其間。北嶺淮水以

北曰北帶。是為黃河流域。其南至南嶺曰中帶。是為揚子江流域。南嶺以南曰南帶。是為珠江流域。凡此三巨川流域。皆為中國本部之地。共置十八省。

直隸	省名	省會	面積方里
保定			四五六九四

以上北帶黃河流域

湖北	浙江	江西	安徽	江蘇	省名	甘肅	陝西	河南	山西	山東
武昌	杭州	南昌	安慶	江蘇 蘇州	省會	蘭州	西安	開封	太原	濟南
五四八一九二	三〇四六五四	五六一六一九	三七七一四	三四六二七七	面積方里	九七六一八九	五二四四九二	五二四六〇九	四三七八五六	四一八三六六

湖南	長沙	五七八三三三
四川	成都	一二九九七九七

以上中帶揚子江流域。就中江蘇安徽二省。踰淮入北帶。然皆屬揚子江流域。浙江則揚子江支流所及之地也。

省名	省會	面積方里
福建	福州	二九九六〇九
廣東	廣州	六一八二九〇
廣西	桂林	六〇七八四一
雲南	雲南	八四〇一五〇
貴州	貴陽	五〇二二五六

以上南帶珠江流域。就中貴州一省。跨中南二帶。福建則以其同在南帶。故地理學家屬之珠江流域。實則珠江之經流支流無及於福建者也。

(二) 東北部 東北部有行省三。卽滿洲也。以其在山海關之東。又名關東三省。

省名	省會	面積方里
奉天	奉天	三一〇〇〇〇
吉林	吉林	九五四一二九
黑龍江	龍江	一五五五二〇〇

(三) 西北部 西北部在嘉峪關外。有行省曰新疆。漢唐之西域地也。

省名	省會	面積方里
新疆	迪化	五五一一〇四一

(四) 北部 北部在本部之北。內外蒙古及額魯特蒙古是也。

(五) 西部 西部在本部之西。青海、西藏是也。

右二部未置行省。茲將其面積列左。

按民國以政治上之便利。將以青海、科布多、唐努烏梁海、及額濟納、阿拉善等地。劃為西蒙古。俟規定後當宣布云。茲再因舊域。合而表之。

地名	面積方里
內蒙古	一四八一七六〇
外蒙古兼額魯特蒙古	七五四〇八五七
青海	二四〇〇〇〇〇
西藏	二六六四四八四
部別	面積方里
本部	一〇二三四八九八
東北部	二八一九三二九
西北部	五五一一〇四一
北部	九〇二二六一七

西部

五〇六四四八四

總計

三二六五二三六九

## 第二節 地勢

本國當帕米爾之東。西北皆叢山環抱。東南濱海。故地勢西高東下。今約而分之。蓋有四等。

(一) 山嶽之地。占全部三分之二。峯嶺崇高。交通不便。如西藏、新疆、蒙古、四川、雲南、貴州、陝西、甘肅、山西、各省。及滿洲之北部是也。林木繁茂。地味肥瘠不等。

(二) 邱陵之地。峯巒起伏。往來亦艱。如湖南、湖北、廣東、廣西、江西、福建、及滿洲之南部是也。富於物產。地質多腴。

(三) 原野之地。曠野平坦。川澤流通。如直隸、河南、山東、江蘇、及安徽、浙江之北境。湖北之中。部是也。物產最饒。人煙最密。

(四) 沙漠之地。沙礫徧地。一望無垠。如天山南路及蒙古中部是也。間有樹木。宜於牧畜。

## 第四節 海岸

本國海岸線自鴨綠江口起。西南及於東京灣。欽州之明江口。沿岸之形。略如半環。就地勢觀之。應區爲四部。

(一) 渤海。渤海者。齧入遼東半島。山東半島間之內海也。中有二大灣。灣入於東北者曰遼東灣。遼東半島爲其東壁。灣入於西南者曰直隸灣。山東半島突出於其東。兩半島之間曰直隸海峽。北曰老鐵山角。南曰登州頭。廟羣島聯絡兩間。而成天然之門戶焉。

(二) 黃海。鴨綠江口以西。揚子江口以北。凡奉天、直隸、山東及江蘇北部之海岸。皆黃海之區域也。遼東半島之旅順口、大連灣。山東半島之威海衛、膠州灣。皆天然之軍港。而大連灣東之長山列島、海洋島、威海衛口外之劉公島。亦兵事上之要地也。

(三) 東海。揚子江口以南。臺灣海峽以北。凡福建、浙江及江蘇南部之海岸。皆東海之區域也。灣之大而深入者曰杭州灣。然水勢湍急而無利用。他如象山、三門、溫州、三沙、福州、廈門諸灣。皆軍事及商業之要港。崇明扼揚子江之口。舟山峙杭州灣之東。尤爲海疆重地。其餘小島甚多。金門海壇二島。其著者也。

(四) 南海。臺灣海峽迤西南。經福建南部。至雷州半島與瓊州大島間一帶之海岸是也。岸



嶺分布於滿洲朝鮮。長白山脈其著者也。自橫斷山脈東行者。又有二大支。一曰北嶺。自巴顏喇崑崙分出。東至四川爲岷山。自岷山又分二支。相並東來。一支爲漢南諸山。至荆山而極。一支爲終南桐柏大別諸山。至天柱山而極。一曰南嶺。自橫斷山脈分出。東南行循金沙江瀾滄江間以入雲南。東出而爲雲嶺。又東爲苗嶺。五嶺。武夷山。仙霞嶺。至東海濱而極。(三)天山脈。發於喀什噶爾之西。分爲二派。一西北行入俄領中亞細亞者。曰薩阿刺嶺。與烏拉山脈遙連。一東北行爲新疆與俄領中亞細亞之界山者。卽天山之脈。東貫新疆全境。畫分南北二路。至哈密之東而止。最高處曰騰格里山。約二萬五千尺。(四)阿爾泰山脈。自天山北出。橫貫額爾齊斯。葉尼塞。兩河之間。其脈分爲四派。一曰阿爾泰山本脈。自科布多東出。斜貫沙漠中。與賀蘭山脈遙連。一曰杭愛山脈。一曰唐努山脈。皆與本脈作平行勢。與興安嶺相望。一曰薩彥山脈。橫障外蒙古西境北境。爲我國與俄屬之界山。又東入俄境。與興安嶺相屬。其東端至白令海峽而盡。

## 第六節 河流

本國川渠甚多。在本部者皆東南入太平洋。在蒙古者皆北經俄屬入北冰洋。在西藏者皆南

經英屬入印度洋。然亦有不入海而始終瀦蓄於內地者。今因此分本國之水爲沿海、灌域、內陸、灌域二大部。

(甲) 沿海灌域

入太平洋之水。以黃河、揚子江、珠江爲大。此三水者。實吾國水道之代表也。

(一) 黃河

黃河源出青海巴顏哈喇山之噶達素齊老峯下。東流瀦爲札陵鄂陵二海。曲折

東入甘肅境。又東北出長城。循賀蘭山東麓。陰山南麓。至山西之托克托廳西。折而南。成一大曲。是爲河套。又南入長城。經壺口龍門諸山。爲山西陝西之界。折東流入河南境。始由高地流行平地。折東北經直隸山東至利津縣入海。長八千八百餘里。爲我國第二大川。然下游自河南以下。常有水患。而上游又水性重濁。湍急不利行舟。惟河套一帶。頗資灌漑之利。且少通舟楫而已。入河大川著者。爲山西之汾水。陝西之渭水。河南之洛水。

(二) 揚子江

揚子江者。亞洲第一大川也。北嶺以南南嶺以北諸水。靡不會之。其源出青海

極西巴顏哈喇山之陽。山陰卽黃河源。上游曰木魯烏蘇河。經四川西境入雲南。曰金沙江。又自雲南省城東北流入四川。與岷江合。岷江者。夏禹所導。古來皆以此爲大江正源。而實則江之支流也。自此以下。總稱揚子江。東經瞿塘峽、巫峽。至湖北宜昌府之西陵峽。卽古所

稱三峽也。峽中灘多水急。至西陵峽以下始漫爲平流。東經江西。安徽。江蘇。至吳淞口注海。長九千九百六十里。江口有崇明島。入江大水甚多。在四川曰鴉礮江。嘉陵江。在湖北曰漢水。又有入江巨浸。湖南之洞庭。江西之鄱陽。其著者也。

(三) 珠江。珠江者。南部大川也。滇黔兩粵之水皆會之。其上源曰東江。北江。西江。而以西江爲最大。自廣西集黔。鬱。桂。三江。東流至廣州府。合北江。東江。統名珠江。由虎門入三角江。注於南海。

(四) 運河。運河者。世界人工所成最長之水也。南起浙江省之杭州。通過江蘇山東。至直隸之天津。長二千二百十里。以山東之汶水爲上源。至汶上縣西南之南旺。分流南北。北流者過黃河。直至天津府西與白河會。南流者入江蘇境。絕於黃河故道。至揚州府之瓜洲口。絕揚子江。至鎮江府西。過常州蘇州。直至浙江杭州府。自清江浦以上。皆置閘束水以濟運。昔之江淮米粟。輸於北方者。皆於此取道焉。

此外之屬於太平洋斜面者。滿洲有黑龍江。遼河。直隸有沽河。灤河。浙江有錢塘江。福建有閩江。至雲南之瀾滄江。則至法屬交趾支那入海。

吾國區域。雖南不達印度洋。北不達北冰洋。而注入二洋之大川。類多發源境內。如印度洋之怒江。雅魯藏布江。印度河。皆源出西藏。北冰洋之葉尼塞河。鄂畢河。皆源出蒙古是也。

## (乙) 內陸灌域

中國西北兩邊。大山綿亙。水勢無從宣洩。故多瀦爲池泊。今分列如下。

(一) 天山南北路。天山南路有塔里木河。源出葱嶺之東。集天山南麓之水。以注於羅布泊。泊之沿岸多蘆葦。以水味帶鹹。古稱鹽澤。天山北路有伊犁河。源出騰格里山。曰特克斯河。集天山北麓之水。西北流入俄境。瀦於巴爾喀什湖。

(二) 蒙古。蒙古大水。沙漠之南。惟有黃河。然上游在青海。下游入於山西陝西諸省。在蒙古者。僅一河套耳。其次則西喇木倫河。一稱西遼河。橫流於東四盟南部。漠北大水。有克魯倫河。在車臣汗部之中。源出肯特山。東流注於黑龍江省之呼倫池。色楞格河。源出烏里雅蘇台東北。經三音諾顏土謝圖二部之間。北流注於俄領之拜喀勒湖。烏魯克穆河。在唐努烏梁海境。源出烏蘇台嘎山。注入庫蘇古爾海。

(三) 青海。青海西境。有柴達木之低地。爲大湖水之遺迹所瀦。川渠甚多。柴達木河。東西橫流。注於哈拉淖爾及達布遜淖爾。拜噶爾河。源出積石山。中途分二支。西流者瀦於額勒蘇

池。北流者瀦於哈拉淖爾。

(四)西藏。西藏有雅魯藏布江，橫貫於南部，源出阿里部達木楚克哈巴山北麓，循喜馬拉雅山之陰，至後藏，折而南入不丹，怒江源出後藏之大湖地方，與雅魯藏布江平行東流，爲怒山脈所阻，折而南入雲南省，印度河源出岡底斯山之西北，其南有薩特里日河，導源於朗格湖，二河西北分流，出阿里部，入於印度。

### 第七節 湖澤

本國湖澤，大抵在東亞者多淡水湖，在中亞者多鹽水湖，淡水湖利益最饒，茲別舉之如左。

(一)洞庭湖。本部第一藪澤也，在湖南省之北隅，長二百里，廣百里，岳州、長沙、常德、澧州、三府一州環之，烏江以東，五嶺之越，城、萌、渚、都、龐、騎、田以北之水，皆匯之，湘資沅澧，其所瀦水之最大者也，湖中小山甚多，君山最著，春冬湖水甚淺，夏秋湖水盛漲，一望彌漫矣。

(二)鄱陽湖。本部第二藪澤也，在江西省之北境，廣四五十里，至百里不等，長約二百五十里，跨南昌、九江、南康、饒州四府之地，庾嶺以北，仙霞、黟山二山脈以西之水，皆匯之，贛江及修河、樂安江，其大者也，湖中有數小嶼，鞋山最著，水亦時有深淺，然不如洞庭之相去懸絕。

(三)太湖。古震澤。又名具區。跨江蘇浙江二省。蘇州、常州、湖州三府環之。周六百八十餘里。湖中小山甚多。東西二洞庭最著。水石之勝。天然入畫。好奇者以此爲消夏勝地焉。其支流大者。今推吳淞江及婁江。

(四)洪澤湖。在江蘇安徽之交。江蘇淮安府之清河桃源二縣在其東北。安徽之泗洲在其西。盱眙縣在其南。周約七百十二里。東南與高郵、寶應諸湖相通。其上游卽淮水也。湖中有二小嶼。曰老子山。曰龜山。

以上諸湖皆本部之最著者。其次如安徽之巢湖。雲南之滇池。洱海。直隸之甯晉泊。亦有名者也。至於本部以外之諸大湖。更舉如左。

(一)羅布泊。在新疆婁羌縣之北。天山南麓之水多注之。沿岸蘆葦叢生。以水味帶鹽。故古稱鹽澤。

(二)博斯騰泊。一作巴格喇湖。在焉耆府東南。湖周數百里。水渟而青。大裕勒都斯河入之。

(三)烏布薩淖湖。在科布多北隅。周三百餘里。凡札薩克科布多之水皆注之。

(四)哈喇烏蘇湖。在科布多城東六十里。周三百餘里。凡烏里雅蘇台西部之水多注之。

(五)庫蘇古爾泊。在唐努烏梁海東。周四百餘里。亦蒙古之大湖也。

(六)青海。一作仙海。或作鮮海。蒙古語稱庫庫淖爾。形爲橢圓。周五百五十餘里。其色深藍。味帶鹽。四周之水多注之。

(七)騰格里海。在拉薩西北二百二十餘里。水色如青天。故曰騰格里。西藏湖泊繁多。此爲最大。

### 第八節 氣候

本國地居溫帶。氣候與日本美利堅相並。然疆宇遼闊。占緯度三十六度有奇。故南北之差異殊甚。

南部爲海洋氣候。珠江流域。已近熱帶。然以海洋之調劑力。故夏日雖酷暑。而夜仍涼爽。雨量以春夏爲最多。而七八月之間。必有大颶風起於南海。排空激浪。往往有覆舟之患。

北部爲大陸氣候。滿洲蒙古新疆等處。地多山嶺。水力不足以調劑之。故寒暑皆酷。雨量極少。沙漠一帶。往往有西北暴風。兼旬不止。發時塵埃蔽天。晝爲之晦。雖駱駝亦背風而立。以待此風之過焉。

中部氣候最正。黃河揚子江兩流域。春秋佳日。和煦宜人。夏熱冬寒。頗得中和之道。雖細別言之。南北不無少異。然大較溫暖。不失其平。雨量以揚子江流域爲多。黃河流域之距海岸在數百里外者。則稍近大陸性質矣。

### 第九節 物產

本國地味腴沃。天產之富。爲東半球最。動植各物。既能遂其長養之機。而礦產尤爲無盡之寶藏。今類列如下。

(一)植物 我國因地勢氣候之異。而植物之狀況亦自不同。南境珠江流域。含熱帶性。椰子甘蔗香蕉番薯籐紫檀橘類及各種之香料甚夥。水稻尤多。揚子江流域。純乎溫帶。平原多農產。邱陵地多茶漆樟楊柳胡桃棗等。就中稻麥棉茶爲主要之農作物。實吾國物產之代表也。蠶桑之業最發達。針葉闊葉之木。隨在皆有。黃河流域。以豆及梁麥爲主要之產。針葉闊葉之木漸少。滿洲則遼東平野多豆。北境多森林。長白山之人參。尤爲特產。西藏及蒙古一帶。沙磧連亘。類多不毛之地。惟雜草矮樹。或叢生爲一大草原。而成天然之牧地焉。

(二)動物 動物以家畜爲主。牛羊犬豕及水陸禽鳥之類。隨處皆有。驢騾馬亦多。馬多來

自塞外。駝多出於蒙古。騾、驢多產於西北。多力負重。皆稱有用之物。此外則南部有犀牛、野豬、狼、熊、羆等。而水牛爲特產。滿洲有熊、虎、豹、狼、黑狐等。而貂鼠爲特產。至若江浙之蠶。山東河南之野蠶。四川之白蠟蟲。亦昆蟲之有用者也。海產以魚翅、海參爲最。石決明、江瑤柱、淡菜等次之。江河多魚類。然不足供本國之用。故每年水產。由日本南洋輸入者。占額甚鉅。近年直隸、江蘇等省有漁業公司之設。亦所以保我利源也。

(三) 鑛物 吾國領域廣大。鑛產甚富。今約而舉之。滿洲多鐵及石炭。黑龍江一帶多金。黃河流域。有無量無盡之石炭。田若採掘得宜。可供全世界工航業。千餘年之用。金、銀、銅、鉛、錫、鐵、硝石、石油等鑛。亦甚饒足。揚子江流域。有金、銀、銅、鐵、錒、硫、黃、石炭、石油、諸鑛。珠江流域。有銀、銅、鉛、錫、鐵、諸鑛。雲南境內。又有各種寶石。就中山西及湖北大冶之鐵。雲南之銅、錫。貴州之鉛。尤爲最著。石炭鑛則我國本部。隨處皆是。爲我國一大富源。而各國所爭思染指者。直隸、開平所產。尤爲全球第一。江西萍鄉次之。其他如沿海各省。及雲南山西四川之鹽。亦吾國利源所在也。

## 第二章 人文地理

## 第一節 人民

(一)種族 種類皆蒙古利亞種。其間分二大族。

(一)漢族 其先來自西方。占有黃河近岸之地。漸開殖民地於南方。遂分布於中國本部。開創文明。人口最占多數。其最先土著之苗人。居住本部邊徼之高地者。附之。

(二)滿洲族 又名通古斯族。其大部落散布於松花江、黑龍江之間。秦漢時爲東胡。晉時爲鮮卑。厥後爲北魏。爲遼。爲金。前清亦由此族而起。

(三)蒙古族 與滿洲同出東胡族。其先殖於西伯利亞之貝加爾湖上。後漸延於外蒙古。元代兵力直達歐洲。爲此族最發達之時代。今之內外蒙古。皆其裔也。

(四)回族 又名土耳其族。古突厥、回紇之裔。本蕃衍於內外蒙古之地。今分殖於天山南路。又漸移於內地。黃河上游及內地雜居之回民。皆此種人也。

(五)西藏族 又名圖伯特族。古西戎、氐、羌、吐蕃、西夏之裔。今繁殖於前後藏。蔓延於青海。間入雲南甘肅者是也。

(二)戶口 我國自前清雍正以來。停止編審。將丁糧攤入地稅。名曰地丁。全國戶口。遂無確

數。地方官造報戶部。類多意爲增減。不足依據。茲據宣統二年民政部第二次調查之數。列表如左。其未報者。暫從闕略。俟民國調查後。再行列入。以昭核實。

人戶總數（照原單開列）

地方	正戶	附戶
北京內外城	六八五六一	七〇〇〇九
順天府所屬	六〇〇七九七	九一八九九
奉天二十八屬	五四九九一〇	二四九九二六
吉林全省	四二二七八一	三一六六八〇
黑龍江全省	一四五九二九	九五〇八二
直隸全省	三六〇六九三六	五五七一五三
江寧各首縣	八〇七九〇九	一七〇〇九七
江蘇全省	一六九七四九九	四七二六二九

安徽全省

二四八六八九六

六五四二八八

山東全省

五一四三六九九

二三四一七三

山西全省

一五二〇〇三一

四七〇〇〇四

河南全省

三九六九三〇八

六九二二五八

陝西全省

一三一九二一〇

二八二二三四

甘肅全省

七一一〇〇〇

一九五六三九

新疆全省

三八五八四五

六七六三二

福建全省

一六九九〇六七

六七七七七八

浙江全省

二五二四六三五

一三六三六七七

江西全省

二二八七四一一

四七二六二九

江西商埠

二〇五〇九

一六三一六

江西本籍船戶

九〇二三

江西客籍船戶	七六九七	
湖北全省	三七八三一七九	七四九三五二
湖南全省	二五七四一二八	一七一四〇三六
四川五十五屬	二三二一七二五	九三七九九二
廣東全省	四三五八四七三	六八三三〇七
廣西全省	一〇九七五三九	七七〇〇五
雲南全省	一三二八二九二	二一九七二二
貴州全省	一六三四七八二	一三六七五一
京城八旗	一一八七八三	
內務府三旗	四五七一	
京營四部	五六五三六	二一七六五六
左翼四處	四八六	三六八

右翼五處	五三八	二四〇
東陵各旗營	二九八一	一二二五
西陵各旗營	九〇八	一三八
馬蘭鎮所屬	五八六	三四〇
泰寧鎮所屬	二二〇九	七六六
熱河各蒙旗	五四九九四	二七六四
察哈爾所屬	一二九三八	
密雲駐防	一九一七	
山海關駐防	一九四九	
青州駐防	二四〇五	
綏遠城駐防	二七六五	
西安駐防	二五二五	一三七三

涼州駐防	七九四	一三三二
伊犁駐防	一三二一四	四
福州駐防	一七三八	五四六
成都駐防	二五一六	一三四一
廣州駐防	六八八五	三七五三
烏里雅蘇臺所屬	一三五一六	
塔爾巴哈臺所屬	三八八七	
科布多所屬	一七一〇七	
西寧所屬	一一二二一	
庫倫所屬	四〇一〇五	
川滇邊務所屬	四六三六三	二五一二一

右計五千七百八十三萬七千二百零七戶。據原奏言。杭州及京口旗營。尙未入報。

人口總數(照原單開列)

地方	男	女	學童	壯丁
北京內外城	五〇八〇一九	二五六六三八	四七六五三	二〇四九九
順天府所屬	一九九一九六	一七四三六二〇	三七八九五	五九一六〇八
吉林全省	二六八五〇六六	二〇九六七〇〇	五六七五二	八四四二六七
黑龍江各府所屬	八一〇〇四二	六三七四九六	一〇四七一六	四六八一〇七
直隸全省	一二五三二〇六七	九六三四六四七	一八一四九四〇	三九四四八六七
山西八十九屬	四五二八四四五	三四〇〇七一九	四九三七〇七	一五八七一九一
浙江各府所屬	七〇〇四〇八二	五九〇九二二七	一〇三〇三三六	三〇五七九二二
江西全省	八〇三三七五二	六四四六三九一		
江西商埠	一三八〇五二	七三三二六		
江西本籍船戶	四四三四	(男女合計)		

江西客籍船戶	三六九一八	(男女合計)			
四川一百二十五屬	七二二三五九	五九九一七四	一三三八三〇	二五九五四七九	
四川船戶	二七三二	二八〇六			
貴州全省	四六三六九五	三六六九九八	八六二九五	二一九八七三六	
鑲黃旗漢軍	七三二九	七五二三	一八七二	二九四三	
鑲白旗漢軍	六〇〇六	五七七八			
正藍旗漢軍	五五三三	五二二一	一四六一	二二二一	
密雲駐防	四一七〇	三六五〇	六七五	一〇二五	
山海關駐防	三六九一	三三三三			
廣州駐防	二四〇三三	二四〇六一	二八二七	九五九五	
科布多所屬	喇嘛 三八三五五 一九五二	二九〇〇七	五六九	一七四五四	

右據當時所查得之數。其未報之處尙多。姑闕以俟民國之續查。然據戶數推測之。人口全數。

必在四億數千餘萬。爲全世界各國之冠。以密度計之。當以本部爲最占多數。本部中又以江蘇、山東、安徽、福建、爲最稠密。其他之移住於海外者。約五百四十餘萬。居於暹羅者。凡一百四十萬人。爲海外第一殖民地。南洋羣島次之。馬來半島及西伯利亞。又次之。列表如左。

華僑人數表

移住地	調查年分	移民數
日本	光緒三十四年	一七·六七二
香港	光緒三十二年	三〇七·三八八
南洋羣島	光緒三十四年	一·三六〇·五〇〇
星架坡	同上	三〇〇·〇〇〇
暹羅	光緒二十八年	一·四〇〇·〇〇〇
馬來半島	光緒三十三年	五三〇·〇〇〇
法領印度	同上	一九〇·〇〇〇

英領奧爾摩	同上	一七〇・〇〇〇
澳州	光緒三十二年	一四〇・〇〇〇
新西蘭	宣統元年	一四〇・〇〇〇
北美合衆國	光緒二十六年	九〇・一六七
加拿大	光緒二十七年	一七・〇四三
墨西哥	光二十六年	二・八三四
祕露	宣統元年	四五・〇〇〇
檀香山	同上	二五・〇〇〇
西伯利亞	光緒三十三年	五〇〇・〇〇〇
脫蘭斯哇爾	光緒三十年	一一・〇〇〇
南美及中美		一三〇・〇〇〇
其他		二〇〇・〇〇〇

右計五百四十四萬零一百有四人。就中以廣東福建人爲多數。浙江江蘇人次之。然頃年以來。各國多有限制之苛例。將有減而無加。亦我國殖民政策上之所宜講求者也。

(三)風俗 俗尚隨處不同。大都節儉耐勞。勤貨殖。重鬼神。北部民情強勁。而失之樸拙。中部

長於文藝。而失之纖巧。南部敏捷務遠。而失之矜隘。語言爲山川所限。百里不相同。最通行者。爲北京語。文字有漢文、回文、蒙古文、滿洲文、西藏文之分。而最通行者爲漢文。惟字、書多至七萬餘字。世界文學之士。皆謂我國文字最難。而國民教育亦因之驟難發達焉。

## 第一節 宗教

本國上流社會多奉儒教。宗孔子。雖備致尊崇。而不具迷信。其他宗教甚多。不相統一。今略舉其要如左。

(一)佛教 當後漢明帝時自西域入中國。至晉宋間而大盛。梁時菩提達摩由印度浮海至廣州。不契於武帝。乃游北魏。入嵩山少林寺而卓錫焉。震旦佛教第一初祖也。其後流傳甚廣。然近數百年來。僧徒無學。爲世所輕。惟婦女及下流社會之男子奉之而已。

(二)道教 以老聃爲祖。以制欲養心虛無恬淡爲宗旨。至漢末張道陵以符籙惑人。則古巫

覲之流。而非老聃之道德矣。其子孫居江西之龍虎山。世守其業。稱爲真人。卽俗所稱張天師。天下道徒。俱歸統屬。其支流演爲白蓮教。及八卦教。山東直隸河南等省多盛行之。

(三)喇嘛教。與佛教同源。唐時自印度入西藏。至今以西藏爲根據地。而推行於蒙古滿洲北直山陝一帶。其教有新舊二派。舊教衣紅。末流漸入妖妄。新教衣黃。爲前明永樂時宗喀巴所創。至前請認爲正教焉。

(四)回教。卽天方教也。唐時回紇衰微。降人入中國。其教始東。今此教盛行於天山南北。及陝西甘肅雲南等處。

(五)基督教。有新舊二派。舊派稱天主教。先入中國。流傳尤盛。傳教者曰神父。多法人。新教後入。稱耶穌教。傳教者曰牧師。多英美之人。今各省教堂徧設。日盛一日。

他如苗蠻之族。崇拜一切自然物。如水火龍蛇之類。謂之凡物教。亦名拜物教。山東河南之下流社會者。亦多如是。是殆不足稱宗教矣。

### 第三節 政治

本國秦以前爲封建時代。雖貴族執政。而頗有地方自治制度。自秦以後爲郡縣時代。歷代用

君主專制政體。前請光緒三十二年曾降預備立憲之詔。然未能實行。洎革命軍興。遂一躍而躋於最高之共和國體矣。

政治機關。夙分皇室。京朝。地方。三部。舊時立法行政司法。權限不分。清光緒三十二年。更改官制。以成集權中央之勢。定爲立法行政司法三權並峙。民國肇興。諸務草創。茲就臨時政府所組織者。略述如左。

### 臨時政府大綱

中華民國。合全國內五大民族。共同組織。以民國元年元旦。設臨時政府於南京。嗣以三月十日。移設北京。其全體機關。以臨時大總統副總統。與國務員參議院法院構成之。俟民國國會正式開設。制定憲法。再行選舉大總統。繼續統治。凡屬中華人民。對於民國之權利及義務。一律均平等。同受政府之轄治。

#### (一) 臨時大總統副總統

臨時大總統。由參議院選舉。代表臨時政府。總攬政務。公布法律。統率海陸軍隊。得與外國宣戰媾和。締結條約。並有發命令。給勳章。任免職官。制定官制官規。宣布大赦特赦及減刑等權。

惟任命國務員及外交大使公使。並外交重大事件。須得參議院之同意。其任期以國會成立時爲限。期內有違法舉動。得由參議院彈劾。並受特別法庭之審判。

臨時副總統之選舉及任期。與臨時大總統同。遇臨時大總統因故去職。或不能視事時。得代行其職權。

## (二) 國務員

國務總理及各部長。均稱爲國務員。輔佐臨時大總統。負其責任。遇臨時大總統提出法律案。公布法律。及發布命令時。須副署名。在參議院。得由本員或委員。出席及發言。若經參議院彈劾時。大總統得交院覆議一次。再免其職。

國務總理 總理各部事務。

陸軍總長 管理陸軍。經理軍事教育衛生警察司法。並編制事務。監督所轄軍人軍佐。

海軍總長 管理海軍一切軍政。與陸軍總長同。

外交總長 管理外國交涉。及關於外人事務。並在外僑民事務。保護在外商業。監督外交官及領事。

內務總長 管理警察衛生宗教禮俗戶口田土水利工程善舉公益及地方行政事務。監督所轄各官署。及地方官。

財政總長 管理會計庫帑賦稅公債錢幣銀行官產事務。監督所轄各官署。及地方與公共團體之財產。並統轄臨時政府財務。

教育總長 管理教育學藝及歷象事務。監督所轄各官署學校。統轄學士教員。

農林總長 管理農礦漁牧森林事務。監督所轄各官署。

工商部總長 管理工商事業及度量衡事務。監督所轄各官署。

交通總長 管理道路鐵路航路郵信電報船舶各種電業。監督所轄各官署及船舶。並運輸

造船事務。統轄船員。

司法總長 關於民事刑事非訟事件戶籍監獄。及保護出獄人事務。並其他一切司法行政事務。監督法官。

### (三)參議院

中華民國之立法權。以參議院行之。參議員由各地方選派。每行省。內蒙古。外蒙古。西藏。各五

人。青海一人。會議時每員有一表決權。議長由參議員用記名投票法互選。其職權得議決一切法律案。臨時政府之豫算決算。全國之稅法幣制。及度量權衡之準則。公債之募積。及國庫有負擔之契約。承諾大總統請表同意之事項。答覆臨時政府之諮詢。受理人民之請願。得以關於關於法律及其他事件之意見。建議於政府。得提出質問書於國務員。要求答覆。得咨請臨時政府查辦官吏違法事件。對於總統及國務員。得按律彈劾。得自行開會集會閉會。議決事件。咨由臨時大總統公布施行。議員除現行犯及關於內亂外患之罪狀外。會期中非得本院許可。不得逮捕。以國會成立之期。爲本院解散期。其職權由國會踵行。

#### (四) 法院

法院以臨時大總統及司法總長分別任命之法官組織之。至法院之編制。及法官之資格。均以法律定之。其職權。得依法律審判民事訴訟。及刑事訴訟。至關於行政訴訟。及其他特別訴訟。別以法律定之。審判須公開。但有認爲妨害安寧秩序者得祕密。法官獨立審判。不受上級官廳之干涉。在任期內。不得減俸或轉職。非依法律受刑罰宣布。或應免職之懲戒處分外。不得解職。

## 地方行政大綱

地方之制。在前清時。除京師設京尹外。每省設巡撫一員。主持全省之吏治軍政。合數省則置總督兼轄之。其下每省設布政使。主全省之租稅錢糧。設提法使。主全省之司法行政。設提學使。主全省之教育學藝。交涉繁劇省分。設交涉使。有鹽省分。別置鹽運使司之。下設分巡分守兵備各道。而有鹽省分。則置鹽法道。有漕省分。則置糧儲道。有河工省分。則置河道道。道之下曰府。知府事一人。領數州縣。府之次曰直隸州。直隸廳。知州事者曰直隸州。知廳事者或曰同知。或曰通判。皆直隸於布政使。或領縣。或不領縣。而直隸州則無不領縣者。凡附府而分防之同知通判曰散廳。領於府之州曰散州。知廳事州事者各一人。縣有知縣事一人。光緒三十三年。改外官制。就省會增設巡警道一員。掌全省警政。勸業道一員。掌全省農工商業及各項交通事務。兼管驛傳。此外鹽糧關河各道。悉仍舊制。分守分巡各道。一律裁撤。距省較遠者。酌留兵備道。又分設審判各廳。爲司法獨立之基礎。增易佐治各員。爲地方自治之基礎。其後續議重訂外官制。尙未頒布。民國肇興。廢除京尹督撫。每省設都督一員。餘自布政以下。多數改制。亦有暫仍舊制者。總之地方各機關。俟官制編定時。必別有一番大組織。茲先述各省都督列表。

如左。

直省都督表

省名	都督	駐所
直隸	直隸都督	天津
山東	山東都督	濟南
山西	山西都督	太原
河南	河南都督	開封
甘肅	甘肅都督	蘭州
陝西	陝西都督	西安
新疆	新疆都督	迪化
江蘇	江蘇都督	蘇州
安徽	安徽都督	安慶

江西	江西都督	南昌
湖北	湖北都督	武昌
湖南	湖南都督	長沙
四川	四川都督	成都
福建	福建都督	福州
浙江	浙江都督	杭州
廣東	廣東都督	廣州
廣西	廣西都督	桂林
雲南	雲南都督	雲南
貴州	貴州都督	貴陽
奉天	東三省都督	奉天
吉林	吉林都督	吉林

黑龍江

黑龍江都督

龍江

右表係據現時暫定者而言。當民軍初起時。有一省二三都督者。已陸續取銷。此外未設行省地方。如內外蒙古。如青海。如前後藏。在前清時。多以將軍都統。辦事大臣。領隊大臣。或參贊大臣。領之。民國行政。五族一體。今正在公議改制之期云。

#### 第四節 軍政

本國軍制。於前清附大別爲二。有定額者曰經制兵。無定額者曰非經制兵。經制兵之類有二。非經制兵之類有二。茲分述如左。

##### (一) 經制兵

(一) 綠旗。其旗用綠色爲別。清沿明制。以漢人充選。有馬兵。步戰兵。守兵三等。隸於提督。總兵。總督。巡撫。節制。提鎮。而兼有本標之綠旗兵。總兵之下。有副將。參將。游擊。都司。守備。千總。把總等。皆將弁官名也。各省將弁額約七千餘名。綠旗兵額約五十餘萬。然轄境既爲寥廓。而侵蝕缺額之弊。又復滋多。其後屢加淘汰。又經陸軍部奏將綠旗兵一律改編巡防隊。宣統二年十月。浙江首先實行裁改。所有提督總兵各官。一律停止簡放。

(二)新軍。清光緒三十年。練兵處奏定舉辦。光緒三十二年。設陸軍部以總其大權。全國兵額約分三十六鎮。由各省設督練處。下設兵備參謀教練三處。宣統三年。復由陸軍部奏派軍事參議官。每省一員。

軍分三等。一曰常備軍。由督撫遴員會同各州縣。就土著壯丁。選募編伍。月給全餉。正兵四兩五錢。副兵四兩二錢。訓練三年。各回原籍。一曰續備軍。以常備軍三年退伍之兵充之。月給餉銀一兩。派弁駐紮各州縣經理。聽其謀生。每年十月。調府會操。給全餉一月。遇有戰事。徵調入營。三年遞退。一曰後備軍。以續備軍三年遞退之兵充之。仍會操候徵。月給餉銀五錢。四年滿期。退休爲民。遇有戰事。年未滿四十五歲。自願應募者。准其入營。

常備全軍。自總統至司書生。凡一千五百九十五員。目兵二萬一千一百二十四名。匠夫二千六百三十六名。分二鎮。鎮步隊兩協。馬隊礮隊各一標。工程輜重隊各一營。軍樂一隊。協步隊兩標。標三營。步馬礮隊皆同。營分四隊。隊三排。排三棚。棚十四人。

官制分三等九級。全軍設總統一員。統治一切。鎮設統制。協設統領。標設統帶。其下分設管帶。隊官。排長等。又有軍樂隊。每隊隊官一員。排長一員。一等樂兵二名。二等樂兵六名。三等

樂兵十二名。學習樂兵二十四名。伙夫五名。又設糧餉軍械軍醫三局。各局皆有總辦等官。經理各事。如遇行軍。或一鎮一協。獨當一面。由局添派員司。隨同軍鎮前往。遇事聽總統統制之指示辦理。

新軍之設。北洋最先。其餘各省。亦絡繹仿辦。尙未一律成軍。

## (二) 非經制兵

(一) 勇營。清咸豐同治間。太平捻回各黨接踵而起。綠旗兵潰死相望。於是曾國藩、李鴻章、皆率其鄉人子弟。出而從軍。曰湘勇。曰淮勇。此勇營之所自昉也。其制有步隊。有馬隊。有水師。步隊以五百人爲一營。或三百人爲一旗。馬隊以二百五十騎爲一營。水師以三百八十八人爲一營。營用舢板船八。操防勤。規律肅。餉糈厚。故視綠營爲優。迨大局既定。政府遂專倚勇營。凡重要處所。概以移駐。然在營日久。積弊復多。雖自同治以來。改練德日等國操法。而一敗於法。再敗於日。三敗於聯軍。而勇營亦遂不可恃矣。勇丁之數。最多時約三四十萬人。時募時散。無可統計。其後改練新軍。各省多以原有勇營。改編常備續備等軍。嗣經練兵處奏定。凡各省原有勇營。不得用常備續備等軍名目。故江南遂改名留防隊。另辦徵兵。廣

東已仿行。各省亦陸續裁汰。

(二)練營。自太平亡後。各省知綠旗兵無用。於是減兵增餉。抽練綠旗丁壯之議以起。直隸、江南、浙江、福建、先後奏辦。綠旗之額愈減。練營之額愈多。然抽練其名。而腐敗其實。兵既陳。陳相因。餉又層層剝扣。是以行之數年。亦無明效。

以上皆前清時所有之陸軍。民國既興。除滿洲蒙古青海等處舊有之旗制。一時尙未盡改外。所有各直省旗綠防練。及新軍名目。概予撤銷。一律作爲民國陸軍。歸陸軍部編制。受各省軍政府都督管轄。大約以從前之二鎮爲軍。軍有軍帥。以從前之一鎮爲師。師有師長。以從前之一協爲旅。旅有旅長。以從前之一標爲團。團有團長。現正在編訂中。至南京留守府。係爲統一南方軍隊起見。暫時特設。頃已取消。

海軍。中國自前清越南之役。謀擴海權。於是有海軍之設。凡二十營。鐵艦快艦二十餘艘。魚雷六營。魚雷艇多艘。以旅順及威海衛爲屯據之軍港。設海軍提督。及左右翼總兵以統之。而總其成於海軍衙門。亦經制兵也。中日之戰。全師燬焉。海軍衙門。因以就廢。而沿海良港。如旅順、大連、灣、膠州、灣、威海衛、廣州、灣。又相繼爲外人租借。其兵艦之存者。零星散布。幾於不復能。

軍。迨設海軍專部時。不得不另闢軍港。續添軍艦。籌辦未幾。已入民國。此後經營擴充。則海軍總長及全部司員之所有事也。茲據前清宣統二年所調查。列表如左。

我國海軍之戰鬪力表

北 洋 水 師								部 屬
○	×	×	○	○	○	○	○	○ 將卒所坐 × 乘者 戰鬪力者
水雷礮艦	=	礮艦	=	=	=	=	巡洋艦	艦 種
飛鷹	鎮海	泰安	通濟	海琛	海籌	海容	海圻	艦 名
八五〇	九五〇	一二五〇	一九〇〇	二九五〇	二九五〇	二九五〇	四三〇〇	排 水 量
二三·一	九	一〇	一五	一九·五	一九·五	一九·五	二四	速 力
三	三	二四	一五	三	三	三	三	艦 齡
	同前	修繕後堪戰鬪之用	生徒練習船					備 考

洋							南				
×	×	×	○	×	○	○	○	○	○	○	×
=	=	=	=	礮艦	=	水雷礮艦	礮艦	=	=	巡洋艦	=
金甌	飛虎	鈞和	策電	靖遠	建安	建威	登瀛洲	鏡清	保民	南琛	飛雲
一九五	三五〇	三五四	四〇〇	五七	八七一	八七一	二八五	二〇〇	一五〇〇	一九〇五	未詳
不詳	不詳	不詳	九	一〇	二三	二三	一〇	一四	一四	一四	未詳
六	不詳	六	三	六	一〇	一〇	五	三	六	七	未詳
同前	同前 稅關所屬	同前		載洵謂堪海防之用			專任輸送修繕後尙堪戰 鬪之用	在廣東			專任輸送不備軍器載洵 謂堪防海之用

○	○	○	○	○	○	○	○	○	○	×	×
=	礮 艦	=	=	=	水二 雷 艇等	=	=	=	水一 雷 艇等	水 雷 艇	=
江 亨	江 元	湖 燕	湖 隼	湖 鶚	湖 鵬	張	列	宿	辰	安 放	並 徵
五五	五五	九六	九六	九六	九六	一三〇	一三〇	一三〇	一三〇	未詳	五三
一四·七	一四·七	二三·二	二三·三	二三·三	二三·三	二三	二三	二四	二四	未詳	不詳
三	五	三	三	三	三	一五	一五	一五	一五	未詳	三〇
	載洵謂不堪戰鬥之用					同前	同前	同前	南京水師學堂所屬		同前 稅關所屬

建 福		隊 分 北 湖 之 師 水 洋 南									
×	×	不明	不明	不明	不明	不明	不明	不明	不明	○	○
=	運報知艦船	=	=	=	=	=	=	=	礮艦	=	=
元 凱	琛 航	楚 觀	楚 豫	楚 謙	楚 有	楚 同	楚 泰	楚 材	測 海	江 貞	江 利
二五八	一四五〇	七五〇	七五〇	七五〇	七五〇	七五〇	七五〇	九五〇	七三〇	五二五	五二五
一〇	九	一三	一三	一三	一四	一三	一三	一四	一三五	一四·七	一四·七
三五	三七	三	三	三	三	三	三	未詳	未詳	三	三
用	在寧波載洵謂堪海防之用	載洵謂不堪戰鬪之用		同前	同前	同前	載洵謂不堪戰鬪之用	舊式艦載洵謂修繕後堪戰鬪之用	用	舊式艦載洵謂堪海防之用	

廣										師水	
×	×	×	×	×	×	×	×	×	×	×	×
=	=	=	=	礮艦	河用礮艦	兼運報送知艦艦	=	=	=	礮艦	=
廣己	廣戊	廣庚	鎮濤	海鏡清	龍驤	伏波	廣金	廣玉	蓬洲海	靖海	超武
五六〇	五六〇	五六〇	四五〇	四五〇	一〇〇	一三六〇	六〇〇	六〇〇	八〇〇	五七九	二〇九
一〇·三	一〇·三	一一	七	未詳	一〇	一〇	二·五	二·五	未詳	未詳	二
二三	二三	二三	四三	二元	三	四〇	二〇	一九	四三	三九	三三
	同前	載洵謂堪海防之用			爲提督坐艦然吃水甚淺 僅足航行江河	載洵謂堪戰鬪之用	同前	同前	載洵謂堪海防之用	同前在福州馬尾	載洵謂堪海防之用

水						東					
×	×	×	×	×	×	×	×	×	×	×	×
=	水雷艇	=	=	=	=	=	=	=	=	=	=
雷虎	雷龍	廣璧	廣鏡	廣貞	廣利	廣亨	廣元	綏靖	海長清	海東雄	安瀾
五〇	五〇	未詳	三〇〇	三〇〇	三〇〇	三〇〇	三〇〇	三五〇	五〇〇	三五〇	三五〇
一八	一八	未詳	未詳	七	七	七	七	六五	一〇・四	八	七
未詳	二	未詳	未詳	二四	二四	二四	二四	三九	三九	二九	九三
		載洵謂不堪用									老朽船




海軍事務處  
上海(海軍提督)

海兵營  
廣東魚雷營  
南京魚雷營  
煙臺海軍練習營  
黃浦  
南京  
芝罘

船塢  
廣東船塢  
江南船塢  
馬尾船塢  
黃浦  
上海  
福州

礮臺  
揚子江江陰珠山福建閩江廣東珠江河口諸礮臺防備稍爲完善其他諸礮臺則不過爲防禦海賊而已



所造	械所	及所	造船
江南製造局	馬尾船廠	廣東兵械廠	廣東火藥製造局
上海	福州	廣東	廣東
			漢陽槍礮局

### 第五節 國防

本國東南環海。西北皆以陸路與強鄰相逼。故兵事上分爲邊防海防二路。至長江一帶。則形勢所在。又以江防爲要。茲分述如下。

(一) 邊防 吾國陸地。北東西三面。均與俄逼。西南與英屬印度緬甸。法屬安南相逼。故東三省。蒙古。新疆。西藏。雲南。廣西。皆爲陸地防禦之區。然東三省爲俄日競爭之地。西藏爲英俄競爭之地。蒙古新疆。當俄人南下之途。雲南廣西。當英法交逼之隘。各國皆經營鐵路。直入我境。其用心已可概見。吾民國之所當注意也。茲本設險守國之義。列表於左。

沿邊要害表

地名	所在處	形勢
鳳凰廳	奉天府東南	當奉天牛莊至朝鮮義州之要路
琿春廳	吉林圖們江北岸	當我國及韓俄交界之要衝
瑯瑯廳	<small>稱黑龍江南岸舊城</small>	逼近俄國爲邊境重鎮
嫩江府	<small>嫩江東岸舊城</small>	龍江府北部之屏障
呼倫廳	<small>龍江府西北舊城</small>	當俄自西伯利亞入境之衝
恰克圖	外蒙古土謝圖北境	當蒙古俄羅斯交通之要點
庫倫	外蒙古土謝圖境內	北與恰克圖相值當俄自西伯利亞入境之衝
烏里雅蘇臺	外蒙古三音諾顏境內	爲蒙古中權之重鎮
科布多城	阿爾泰山本脈之北	蒙古西路之大都會與俄西伯利亞相逼
伊犁府	新疆天山北路	當俄領中亞細亞入境之衝爲新疆北路重鎮
喀什噶爾	新疆天山南路	當新疆南路之西爲極西邊防門戶

加托克	西藏阿里部	當克什米爾入藏之衝
日喀則城	後藏雅魯藏布江南	後藏首城
靖西廳	後藏舊稱亞東	當英自印度經哲孟雄入藏之衝
拉薩城	前藏米底克藏川上	前藏首城四面環山爲全藏重鎮
騰越廳	雲南永昌府西	地處西南極邊當英自緬甸入境之衝
蒙自縣	雲南臨安府元江支流上	崇山環繞當法自安南入境之衝
龍州廳	廣西太平府西	西南邊境重鎮
鎮南關	廣西龍州廳南境	在桂省極邊當法自安南諒山入境之衝

以上皆緣邊要害。其在陸路內地者不備舉。

(附)長城。漢唐以前。中國邊防。重在北面。故戰國燕趙秦三國。各因北邊山險。築長城以備胡戎。秦始皇滅六國。乃首尾聯綴之。起臨洮。迄遼東。北魏北齊及唐。屢有修築。稍稍變其位置。今之西起甘肅安西州布隆吉城以北。迤東抵直隸臨榆縣之山海關者。乃唐以來改定。

之形勢也。長凡五千四百四十里。皆以磚石築之。每三十六丈。則築一堡寨。置烽火臺於其上。寇至。晝則舉煙。夜則舉火。以警告遠近而徵兵。於要害之口。則置堡寨二三重焉。當時戰鬪。惟有矢石而無礮火。稍足藉爲屏蔽。然匈奴突厥。回紇。沙陀。契丹。女真。蒙古。代有侵入。卒亦未能限其馬足也。民國合南北爲一家。此城於國防無涉。惟置稅關於各口。以稽察商貨之出入而已。

(二)海防 吾國東南環海。岸勢繚曲。故良港甚夥。然旅順、大連灣借於日。威海衛借於英。膠州灣借於德。廣州灣借於法。各爲彼國屯駐之軍港。又自毀吳淞礮臺。開爲萬國公埠。平廢天津大沽礮臺。藩籬盡撤。今惟福州之馬尾。廣東之虎門。尙稱完固。而山東之榮城灣。浙江之象山港。福建之三沙灣。廣東之北海港。亦水抱山環。尙可開爲軍港。然當此海權競長之時。沿岸門戶。旣已洞開。不得已而籌其次。亦失之東隅。收之桑榆之意也夫。

### 沿海要害表

地名

所在處

形勢

營口	奉天遼河口之左岸	當遼東平野之咽喉
大沽口	直隸白河入海之口	當京師之咽喉
北塘口	直隸大沽口之北	與大沽口有犄角之勢
大連灣	奉天金州廳南	兩岸斗出海中水闊而深天然形勝
旅順口	<small>租日本</small> 遼東半島之南端	山勢環抱形如半環實稱天險
芝罘港	山東登州府福山縣東北	三面負山北臨渤海東有崆峒羣島
威海衛	<small>英租</small> 山東登州府東	三面負山前臨黃海口有劉公島
榮城灣	山東登州府榮城縣東	水深而闊然口如仰盂扼守較難
膠州灣	<small>德租</small> 山東膠州南	海水深入口門袂抱爲東方廣大之佳港
揚子江口		沿江諸省之門戶沙灘連亙暗礁甚多
舟山	浙江定海廳	諸山林立爲杭州灣之屏蔽
象山港	浙江寧波府象山縣北	海水深廣可泊巨艦爲寧波後路要地

三門灣	浙江台州府東	口有三門列島口內水深浪闊亦稱佳港
台州灣	浙江台州府靈江口	羣島羅列沙礁甚多兩岸山東水勢洶涌
温州灣	浙江温州府甌江口	靈崑島扼其口分水道爲二
三沙灣	福建福寧府境	灣內水深灣口有雙峯蜘蛛二島頗稱險要
福州灣	福建福州府閩江口	口外羣島羅列爲完固之港
海壇島	福建福州府東南	北顧閩口南蔽興化爲閩省海岸中樞
廈門港	福建泉州府九龍江口	灣中有廈門金門二島港闊水深距臺灣極近
汕頭港	廣東潮州府澄海縣	崖岸壁立
廣東灣	廣東廣州府珠江口	左扼香港右擁澳門爲廣東全省之咽喉
廣州灣 <small>法租</small>	廣東雷州半島東岸	巨石環列形勢天成
北海港	廣東廉州府合浦縣	北負崖壁前臨東京灣

(三) 三江防 江防者揚子江之防務也。以吳淞口爲至要。狼山福山爲次要。自狼山福山以上。

要處均有礮臺。而江陰黃山鎮江圖山。尤爲扼險之地。自此以西。要害甚多。而吳淞口實其門戶也。

沿江要害表

地名	所在處	形勢
吳淞口	江蘇上海縣東北	扼揚子江之咽喉
狼山	江蘇通州南	二山相對沙停水緩爲吳淞口內第一重要
福山	江蘇蘇州府常熟縣北	江面極寬扼守不易
黃山	江蘇常州府江陰縣境	北對靖江爲江陰險要
圖山關	江蘇鎮江府東	爲鎮江門戶
三江營	圖山關對岸	與圖山相犄角扼太平洲南北
焦山	江蘇鎮江府江中	屹峙中流至爲險要
梁山	安徽太平府西南	東西二峯夾江對峙爲安徽門戶

小孤山	江西九江府彭澤縣	孤峙江心與南岸彭郎磯互相犄角
湖口	江西九江府湖口縣	扼鄱陽湖之口爲江西門戶
三峽	湖北四川之間	峽中長七百里兩岸懸崖壁立爲長江至險處

(附)巡警。巡警以保衛地方之治安。巡查人民之非違。凡去害衛生。詰奸禁暴。皆其專職。吾國前清光緒時。各省先後舉辦。特設巡警部。統司全國警察之事。其後又以巡警爲民政之一端。改設民政部。以全國警務隸之。宣統二年。各省陸續設巡警道。以全省警務隸之。入民國後。爲內務部所統轄。將大加整飭矣。

(附)憲兵。憲兵爲陸軍之一部。專以巡查軍人非違。與巡警相輔而行者也。直隸舉行最先。並設憲兵學堂。以養成憲兵官長及憲兵。江南繼之。民國注意治安。憲兵必所在徧設也。

### 第六節 財政

本國財政出入。向無公報可憑。茲就前清度支部試辦宣統三年之預算案。列表如左。

歲入部	銀 兩	歲出部	銀 兩
-----	-----	-----	-----

田賦	四八一〇三四六・二七三	外務部所管	三五四七三・九七七
鹽茶課稅	四六三二三五五・〇三三	民政部所管	五〇一九六一・六八二
關稅	四二二九二八七・九三一	度支部所管	一八二四七五四・〇九九
正雜各稅	二六二六八四二・一七七	學部所管	三三七五四八・七五六
釐捐	四三二八九〇七・〇九九	陸軍部所管	一二六八四三三三・三八九
官業收入	四六六〇八九九・七五三	海軍部所管	一〇五〇三二〇二・七九四
捐輸各項	五六五二三三・一二七	法部所管	七七二六〇一六・七六五
雜收入	三五二四七五〇・六五	農工商部所管	六五五五二七五・二〇五
公債	三五六〇〇〇・	郵傳部所管	五五一四一九〇六・五二九
總計	二九六九六二七二・〇三三	理藩部所管	一七〇五一〇三・八七七
		地方行政經費	三七七〇三三六一・一七
		總計	三八六五二九五・〇七三

右表出入相抵。不敷銀五千餘萬兩。又追加豫算二千餘萬兩。及新外債息銀二千四百萬兩。所虧甚鉅。嗣經資政院核計。歲入應得銀三億零一百九十一萬餘兩。歲出應支二億九千八百四十四萬餘兩。總餘三百四十六萬餘兩。相差甚遠。此案竟未實行。民軍起後。所有前清弊政。如釐捐之類。已予豁免。其他收入。又未能如數齊收。軍費浩繁。賠款欠繳。加以建設政府。凡百需財。據民國元年財政總長所核計。分臨時常年兩項。臨時籌辦經費。需銀一億一千餘萬兩。常年不敷經費銀一億三千餘萬兩。總計本年共絀銀二億八千餘萬兩。現在外則倚洋債爲斡旋。內則熱心志士。有提倡國民捐及不兌換紙幣之議。來日方長。度支孔亟。正不知後此之如何籌劃以期進步也。

吾國外債。始於前清同治十三年臺灣之役。而左宗棠西陲之役繼之。厥後相踵息借。兼以賠款。爲數日鉅。受損日多矣。列表如左。

外債一覽表

發行年分	債種	類	利率	發行額	光緒三十四年杪未還數
光緒十四年	怡和洋行借款	七六六二〇兩	七	一一五〇〇〇鎊	四八〇〇〇鎊
	中日之役所借之債				

光緒二十年	匯豐銀行借款二·九〇〇·〇〇〇	七	一·六三五·〇〇〇	八一七·五〇〇
光緒二十一年	瑞記洋行金債	六	一·〇〇〇·〇〇〇	四六六·七〇〇
光緒二十一年	麥加利銀行代辦柏林借款	六	一·〇〇〇·〇〇〇	四六六·七〇〇
光緒二十一年	匯豐銀行借款	六	三·〇〇〇·〇〇〇	一·二〇〇·〇〇〇
光緒二十一年	俄法借款四〇〇·〇〇〇·〇〇〇(法)	四	一五·八二〇·〇〇〇	一二·四二七·四七八
光緒二十二年	英德借款	五	一六·〇〇〇·〇〇〇	一三·三四二·六二五
光緒二十四年	英德借款	四·五	一六·〇〇〇·〇〇〇	一四·五八四·〇〇〇
光緒二十七年	A 拳匪之變所借之債	四	一一·二五〇·〇〇〇	一〇·二六七·二五四
光緒二十七年	B =	四	九·〇〇〇·〇〇〇	九·〇〇〇·〇〇〇
光緒二十七年	C =	四	二二·五〇〇·〇〇〇	二二·五〇〇·〇〇〇
光緒二十七年	D =	四	七·五〇〇·〇〇〇	七·五〇〇·〇〇〇
光緒二十七年	E =	四	一七·二五〇·〇〇〇	一七·二五〇·〇〇〇
光緒三十一年	政府特別借款	五	一·〇〇〇·〇〇〇	四八三·三三三

光緒三十一年

鈔虧借款

五

五〇〇〇〇〇〇

五〇〇〇〇〇〇

計十五項

一二八〇七〇〇〇〇

一一五三五三五九〇

(七六九〇二三九三三兩)

鐵路借款

光緒二十四年	中英公司京榆鐵路借款	五	二・三〇〇〇〇〇〇鎊	二・〇〇七〇〇〇鎊
光緒二十二年	華俄銀行東清鐵路債	六	七五〇〇〇〇	七五〇〇〇〇
光緒二十四年	京漢鐵路借款宣統元年新債歸還	五	四・五〇〇〇〇〇	四・五〇〇〇〇〇
光緒二十四年	華俄銀行正太鐵路借款	五	一・六〇〇〇〇〇	一・六〇〇〇〇〇
光緒三十年	白耳義新治潔特汴洛鐵路借款	五	一・〇〇〇〇〇〇	一・〇〇〇〇〇〇
光緒三十年	中英公司滬寧鐵路借款	五	二・九〇〇〇〇〇	二・九〇〇〇〇〇
光緒三十一年	福公司德正鐵路借款	五	七〇〇〇〇〇	七〇〇〇〇〇
光緒三十一年	京漢鐵路小借款	五	五〇〇〇〇〇	五〇〇〇〇〇
光緒三十三年	日本政府新吉寬鐵路借款	五	八〇〇〇〇	八〇〇〇〇

光緒三十三年	中英公司廣九鐵路借款	五	一·五〇〇·〇〇〇	一·五〇〇·〇〇〇
光緒三十三年	粵漢鐵路借款 <small>(香港官吏代辦)</small>	四	一·〇〇〇·〇〇〇	一·〇〇〇·〇〇〇
光緒三十三年	中英公司蘇杭甬鐵路借款	五	一·五〇〇·〇〇〇	一·五〇〇·〇〇〇
宣統元年	津浦鐵路借款	五	五·〇〇〇·〇〇〇	五·〇〇〇·〇〇〇

其他債款

光緒二十八年	禮和洋行萍鄉煤礦借款	七	四六·〇〇〇	七三·〇〇〇
光緒二十八年	禮和洋行萍鄉煤礦借款	七	四八·七八〇	三〇·四八八
光緒三十四年	匯豐銀行郵傳部債款	五	五·〇〇〇·〇〇〇	五·〇〇〇·〇〇〇
計三項			五·〇九四·七八〇	五·一〇三·四八九
總計三十三項			一五六·五九四·七八〇	一三八·五五七·〇七七
兩換算 (每兩以三喜林計)			一·一〇八·六三一·八六二	九二三·七一三·八六〇

右表係前清宣統二年所調查。嗣後續加之借款。尚不在內。已十億餘兩。民國續借之款。為數又甚鉅。以全國人口四億數千萬分任之。每人約在三兩以外。似償還尚屬非艱。然政府歲入。

尙未增加。國民生計。日就艱窘。雖有利源。十九未闢。則債款之爲累。殆未知伊於胡底矣。

(附)貨幣。中國貨幣。以銅爲本位。而輔之以生銀。民間交易。均以錢計。而千百之數。南北互殊。數鉅者以銀計。而兩錢分釐。隨地互異。況京錢制錢。價格既亂。元寶小錠。形式亦殊。而官用銀平。又與民間不同。幣制之紛。莫斯爲甚。自墨西哥銀圓流入。東西各省。咸樂通行。而德銀輸入於山東。法銀輸入於雲南。日俄之銀輸入於滿洲。又相逼而來。各省乃仿鑄龍圓。以資抵制。嗣因制錢缺乏。鑄銅圓以輔制錢之不逮。清光緒三十一年。定鑄一兩重銀幣爲本位。並鑄五錢二錢一錢三種。與銅圓制錢相輔而行。旋又停罷。宣統二年四月。又將幣制單位。定名曰圓。暫以銀爲本位。每圓重七錢二分。輔幣則有五角二角五分一角三種銀幣。及五分銀幣。二分一分五釐一釐四種銅幣。圓角分釐。各以十進。於京師設造幣總廠。鑄造新幣。奉天、四川、雲南、湖北、江寧等省。設造幣分廠。而由度支部總其成。現時民國已另鑄開國新幣以代之矣。

金融機關以銀行爲主。近年官商設立之銀行。日益增多。大清、交通、通商、三銀行。資本較厚。清宣統三年。明定大清銀行爲國家銀行。監理國幣。而各銀行發行一元五元十元等項之

鈔票爲用較便。然通南大埠。外國銀行林立其間。其信用實在吾國銀行上。甚可懼也。

## 第七節 教育

本國教育。在前清時。京師舊有國子監、宗學、覺羅學、八旗官學。各派大臣管理。行省有府廳州縣之儒學。分設教授、學正、教諭、訓導等官。此外官立者有書院。有義學。私立者有家塾。其教育之程度。雖不盡同。而其目的。則注重科舉。科舉既廢。學制大變。於是全國以學堂爲教育之地。學堂之制。前清時分爲五級。以次遞升。曰初等小學堂。曰高等小學堂。曰中學堂。授以普通之知識學問。曰高等學堂。則爲中學畢業遞升之所。曰分科大學。則授專門精深之學問。爲養成中小學教員計。設優級師範學堂。初級師範學堂。爲養成政治人材計。設法政學堂。爲養成各種實業人材計。設初等中等高等各種實業學堂。小學之設。以足敷城鎮鄉學齡兒童就學爲主。中學定章每府一所。高等學定章每省一所。大學設於京師。師範實業各學。酌量各省情形。隨時辦理。近年官立私立各種學堂。以次增多。其留學歐美及日本者。官費私費。復所在興起。美國退還庚子賠款。移其款充我國留美學生之用。政府許之。近年迭派學生前往。京師復設清華學堂。以爲遊美學生豫備之所。至於女子教育。則師範學堂及小學堂。已訂定專章。惟教

育事宜。籌備未臻完美。後由學部奏設中央教育會。徵集全國之有教育經驗者。會議一月。民國嗣興。將實行普及教育。並注重高等教育。至八旗子弟。一視同仁。不另設校。此大較也。武事教育。始於前清光緒三十一年。練兵處奏設之陸軍小學堂。北京及直隸、江蘇、湖北、福建、廣東、雲南、四川、甘肅。各設一所。額定三百名。山東、河南、山西、安徽、江西、浙江、廣西、貴州、湖南、陝西、新疆、奉天、吉林、黑龍江。各設一所。額定二百十名。荊州、福州、察哈爾三處駐防。各設一所。額定九十名。考收高等小學學生。分三年收足。專教普通學及軍事教育之初階。三年卒業。分別升入各省之陸軍中學。專教普通學及軍事初級。二年卒業。舊時以直隸、江南、湖北、陝西、爲應設中學之所。嗣又改議於直隸、奉天、江南、福建、湖北、廣東、陝西、雲南等處。劃定中學區域。於南北洋兩湖兩廣。先行開辦。俟中學卒業。升入北京兵官學堂。專授軍事學術。二年畢業。發往軍隊充學習官。又有大學堂。則收各軍隊任事二年以上而材優學粹之官長。專教高等軍事學。自海軍部成立以後。復開辦海軍學堂。爲造就海軍人材之基礎。每年選派學生留學日本及歐洲各國。民國新立。將益事擴充。凡舊時將不知兵之習。必將一掃而空之矣。

## 第八節 刑法

本國刑法。前清時沿自明代。分名例。吏禮戶兵刑工七大綱。計四百三十六門。一千七百六十六條。因革損益。迭有更改。至光緒時修改刑法。除去凌遲梟首戮屍三項。凡舊律斬梟以下。均普減一等。其緣坐之律。除知情者仍治罪外。凡不知情者。悉予寬免。刺字款目。一概刪除。向來笞杖之刑。改爲罰銀。竊盜擬笞罪者。改罰工作。惟刑訊舊俗。雖嚴行禁止。而官吏因循。訖未更革。此則民國之所當實行禁絕者也。

清以律爲一代之典章。例爲因時之斷制。例外又有案。以補律例之不及。凡百庶獄。由州縣擬定。上之督撫。督撫達之刑部。刑部會同都察院大理寺定讞。光緒三十二年。改大理寺曰大理院。爲最高之審判院。又改刑部曰法部。爲最高等之司法衙門。民國以從前例案。徒爲官吏舞弊之資。已一律注銷。作爲無效。將另行編定律文。以期適用。

國中刑法。前清時大較分笞杖流徒死五等。死刑有二。曰絞。曰斬。流刑有三。自二千里遞加至三千里。徒刑有五。自一年遞加至三年。杖刑有五。自六十遞加至一百。笞刑有五。自一十遞加至五十。凡死刑應減等。而流徒又不足以蔽其辜者。則以發遣充軍處之。如發遣東三省爲奴爲民之類是也。軍罪有五。曰附近。曰近邊。曰邊遠。曰極邊。曰煙瘴。自二千里至四千里不等。此

外尚有總徒五年、準徒四年之例。國有大慶，則赦人罪。惟常赦所不原者，及犯十惡者不與焉。民國與民更始，如絞斬之慘酷，及爲奴之大背人道，必行更改。十惡之名，亦必裁撤。其餘舊法，皆當以次改良者也。

## 第九節 外交

本國獨立東亞。前清時向持閉關自守主義。至道光以來，泰西諸國羣至。以禁鴉片起釁。始開沿海商埠。天津條約既定。始開長江商埠。咸豐季年，英法之役，賠款始多至千萬。俄既乘我內亂，掠我伊犁、滿洲數千里之地。東南藩屬，如安南、緬甸、琉球、朝鮮諸國，又相繼爲英法日本所奪。甲午日本之役，賠款既鉅，且割臺灣一省。庚子拳禍，各國聯軍而入，賠款更至四億五千萬。其他喪失尤甚。自有交涉以來，五十餘年，無一善策。民國鄭重邦交，必不致蹈從前覆轍矣。訂約惟俄最早。係在清康熙年間。其他各國，雖有明時卽入中國者，然皆至清道光同光間始先後議訂。今締約之國，凡二十有一。在亞洲有日本、暹羅。在歐洲有俄羅斯、英吉利、法蘭西、德意志、奧斯馬加、義大利、西班牙、葡萄牙、比利時、荷蘭、瑞典、挪威、丹麥。在美洲有美利堅、祕魯、巴西、古巴、墨西哥、剛果。約章大要，其初不外通商、傳教、疆界、遊歷、數大端。而後則駸駸干涉內政。

亦民國之所當注意者也。

專使永駐各國。始於清光緒元年。其後英、法、德、俄、美、奧、義、比、荷蘭、日本、均駐專使。西班牙、葡萄牙、則駐法使臣兼之。古巴、墨西哥、祕魯、則駐美使臣兼之。舊時各國使臣。皆以京卿出使。仍留京秩。後軍機處奏定。皆作實官。分爲三等。其有特別事故。派遣代表君主者。爲頭等。專駐各國者。爲二等三等。下設參贊書記通譯等官。凡專設使館者。使臣駐之。其設分館者。平時以參贊駐之。如有遞國書議要事。則公使親蒞其國焉。民國初建。各國尙未承認。各國駐使。均暫改爲臨時代表。

外洋各埠。又設總領事。正領事。或領事。上承公使。以轄我僑寓之民。其已設者。爲英屬南非洲、新加坡、紐絲綸、檳榔嶼、坎拿大、澳洲、仰光、溫柔埠、美利堅之金山、紐約、檀香山、南美洲之墨西哥、祕魯、古巴、小呂宋、巴拿瑪。日本之橫濱、神戶、長崎、韓國、仁川、釜山浦、鎮南浦、元山津。俄屬之海參崴等處。宣統三年六月。與荷蘭訂定條約。凡各國現時派駐領事。及將來派駐領事之口岸。中國均可派領。旋於爪哇設總領事。駐於巴達維亞。泗水。把東各設正領事。此外應行增設之處。隨時奏明辦理。

## 第十節 農業

本國地味腴沃。自古以農立國。無如農事農具。皆墨守成法。不知精究。故一遇天災。人事寔敗。前清時京師有農工商部。各省設勸業道。皆負提倡改良之責。復有農業學堂。農事試驗場。農會之設立。惟全國農地。向無確實之調查。說者謂可耕之地。不下八億畝。向者僅知揚子江、珠江之沿岸。爲農利最普之區。近年士民皆知東三省爲至佳之農作地。移民開墾。正在籌辦。農產之重要者。曰米。揚子江下流一帶爲多。曰麥。爲北方之主要食物。直隸、山東、河南等省爲多。曰豆。亦以北部爲多。近年東三省所產。日益發達。曰茶。爲我國輸出品之大宗。中部南部各省爲多。曰棉。本部各地皆產之。以江、浙、湖、廣諸省爲多。曰麻。各省皆產之。其他穀類果類。猶不勝縷述也。

森林之盛。又爲外人所羨稱。其區域當推福建、四川、湖南、江西、貴州諸省。東三省亦頗繁茂。種類等級。各有不同。鴨綠江一帶。以黃花松、赤柏松爲上品。紅松、杉松、油松爲中品。赤榆、槐、梨等爲下品。南方一帶。則以桑、梓、松、杉爲貴。檀、梧次之。惟林政不修。坐棄利權。大可懼也。民國新設農林部。將實行講求。以謀進步。

養畜亦爲農業之一端。如飼養家畜、家禽、蠶蟲等皆是也。本國養畜之業。西北盛於東南。以其地多曠野之故。馬有二種。產於蒙古及長城一帶者。謂之口馬。產於四川者。謂之川馬。而青海所產。亦甚雄駿。駱駝產於蒙古新疆近沙漠之地。驢、騾、牛、羊。產於江淮之間。犛牛爲青海西藏之特產也。豕及雞鴨。則隨地有之矣。

## 第十一節 工業

工業。自昔稱盛。中世以降。工政不講。物質的文明。久無進步。通商後受外界之激刺。知處此工戰之世。非競爭無以生存。始於舊工業外。創開種種之新工業。締構經營。日有進步。然以視歐美。則吾國尙在發軔之初耳。

(一) 舊工業 舊工業者。吾國本有之業也。徽州之墨。湖州之筆。江蘇之玉器草蓆。閩粵之製糖。廣東之紫檀器及象牙雕刻。江浙之綢緞紗羅。山東河南之繭綢。京師之景泰藍銅器。福建之漆器。江西之瓷器及葛布。京師、蘇、杭、廣東之繡貨。陝、甘、蒙古之氈毯。直隸、山東之草帽。江蘇、湖北之棉布。皆爲最著。就中陶、瓷、漆器、綢緞三者。尤爲外人推重。然西人仿造。更形精美。若不思有以改良。則更閱數十年。恐亦汰淘將盡矣。

(二)新工業 新工業者。仿效外人成法。先後創辦者也。福州、廣東、江南之船廠。天津、保定、濟南、上海、杭州、寧波、廣東、安慶、雲南、四川、吉林之製造局。甘肅、蘭州之製絨廠。湖北漢陽之鐵廠。漢口、九江、福州之磚茶製造廠。江蘇徐州、山東博山之玻璃廠。上海、武昌之織布廠。皆最爲有名。其次如縲絲、漚麻、磨麵、自來火。各局廠。亦官辦商辦。相繼而起。工界前途。頗有發達之望。茲將新工業公司種類及資本。列表如左。

新工業公司表 據清宣統二年實業調查

製粉	紡績及織布	生絲	種類	股份			合計	資本		所占成數
				公司	有限	無限		元	兩	
二	二〇	二		一	二	一	一七〇・〇〇〇	一・〇六五・〇〇〇	四・六	
							二四	四・〇六六・〇〇〇	三・四八五・〇〇〇	一八・六
							五	一・〇四〇・〇〇〇	三〇〇・〇〇〇	一

煉瓦製磁	九	二			二	一・八三〇・〇〇〇	六錢三萬串	三・八
紙烟	一〇			一	二	四七〇・〇〇〇	二六〇・〇〇〇	一・七
精米	四			一	五	五〇〇・〇〇〇	二二〇・〇〇〇	一・七
電燈	七				七	三・二〇〇・〇〇〇	六二〇・〇〇〇	八・四
豆粕榨油	八			一	九	一〇・〇〇〇	一・〇九〇・〇〇〇	三・二
胰皂洋蠟	六				六	六八・〇〇〇	二一〇・〇〇〇	・一
火柴	二	一			三	九・五〇〇	四一〇・〇〇〇	一・二
玻璃	二				二		七五〇・〇〇〇	・二
建築土木	五	一			六	一五・〇〇〇	一・一〇〇・〇〇〇	三・二
機器製鐵	二				二	二一〇・〇〇〇・〇〇〇	三二〇・〇〇〇	四・三

雜業	10	7	1	6	24	1,271,000	1,117,000	六·一
合計	26	27	1	22	27	35,298,800	10,717,000	六錢三萬串

### 第十一節 商業

本國地大物博。甲於環球。國民又富於商業性質。惟以原料多而出品少。而足以阻礙商業之發達者。又有種種之原因。故進步甚鮮。前清時雖曾設農工商部。訂商律。改商約。但進行不力。實效難期。民國既興。鐵道及其他交通之機關。必日益擴張。礦山及其他之利源。日益開拓。商務之興。行有日矣。

貿易分本國外國二種。本國貿易。多集於北京及各省會。以山西人爲最占優勢。山東人次之。外國貿易。多集通商各港。以廣東人爲最占優勢。閩浙人次之。

開埠通商。以鴉片戰爭之結果。上海、寧波、福州、廈門、廣州、五口通商爲始。頻年迭次開放。貿易交通。次第進步。今將已開水陸各埠列表如左。

#### 本國水陸商埠表

埠名	所在地	關名	開放年分	駐有領事各國	開放事由
營口	奉天營口廳西遼河口	山海	清咸豐八年	英德日瑞俄美法荷	英天津條約
連山灣	奉天錦州府甯遠州東北		清光緒三十四年		奏開
秦皇島	直隸永平府臨榆縣南	秦皇島	清光緒二十四年		奏開
天津	直隸天津府治	津海	清咸豐十年	英法德俄美日奧義比葡	英法北京條約
煙臺	山東登州府福山縣芝罘島內	東海	清咸豐八年	英法德俄美日奧	英天津條約
青島	山東膠州勞山港口外	膠海	清光緒三十四年		雖有德國租借地而我國有海關設於此
海州	江蘇海州之臨洪口	海州	清光緒三十一年		奏開
上海	江蘇松江府上海縣	江海	清道光二十二年	英法德俄美日奧日西葡比瑞荷義	英南京條約訂開沿海五口之一

北 海	汕 頭	廈 門	福 州	三 都 澳	福 寧	溫 州	寧 波	吳 淞
廣東廉州府城南	廣東潮州府澄海縣	福建泉州府廈門廳	福建福州府之南台	福建福寧府三沙灣內	福建福寧府治	浙江温州府治	浙江甯波府治	江蘇太倉州寶山縣之吳淞鎮
北海	渤海	廈門	閩海	福海		甌海	浙海	江海分關
清光緒二年	清咸豐八年	清道光二十二年	清道光二十二年	清光緒二十四年	清光緒十六年	清光緒二年	清道光二十二年	清光緒二十二年
	英法	英日	英德法日荷葡瑞俄西美			奧英日	奧英日	
英煙臺會議條約	英天津條約	英南京條約訂開沿海五口之一	英南京條約訂開沿海五口之一	奏開	奏開	英煙臺會議條約	英南京條約訂開沿海五口之一	光緒六年德國續約允准停泊至二十二年奏明改爲江海分關

以上海岸商埠

漢口	武昌	岳州	沙市	宜昌	萬縣	重慶	瓊州
湖北漢陽府夏口廳	湖北武昌府治武勝門外	湖南岳州府治	湖北荊州府南	湖北宜昌府治	四川夔州府萬縣	四川重慶府治	廣東瓊州府之海口
江漢		岳州	沙市	宜昌		重慶	瓊海
清咸豐八年	清光緒二十六年	清光緒二十四年	清光緒二十二年	清光緒二十二年	清光緒二十八年豫定	清光緒十七年	清咸豐八年
英法德俄比日西瑞荷義				英日美法		英日美法	
英天津條約訂開長江三口之一	奏開	奏開	光緒二年英煙臺條約訂明歸入長江輪船停泊處至二十二年開	英煙臺會議條約	英煙臺會議條約	光緒二年英煙臺條約訂明由英派員前往察看商務至十七年開	英天津條約

以上揚子江商埠

常 德	湘 潭	長 沙	鎮 江	江 寧	蕪 湖	安 慶	九 江
湖南常德府治	湖南長沙府湘潭縣	湖南長沙府治	江蘇鎮江府治	江蘇江寧府之下關	安徽太平府蕪湖縣	安徽安慶府治	江西九江府治
常德	湘潭	長沙	鎮江	金陵	蕪湖		九江
清光緒三十一年	清光緒三十一年	清光緒三十年	清咸豐八年	清光緒二十三年	清光緒二年	清光緒二十八年	清咸豐八年
			英日美(上海兼)	英法	英美日奧		法(漢口兼)英日荷俄美(均上海兼)
奏開	奏開	奏開	英天津條約訂開長江三口之一	咸豐八年法約訂開嗣因太平事急遂寢至光緒二十三年奏開	英煙臺會議條約	光緒二年英煙臺會議條約允作停泊處二十八年英約允開	英天津條約訂開長江三口之一

梧州	惠州	新寧	九龍	香洲	甘竹	江門	三水	廣州
廣西梧州府治	廣東惠州府治	廣東廣州府新寧縣	廣東香港之北	廣東廣州府香山縣前山	廣東廣州府順德縣	廣東廣州府新會縣之北	廣東廣州府三水縣	廣東廣州府之沙面
梧州	惠州				甘竹	江門	三水肇慶屬之德慶	粵海
清光緒二十年	清光緒二十年豫定	清光緒三十四年九月	清光緒二十四年	清宣統元年三月	清光緒二十三年	清光緒三十年	清光緒二十三年	清道光二十二年
								英美荷葡法德日俄比義奧
光緒二十一年英立中緬附款專條訂允二十二年開	中英商約	光緒三十四年地方紳商稟請開辦	雖為英租借地而廣東分關設於此	光緒三十四年地方紳商稟請開辦	舊稱三水關光緒二十三年中英緬甸條約附款允作分關	舊為三水分關光緒二十八年中英商約允開口岸三十年始設專關	光緒二十一年英立中緬條約附款專條訂允二十三年開	英南京條約訂開沿海五口之一

蘇州		以上黃河商埠				以上珠江商埠	
江蘇蘇州府治	蘇州	鄭州	濰縣	周村	濟南	龍州	南寧
清光緒二十二年	英日	河南鄭州	山東萊州府濰縣	山東濟南府長山縣南	山東濟南府治	廣西太平府龍州廳	廣西廣寧府治
光緒二十一年日本馬關條約		清光緒三十一年	清光緒三十年	清光緒三十年	濟南	清光緒十三年	南寧
		奏開	奏開	奏開		法	光緒二十四年奏定至三十二年始勘界開放
						續議法越商務專條	

以上運河商埠

張家口	彰德	洛陽	雲南	蒙自	河口	思茅
直隸宣化府城西北	河南彰德府治	河南河南府洛陽縣	雲南雲南府治	雲南臨安府蒙自縣	雲南開化府安平縣南邊	雲南普洱府思茅廳
清咸豐十年	清光緒三十四年	清光緒三十四年	清光緒三十一年	清光緒三十三年	清光緒二十三年	清光緒二十一年
俄續約	奏開	奏開	奏開	續議法越商務專條	法	中英改訂中緬附款專條
光緒二十一年日本馬關條約						
英日						
清光緒二十二年						
杭州	杭州					
浙江杭州府治						
杭州						

騰越	雲南騰越廳	騰越	清光緒二十三年	英	滇緬條約
嘉峪關	甘肅肅州		清光緒七年	俄	中俄改訂條約
買賣城	即恰克圖外蒙境 古土謝圖汗北		清雍正五年		雍正五年與俄立恰克圖條約 准令通商嗣又禁止至乾隆五十七年復立互市約
庫倫	即烏爾夏外蒙境 內古土謝圖汗境		清咸豐十年	俄	俄續約
塔爾巴哈台	新疆塔爾巴哈台廳		清咸豐元年	俄	中俄伊犁塔爾巴哈台通商章程
伊犁	新疆伊犁府治		清咸豐元年	俄	中俄伊犁塔爾巴哈台通商章程
迪化	新疆迪化府治 舊稱烏魯木齊		清光緒七年		俄改訂條約十二款
疏勒	新疆疏勒府治 舊稱喀什噶爾		清咸豐十年	俄	俄續約
吐魯番	新疆吐魯番廳		清光緒七年	俄	中俄改訂條約

遼陽	鳳凰	大東溝	安東	奉天	以上陸路商埠		噶大克	江孜	亞東
奉天遼陽州治	奉天鳳凰廳治	奉天鳳凰廳安東縣南	奉天鳳凰廳安東縣	奉天奉天府治			後藏江孜城	後藏靖西廳亦稱春丕	亞東
	⊗								
同上	清光緒三十二年豫定	同上	同上	清光緒三十二年			清光緒三十二年	清光緒三十二年	清光緒二十三年
			美日	俄德日					
同上	中日協約	同上	同上	光緒二十九年中美通商條約及中日通商航海條約所訂			印藏新約	印藏新	光緒二十一年中英會議印藏條約訂允至二十三年開

琿 春	甯 安	濱 江	長 春	吉 林	法 庫 門	通 江 子	鐵 嶺	新 民
吉林琿春廳治	吉林甯安府治 舊稱甯古塔	吉林濱江廳治 舊稱哈爾賓	吉林長春府治 俗稱寬城子	吉林吉林府治	奉天鐵嶺縣西 北法庫廳治	奉天昌圖府康 平縣東俗稱通 江口	奉天鐵嶺縣治	奉天新民府治
同上	同上	同上	同上	同上	同上	同上	同上	同上
		俄日	日	日				
同上	同上	同上	同上	同上	同上	同上	同上	同上

臚濱	愛琿	呼倫	龍江	百草溝	頭道溝	局子街	龍井村	依蘭
黑龍江臚濱府治舊稱滿洲里	黑龍江愛琿廳	黑龍江呼倫廳治舊稱海拉爾	黑龍江龍江府治舊稱齊齊哈爾	南至延吉府約百里	西北去延吉府約九十里	吉林延吉府治	吉林和龍縣西北六道溝左岸	吉林依蘭府治舊稱三姓
同上	同上	同上	清光緒三十二年豫定	同上	同上	同上	清宣統元年九月	同上
				日	日	日	日	
同上	同上	同上	中日協約	同上	同上	同上	宣統元年七月中韓界務條約第二款訂開	同上

以上東三省訂定開放各埠

附輪船上下客貨各地表

地名	所在	地事	由
通州	江蘇通州天生港	清光緒三十二年奏定作為起落貨物之埠	
大通	安徽池州府大通鎮	清光緒二年英煙臺會議條約允作輪船上下客貨處	
湖口	江西九江府湖口縣	同上	
武穴	湖北黃州府武穴鎮	同上	
陸溪口	湖北武昌府境	同上	
肇慶	廣東肇慶府治	清光緒二十三年中英滇緬條約附款允作輪船停泊處	
德慶	廣東肇慶府德慶州	同上	
白土口	廣東	清光緒二十八年中英商約允作暫行停泊上下客貨處	
羅定口	廣東羅定州境	同上	
都城	廣東羅定州西寧縣境	同上	

以上各埠。以廣州爲南部之樞紐。天津爲北部之樞紐。漢口爲長江之中心。而以上海爲總樞。全國貨物均於此集散。統理一切交涉者曰通商大臣。北洋以直隸總督兼任。南洋以兩江總督兼任。其已設新關者。以附近道員爲監督。然亦有特派監督及總督兼管者。如天津之特設關道。粵海關之由兩廣總督兼管。閩海關之由閩浙總督兼管是也。其徵稅之事。多以西人主政。曰稅務司。初以英人赫德爲總稅務司。清宣統三年。赫德死。仍用外人繼之。復特派稅務大臣。統治各關。而稅務司亦參用華人焉。

輸出品以絲茶爲大宗。木棉、毛皮、紙、豆、瓷器、草帽、綆等次之。輸入品以洋布、鴉片爲大宗。石油、金屬次之。絲茶輸出。固爲吾國之利。而鴉片流入。則爲害甚巨。近年實行禁煙。與英人立約。遞減入口。十年禁盡。以我國土地之大。人民之衆。苟能振興工商。亦斷非長立於商戰劣敗之地位者也。茲將從前出入物值比較如左。

輸出品	銀數	輸入品	銀數
絲綢類	九九·三九九·〇三兩	鴉片	五·四一〇·八五兩

各種生皮	一六·一三·九七七	棉貨類	一三〇·六八五·九七四
各種揀皮	八八二〇四	絨棉貨類	二〇七二·九九一
各種皮張 皮衣皮毯	一七九一·五八二	絨貨類	四·一六·九〇八
各種細毛皮	一·二三三·九〇三	雜疋類	三·一三八·五四三
茶類	三五·九三二·二六七	五金類	一八·九二·二九一
麻類	二·六七九·三六七	雜貨類	四六二·九六四·八九四
礦物	九·五四二·二八〇		
磁器瓷器	一九二六·九一九		
草帽類及 草帽繩	七·七七一·八三三		
藥材類	八·三五六·四〇四		
其餘雜類	一九五·二五九·七六五		

右共輸出值銀三億八千八百三十三萬三千三百二十八兩。輸入值四億六千二百九十六萬四

千八百九十四兩。出入相衡。漏卮甚大。此據清宣統二年所調查而言也。茲再將清光緒二十一年以後出入總額列表於下。

年次	輸入額 兩	輸出額 兩
光緒二十年	一六二·一〇二·九一一	一二八·一〇四·五二二
同二十一年	一七一·六九六·七一五	一四三·二九三·二一一
同二十二年	二〇二·五八九·九九四	一三一·〇八一·四二一
同二十三年	二〇二·八二八·六二五	一六三·五〇一·三五八
同二十四年	二〇九·五七九·三三四	一五九·〇三七·一四九
同二十五年	二六四·七四八·四五六	一九五·七八四·八三三
同二十六年	二二二·〇七〇·四二二	一五八·九九六·七五二
同二十七年	二六八·三〇二·九一八	一六九·六五六·七五七
同二十八年	三一五·三六三·九〇五	二一四·一八一·五八四

觀右表。則吾國利源之外溢。年復一年。殆難設想。然鴉片苟實行禁盡。以吾國土地之大。人民之衆。及近年工業之進步。亦斷非長此立於商戰敗績之地位者也。茲將近年鴉片入口總值。列表於左。

同二十九年	三二六·七三九·一三三	一一四·三五二·四六七	
同三十年	三三七·九五八·〇四三	一二五·四六二·三〇八	
同三十一年	四四七·一〇〇·七九一	一二七·八八八·一九七	
同三十二年	四一〇·二七〇·〇八二	一三六·四五六·七三九	
同三十三年	四一六·四〇一·三六九	二六四·三八〇·六七九	
同三十四年	三九四·五〇五·四七八	二七六·六六〇·四〇三	
宣統元年	四一八·一五八·〇六七	二三八·九九二·八一四	
清光緒三十一年	三四〇·〇二兩	光緒三十四年	三四·三六·三七兩
同三十二年	三三·八五·三七	宣統元年	三五·七四·九〇

同三十三年

二六·六五三·六五三

同二年

五五·四一〇·八五〇

觀右表。則知按年遞減入口之說。前清時並未實行。而內地禁種罌粟之舉。適爲印產多開尾閭。於經濟界所虧轉鉅。然外人且以禁種不力責我。幸而各國多持人道主義。設立萬國禁煙公會。以期徹底掃除。而我國亦不可不於禁種禁吸加之意也。

## 第十二節 交通

本國南部多水。北部多陸。向恃舟車驛站爲交通之具。通商後汽船鐵路電信郵政。次第創辦。交通上利便多矣。

(一) 驛路 驛路者。驛站所經之路。我國惟一之國道也。以北京皇華驛爲發軔之初地。由此以分達各省爲第一國道。至滿洲、蒙古、新疆、西藏爲第二國道。至朝鮮、西伯利亞、俄領中亞細亞、緬甸、安南、諸國爲第三國道。縱橫交貫。不下數千。大小既無定制。險易亦不一律。南部多水。陸路尤惡。北部稍寬廣。惜多蕪穢不治。民國注重交通。雖有廢除驛站之說。然平治之。以爲通常馬路。亦必求所以改良之法也。

(二) 鐵路 鐵道之興。舊時多爲保守者所阻。嗣以世界潮流所激盪。始漸次實行敷設。然財力不足。權利之所失甚多。而各國之爭築路權者。風起雲湧。直以路線爲其勢力之界線。殊可慮亦可懼也。

(三) 航路 我國航路。大體分爲三線。以上海爲中心。北至牛莊爲北洋線。南至瓊州爲南洋線。西溯長江至四川重慶爲長江線。分支自廣州溯珠江至廣西梧州爲珠江線。自大沽口溯北河至天津爲白河線。自鎮江橫貫長江南達杭州北達直隸爲運河線。江海航業之利。首爲英國所占。次之如美德日本。亦各有汽船。爭攬載運。吾國之招商一局。資本既不博厚。勢力又難相敵。故雖航線可達歐美非澳。而招商局之汽船。除本國江海各港。得以自由航行外。僅北通朝鮮。仁川。南達英領香港而已。況自前清馬關條約。而內地亦許行小汽船。又不僅江海利權。多爲外人所奪已也。近年有組織中美輪船公司之議。資本爲中國與美國各占半數。惟尙未開辦耳。

已成鐵路

名目

起訖地

里數

資本

主權

支線一	溝幫子至營口	一九〇〇	官款並有英日二國借款	交通部
支線二	北京前門至通州	四四	同前	同前
支線三	豐台至蘆溝橋	一二	同前	同前
支線四	奉天錦州府連山站至葫蘆島	二〇	官款	同前
京張	北京至張家口	三六〇	同前	同前
支線一	清河站至門頭溝	四二	同前	同前
支線二	正直門至三家店	同前	同前	同前
京漢	北京正陽門至湖北漢口之大智門	二四一八	比國資本光緒三十四年借款贖回	同前
支線一	直隸良鄉縣	四〇	同前	同前
支線二	直隸琉璃河至房山縣之周口店	三〇	同前	同前
支線三	房山縣煤廠	七〇	商股	房山煤廠運煤用
支線四	直隸新城縣之高碑店至西陵	七八	官款	交通部

京奉 京津津榆營榆新奉各路之總名

支線二 京通

支線三 山房

支線四 西陵又名新易亦名高易

支線五	直隸高邑縣至底河	一五	同前	同前
支線六	河南彰德府安陽縣之六河溝至豐鎮站	六五	商股	安陽煤礦公司運煤用
支線七	河南衛輝府道口鎮至懷慶府清化鎮	二七一	官款並有福公司借款	交通部
支線八	河南開封府至河南府洛陽縣	三六八	比公司借款	同前
支線九	河南長葛縣和尚橋	一三		同前
支線十	河南鄆城縣至周家店	一二〇		同前
正太	直隸正定府石家莊至山西太原府	四八四	官款並有華俄銀行借款	同前
青濟	山東膠州青島至濟南府	七八八	德國資本中國略有官款	德公司
支線一	張店至博山縣	九〇	同前	同前
支線二	濟南東車站至小清河	三	官商合資	山東商務局
壽光	山東青州府壽光縣至小清河至羊角溝	一五	商股	壽光鹽商
嶧縣	山東兗州府嶧縣煤礦至田莊蓮河	九〇	同前	華德中興礦務公司
幣廠	湖北武昌府大隄口至大朝門幣廠內	一五	官款	湖北製幣廠運料用

支線一	東清	寧省	支線一 滬	滬寧	三佛	龍州	潮汕	新寧	萍株	興國	支線一	大冶
至松花江岸	吉林哈爾濱	黑龍江西界之滿洲里至海參崴	江蘇上海縣	江蘇上海縣	廣東三水縣至佛山	廣西龍州廳	廣東潮州府至汕頭	廣東潮州府新寧縣至三夾海口	江西贛州府軍都縣安源煤礦至湖南湘潭縣株加	湖北興國州礦廠	得道灣至獅子山	湖北武昌府大冶縣鐵山鋪至石灰窰
七	二八一六	一六	三〇	六〇三	一〇〇	一二二	九〇	一二〇	二〇五	六〇	一五	五四
同前	俄國資本	官款	同前	官款並青英銀公司借款	商股	中法合資	同前	商股	官款	商股	同前	中德合資 日本借款
同前	中國東清鐵路公司	江南	同前	交通部	粵漢鐵路公司	法商費務林公司	潮汕鐵路公司	寧陽鐵路公司	萍鄉礦務公司	興國礦務公司	同前	大冶鐵廠 運鐵用

支線二	吉林哈爾濱 至長春府	三八二	同前	同前
南滿洲	吉林長春府 至大連灣	一四〇四		俄國歸日本 滿洲鐵路公司
支線一	昌圖	一二〇		同前
支線二	瓦房江	一一		同前
支線三	柳臺煤礦	三〇		同前
支線四	柳樹屯	一二〇		同前
支線五	蘇家屯至撫順	一二〇		同前
支線六	營口	四〇		同前
支線七	青泥窪	二九		同前
廣九	廣東廣州府至英 租地九龍邊界	三三〇	中英公司借款	交通部
奉安	奉天府至安東縣	五七〇		日本
齊昂	黑龍江之齊齊 哈爾至昂昂溪	四〇	商股	商辦公司
滇越	雲南省城至河口 越南老開至海防	九〇〇 二六〇	法國資本	法國公司

津浦	直隸天津府至江蘇江寧府對岸之浦口	一三三七〇	官款並有 外國借款	交通部
吉長	吉林省城至長春府	二一八〇	中日合資	中日二國

現修鐵路

名目	起訖地	里數	資本	主權
粵漢	廣東廣州府至漢口	二二三七九	官款並有 外國借款	粵漢鐵路 公司建築
川漢	四川成都府至漢口	同前	同前	川漢鐵路 公司建築
滬杭甬	江蘇上海縣至浙江寧波府	商股	商股	蘇省 浙江鐵路公司
長株	湖南長沙府至洙州	官款並有 外國借款	官款並有 外國借款	湘省鐵路 公司建築
洛潼	河南河南府洛陽縣至陝西潼關廳	五五〇	同前	洛潼鐵路公司
同蒲	山西大同府至蒲州府	一七二〇	同前	晉省鐵路公司
蕪廣	安徽蕪湖縣至廣德州	同前	同前	皖省鐵路公司
澳三	廣東澳門至三河	九〇	同前	商辦鐵路公司
赤安	廣東雷州府廣州灣之赤城至高州府石城縣之安浦	一八〇	法國資本	法國公司

清徐	江蘇清江浦 至徐州府		官款	蘇省鐵路 公司建築
九南	江西九江府 至南昌府	三〇〇	同前	江西鐵路公司
漳廈	福建漳州府 至廈門	九〇	同前	福建鐵路公司
張綏	張家口至 綏遠		官款	交通部
齊墨	黑龍江之齊齊哈爾 爾至墨爾根城	一二〇	官款	墨城礦務局

(四) 電信 電信自前清同治十三年。試行於福州。光緒八年。始設於上海天津間。今則通都大邑皆有之矣。其最大之幹線有三。以上海爲起點。循運河而至京師者爲北路。幹線循海岸而至廣州者爲南路。幹線循長江而至成都者爲中路。幹線廣東以西。自廣州至廣西橫州爲一線。其自橫州分支者。一達龍州。一達瓊州。天津以北。自天津至吉林爲一線。其自吉林分支者。一抵俄屬海蘭泡。一經寧安。即寧古塔東至琿春。西至依蘭。即三姓自北京至甘肅爲一線。又自甘肅直至伊犁。其通外國者。東達日本。南達南洋羣島。西達歐洲。均有海線。北達俄國。南達安南。均有陸線。電話初行於上海。後則北京及各省會皆有之。

(五) 郵便 郵便之利。舊時官立者曰驛站。曰軍臺。皆掌於兵部。民立者曰信局。前清光緒二

十一年。因外國人於通商港設書信館。以通文報。乃自設郵政局。由總稅務司兼管。光緒三十年以後。大加擴充。各省業將徧設。宣統三年五月。郵傳部收歸自辦。設郵政總局。隸於郵傳部。仍川法國人帛黎爲總辦。民國特設交通部。以事擴充。

### 第十三節 沿革

我國爲世界最古且大之國。自唐堯以來。每君主易姓。輒更易國號。其正統曰唐。曰虞。曰夏。曰商。曰周。曰秦。曰漢。曰晉。曰隋。曰唐。曰宋。曰元。曰明。曰清。至是君主之局終。而入於民主。其徧安者在漢晉之間爲三國。曰蜀。漢。曰魏。曰吳。在晉隋之間爲南北朝。南朝曰宋。曰齊。曰梁。曰陳。北朝曰北魏。曰北齊。曰周。在唐宋之間爲五代。曰梁。曰唐。曰晉。曰漢。曰周。

昔黃帝方制萬里。列爲九州。曰冀。兗。青。揚。荆。豫。梁。雍。堯遭洪水。天下分絕。舜攝帝位。命禹平水土。奄有奉天朝鮮安南及本部之地。乃分冀東置并州。又置幽州營州爲十二州。夏有天下。還爲九州。禹貢所稱。其較著矣。殷因夏制。無所變更。周亦爲九州。曰揚。荆。豫。青。兗。雍。冀。并。秦。漢地同禹貢。秦分天下爲三十六郡。又平百越置四郡。漢分天下爲十三部。曰司隸。校尉。及豫。冀。兗。徐。荆。揚。益。涼。并。幽。交。十二州刺史。晉隋盡有本部。晉分十九州。曰司隸。豫。冀。幽。平。并。雍。

涼、秦、梁、益、寧、青、徐、荆、揚、交、廣。隋改州爲百九十郡。仿漢制置司隸而不詳所部。唐因山川形便。分爲天下十道。曰關內、河南、河東、河北、山南、隴右、淮南、江南、劍南、嶺南。疆域之廣。同於秦漢。宋分爲天下十五路。曰京東、京西、河北、河東、陝西、淮南、江南、湖南、湖北、兩浙、福建、四川、峽石、廣東、廣西。雖盡有本部。而直隸、陝、甘、半爲遼夏。元代疆域最廣。邁漢、軼唐。西盡亞洲。東有秦漢之地。兼包至歐洲東部。立中書省一。統河北、河東、山西地。立行中書省十一。曰嶺北、遼陽、河南、陝西、四川、甘肅、雲南、浙江、江西、湖廣、粵東。而邊境絕域。皆建藩設官分統之。明代疆域略同。晉、隋、京、師、南京而外。分爲十三布政司。曰浙江、江西、福建、湖廣、山東、山西、北平、河南、陝西、廣東、廣西、四川、雲南。清時兼有本部及滿洲、蒙古、新疆、青海、西藏各地。於本部置一京、尹、十九布政司。京、尹、曰順天。布政司曰直隸。山東、山西、河南、陝西、甘肅、廣東、廣西、雲南、貴州、福建、江蘇、江寧、浙江、江西、安徽、湖南、湖北、四川、合江寧、江蘇兩布政司曰江蘇省。故便文稱十八省。加以滿洲之奉天、吉林、黑龍江三省。及新疆一省。共爲二十二行省。蒙古、青海、西藏。則視同藩屬。而以大臣監護之。民國代清。經營改造。五族同仁。將銷除藩屬名稱。列於同等之地位。以實行鞏固共和。統一主權爲目的。至於前此之偏安各代。則疆域無常。建置靡定。茲不備舉。而偏方割據各國。更無

論矣。

新體中國地理

第三編 第二章 人文地理



# 新體中國地理

## 第四編 地方志

### 第一章 地方志一

民國之政治區劃。現正籌議。茲就前清所原定者。列於後方。以備歷史。故一切地方及官司名稱。均存其舊。

#### 黃河流域

西起青海。東抵直隸。南憑北嶺。北負長城。直隸、山東、山西、河南、陝西、甘肅、六省。爲黃河所流貫。中央有縱列大平原。上游爲陝西、甘肅。下游當直隸、山東。登州半島。突出海中。直隸海股。齧入東境。域中天氣較寒。有大陸性。地質多黃土。尙腴沃。而磽瘠之處亦多。

#### 第一節 直隸省

疆域 直隸省。古燕地。位置在內地東北隅。包有順天府尹屬地。北跨長城。界內蒙古。東北界奉天。東瀕渤海。南界山東。西南界河南。西界山西。東西相距約一千二百里。南北相距約一

千四百七十里。省會曰保定府。而都督常駐天津。故天津不啻省會焉。保定西北曰易州。曰宣化府。宣化東曰承德府。承德東北曰朝陽府。朝陽西南曰永平府。永平西曰遵化州。保定東南曰河間府。河間東北曰天津府。西南曰深州。深州南曰冀州。保定西南曰定州。又西南曰正定府。正定南曰趙州。又南曰順德府。順德東南曰廣平府。又東南曰大名府。口北道轄有獨石口、張家口、多倫諾爾、三散廳。性質與直隸廳相似。

### 順天府

燕召公之所。封遼金元明清都此。

民國因以爲京師。

京城周四十里。高三十五尺五寸。成正方形。爲門九。外城環京城之南。廣袤二十八里。垣高二



京師正陽門

十八尺。爲門七。京城之內爲皇城。周十八里有奇。爲門六。皇城之內爲紫禁城。周六里。爲門四。衙署使館。皆在京城。圓丘方澤先農壇籍田。皆在外城。紫禁城內則爲舊皇宮。其外諸舊殿閣及舊百官朝房在焉。

**地勢** 北部爲陰山蟠經地。長城而南。陡落爲一大平原。直隸海股擁其東。恆山井陘山脈障其右。五大河流貫其間。水運之利。甲於北都。惟永定河時有潰溢之患。

**海岸** 東北自山海關起。西南至老黃河口止。沿岸淺灘連亘。延長凡八百五十里。大沽口在直隸灣之西北。當諸大水會流入海之口。京師之門戶也。大沽之北爲北塘河口。自北塘口而東。河口甚多。最著者曰灤河口。又東北迤爲山海關。長城臨海處。出關卽奉天境。關之西有秦島。皇不冰之海口也。大沽之南無著名海港。至老黃河口。與山東分界。

**山脈** 直隸山脈。分爲二派。北部爲陰山幹脈。西部爲太行之脈。陰山自山西東迤入境。橫障北部。其在灤河東岸者。爲七老圖山脈。就中又分二脈。東北行於老哈河大凌河之間者。爲努魯兒虎嶺。東行於大凌河之南。以入奉天者。爲松嶺。其在灤河西岸者。支派甚多。南入長城者。曰雞鳴玉泉諸山。太行之脈。自山西北走。爲直晉二省分界。其最著者在正定府西。爲

井陘山。又北與恆山之脈相接。自恆山而北。爲五迴嶺。抱陽山。其著者也。

河流 境內河流甚多。其最著者爲五大河。卽永定、滹沱、豬龍、北運河、南運河。是也。永定河

又名桑乾河。自山西入宣化境。經京師之南。以至天津。滹沱河自山西入正定境。下游爲子牙河。與運河並行。而至天津。豬龍河上游爲滄沙。滋三水。至定州境。合而東流。至天津。北運河上游爲潮白二河。至密雲縣南而合。又南流。以至天津。南運河自山東流入。合漳水。以至天津。凡此五河。皆會於天津之北。總名沽河。東行一百六七十里。出大沽口入海。其間曲折甚多。淺沙連亙。往年曾裁灣取直。遇淺溝深。除冬春結冰期外。汽船可徑達天津。商務及旅行者。大受利益矣。此外水之著者。一曰灤河。自多倫諾爾南入長城。至永平入海。一曰西喇木倫河。循北境東流。合老哈河。以入奉天。卽遼河之上游也。

湖澤 直隸巨浸曰甯泊。在冀趙二州之間。舊時滹沱河瀦之。雍正間滹沱北徙。不復入泊矣。

### 形勢

直隸據海疆上游。西倚羣山。東臨渤海。榆關一線。扼遼東西下之衝。居庸一關。向爲京師北路之固。而紫荆、倒馬、井陘諸關。兀峙西路。天津、大沽、北塘諸口。並列海疆。形勝之雄。實

甲天下。然九原雲中。足制上游之命。青齊東魯。實爲輓輸之途。設有不虞。皆爲可慮。而況俄伺蒙古而窺其北。日逼滿洲而伺其東。天津之城。不得復築。大沽礮臺。又復毀撤。雖山海之險。依然。而人事日非。殊可歎矣。

### 道路

順天府爲京師所在。吾國驛程。皆發軔於此。其衝要約分四路。東經通州出榆關者。爲滿洲大道。今有京奉鐵路。西北出張家口者。爲通恰克圖及西域大道。卽今京張鐵路所經也。南至磁州達河南者。爲通各省大道。卽今京漢鐵路所經也。

### 氣候

盛暑嚴寒。有大陸性。冬季河冰堅結。舟楫不通。雨量甚少。

### 風俗

强悍好鬪。有古幽燕之風。海濱之民。多事煮鹽。邊外之民。多事射獵。保定河間一帶。多事農業。

### 物產

開平之煤。長蘆之鹽。順天之玻璃。最爲有名。金銀銅鉛各鑛。亦稱饒富。植物以高粱、豆、麥及果品爲多。騾、駝、牛、羊。亦均蕃息。製造品以氈毯、草帽、紙。及京師之景泰藍銅器、繡貨爲佳。

### 商埠

凡三。一曰天津。在京師東南。當五大河之合流處。汽船暢通。鐵路四達。北部衝要繁

盛之區也。一曰秦皇島。在臨榆縣南。四時不冰。沽河冰合後。凡南來之輪船。皆取道於此。一曰張家口。在宣化府西。長城之隘。蒙古軍臺及恰克圖出入之要道也。

## 第二節 山東省

疆域

山東省。古齊魯地。位置在黃河下游。東

濱黃海渤海。與遼東半島相對。西北界直隸。西南

界河南。南界江蘇。東西相距一千一百七十里。南

北相距七百五十里。省會曰濟南府。東北曰武定

府。西北曰東昌府。又西北曰臨清州。濟南之南曰

泰安府。泰安西南曰兗州府。又西南曰濟甯州。又

西南曰曹州府。濟南東曰青州府。青州南曰沂州

府。東北曰萊州府。又東北曰登州府。萊州南爲膠



州。

**地勢** 東部半島突出海中。泰山一峰兀峙於內。黃河斜貫其間。而運河縱貫之。黃河以北。極目平原。川澤交錯。其東則諸山林立。盤鬱而成高地。惟運河以西。尙有莽平之原野耳。

**海岸**

長二千四百里。自老黃河口東南迤。有大清河。口即今黃河也。口外沙磧交橫。汽船

不能近岸。又東南迤轉而東北。至登州頭。爲渤海黃海交界之區域。與遼東半島之老鐵山嘴隔海相望。廟羣島聯絡兩間。成渤海之門戶。自登州頭而東南。有芝罘島。伸入海中。南抱芝罘灣。又東爲威海衛。三面負山。前擁劉公島。有名之軍港也。今爲英國所租。又東爲成山角。爲山東半島之極東北處。自成山角迤西南爲榮城灣。又西迤爲靖海灣。爲德國強借之膠州灣。內廣水深。爲東方最廣大之佳港。又西南至日照縣境。與江蘇接。

**山脈**

山脈根於長白。自遼東半島越海而來。在東者爲勞山。在西者爲沂山。至濟南泰安

間。爲泰山。號稱東嶽。林木邱壑。爲北方名山。至梁甫石門。陪尾諸山。及尼山。嶧山。則皆泰山支脈之四出者也。

**河流**

黃河自曹州府入境。斜貫中部。東北至武定府利津縣入海。即古濟水之道也。此河

下流。古時本遷徙不恆。然入海常在東省北境。宋時始由河南歸德府決向東南。匯淮入海。數百年來。淤填過高。清咸豐時復由河南之蘭封縣決向東北。經直隸入山東境。奪大清河以入海焉。運河以兗州府之汶水爲上源。至汶上縣之南旺湖。分流南北。因以濟運。南合泗水。至嶧縣入江蘇。北合衛河。至德州入直隸。以臨清爲中權總會處。在昔轉漕京師。必由於此。自海運興。而河運廢矣。此外入海者。沂州有沂水。沐水。青州有小清河。萊州有膠河。濰河。濟南武定有馬頰河。徒駭河。其餘泉源甚多。不暇枚舉。曹州境沮澤縱橫。卽古孟諸之澤也。



泰山沭水

## 形勢

山東與直隸犬牙相錯。內地則臨清當南北之衝。而黃運兩河。尤足以限戎馬。沿海則登州與旅順相對。扼渤海之咽喉。而芝罘、威海、膠州、諸灣。復爲天然之良港。歷觀往古。能爲幽燕患者。莫山東若。故山東有事。直隸必首先受禍。白蓮教義和拳之亂。其已事也。而況膠州租於德。威海租於英。一朝發難。不得謂非京師肘腋之患也。

## 道路

山東爲南北交通之中心點。自江蘇徐州入境。經沂州、泰安、濟南、三府以至德州。入直隸。爲第一大道。海舶未通以前。東南諸省之赴都者。皆取道於此。運河亦爲南北衝衢。除轉漕外。赴都之舟行者。皆出之津浦鐵路。告成。旅客可以舍舟而車矣。芝罘開港後。東部亦爲要道。自有膠濟鐵路。而南路之交通益便。

## 氣候

夏微熱。冬嚴寒。沿海有海洋性質。百里外則現大陸性。

## 風俗

强悍多迷信。上流社會則務本業重禮義。有古聖人之遺風焉。

## 物產

東省山地多於平地。故物產之富。以鑛爲最。然風氣閉塞。已開者僅嶧縣之石炭。蒙陰之鐵。山中之木。燒炭頗佳。博山之炭。行銷極暢。農產惟西南多麥、粟、豆。東北境則斥鹵不利。種植。果品頗多。膠州之梨。肥城之桃。尤爲特產。動物有牛、馬、騾、豕。製造品有草帽、緹、絲、綢等。就

中草帽、綆、尤爲出口大宗。

商埠

煙臺爲山東惟一之商港。在福山縣東北芝罘灣南岸。汽船之往來渤海者，必先繫泊於此。故貿易頗盛。沿岸有礮臺。與崆峒島之礮臺對峙。實渤海之咽喉也。此外濟南一埠，以膠濟鐵路成。故自行開放。而濰縣及長山縣南之周村，亦同時開放焉。

### 第二節 山西省

疆域

山西省。古晉地。故亦稱晉省。位於陰山太行諸脈之高原。東界直隸。南界河南。西界陝西。北界內蒙古。東西相距六百里。南北相距一千三百八十里。省會曰太原府。東曰平定州。東南曰遼州。曰沁州。沁州南曰潞安府。又南曰澤州府。太原西南曰汾州府。又西南曰隰州。汾州南曰霍州。又南曰平陽府。平陽西南曰絳州。又西南曰解州。解州西曰蒲州府。太原北曰忻州。又北曰代州。忻州西北曰甯武府。甯武西曰保德州。北曰朔平府。朔平東曰大同府。長城之北。爲歸綏道屬十二廳。曰歸化廳。曰托克托廳。曰清水河廳。曰薩拉齊廳。曰豐鎮廳。曰五原廳。曰和林格爾廳。曰東勝廳。曰甯遠廳。曰陶林廳。曰武川廳。曰興和廳。其性質與直隸之口北三廳同。而歸化廳境內。尙有綏遠廳。則理事同知也。

**地勢** 黃河帶其西。長城列其北。太行恆岳並峙於東。汾沁諸川交流於內。雖無運輸之利。足資灌溉之益。平陽以南較爲平衍。平陽以北則山岳盤結而成高地。世界極大之石炭鑛在焉。

**山脈** 本省大山爲陰山。太行二派。陰山自河套之北東迤。橫障歸綏道轄境。東入直隸。其分支南下者曰洪濤山。至管涔山而分派。西南者曰崑崙山脈。迤南爲壺口龍門諸山。逾河入陝西境。東南者曰雲中山脈。迤南爲霍山。均與太行山脈接。太行山脈者位於本省東南。與河南直隸爲界。西與雲中霍山相接。南以王屋析城等山逾河與嵩嶠相接。北出之山勢直貫井陘恆岳。至直隸北境屬於陰山。滹沱沁漳諸水橫貫其間。恆岳之支阜曰五臺。當滹沱之曲。亦名山也。

**河流** 黃河爲境內最大之川。自薩拉齊廳南流入境。經壺口龍門之險。與陝西分界。折而東與河南分界。至垣曲縣出境。入黃巨川。首曰汾水。發源管涔山。南貫本省中部。至絳州入河。此外在北部者曰桑乾河。匯洪濤山脈之水。東入直隸宣化府。曰滹沱河。發源五臺山北。環山而流。東入直隸正定府。在南部者曰漳水。曰沁水。漳水有清濁二源。清漳在遼州境。濁漳在潞

安境。沁水發源沁州。與清漳濁漳均東南流入河南界。

### 形勢

山西爲畿疆右輔。東扼太行而據井陘之險。西帶大河而扼風陵之渡。陰山之脈。屏障其北。析城王屋諸山。錯列於南。中包雁門。以爲內險。關中而外。險固無踰此者。

### 道路

大道由陝西潼關。踰黃河風陵渡。至蒲州。東北過平陽。太原。平定。入直隸正定府。爲河北第一孔道。其次由蒙古入歸綏。經朔平。大同。二府。入直隸張家口。亦爲蒙藩出入京師必由之路。今正定至太原間。已建鐵路。而綏遠城至張家口。一線亦已勘築矣。

### 氣候

純係大陸性。寒暑並烈。北部尤甚。雨少雪多。常苦旱患。

### 風俗

尙儉耐勞。富於商業性質。各省匯兌莊。類皆晉人所設。南部頗事農業。邊牆以北。耕

鑿甚稀。惟歸綏道西境。近年墾闢漸盛。

### 物產

境內山地多於平地。故礦產最盛。鐵及石炭之富。甲於地球。近由官商糾設保晉公

司以經營之。平定之石炭。澤州之鐵尤著。他如解州潞村之鹽。平定之瓷器。均爲特產。而平蒲

之綿。潞澤之草帽。緞。絲綢等次之。植物多漆樹。又多葡萄。釀酒極美。農產頗瘠。轉運又難。故貧

民恆有乏食之患。動物多豹。其次有熊。故豹皮熊皮。行銷頗暢。

#### 第四節 河南府

疆域 河南府古豫州之域。故又名豫省。因位於黃河流域之中央。又稱中州。東界江蘇、山東、安徽。東北界直隸。北界山西。西界陝西。南界湖北。東西相距約千有七十里。南北相距約千一百二十里。省會曰開封府。東曰歸德府。東南曰陳州府。西南曰許州。許州南曰汝甯府。西曰汝州。汝州南曰南陽府。南陽東南曰光州。西曰浙川廳。開封西曰鄭州。又西曰河南府。曰陝州。開封北曰衛輝府。又北曰彰德府。開封西北曰懷慶府。

地勢 地勢欹斜似三角。北東南三面支出如股。南憑北嶺。北負太行。中包嵩嶽之秀峰。淮水流灌於南。黃河橫貫於北。畫分河南河北二部。大抵西境多山。東部則平原徧野。號稱沃土。惟常遭黃河汎溢之患。


山脈 山脈以黃河分南北。河南曰北嶺。幹脈。河北曰太行山脈。北嶺正幹。由陝西入。循伊洛二水之南。丹白二水之北。名伏牛山。環白河而南。名桐栢山。淮水所出也。環淮源而東。名大別山。爲豫鄂二省分界。東入安徽。其分支北出者。在洛北爲嶠山。函谷之險。秦中之門戶也。在洛南爲嵩山。五嶽之中嶽也。太行山脈。及王屋。析城。諸山。盤互於懷慶。衛輝。彰德三府之

西。入於直隸山西境。

河流

黃河由山西蒲州折東流。南岸自


陝西潼關以下入豫境。北岸自山西垣曲以下入豫境。經陝州、河南、開封之北。懷慶、衛輝之南。北受沁水。南受洛水。折東北入直隸。此河自上游行重山之中。挾泥沙而下。至河南始由高地陡落於傾斜地。而又兩岸平坦。無山約束。故橫決四溢。歷代爲患。自宋以來。未有百年無事者也。此外在河北者。漳、衛、二水爲大。皆源出山西。東入直隸。在西南部者。丹、白、二水爲大。皆至湖北注漢水。東南部。淮水爲大。源出桐栢山。循北嶺北麓。東流合汝、潁諸川。以入安徽境。



黃河鐵橋

形勢 河南川原平曠。田野富饒。然地勢漫衍。西北負河山之重險。而秦晉實扼其吭。東南據江淮之上游。而形勢又無足恃。故古來被兵最重。受敵最深。四戰之地。夫固不利於守也。

道路 河南地當中央。爲南北樞紐。北自直隸入彰德。逾河過開封。許州。至信陽。以入湖北。爲南北大道。卽今京漢鐵路所經也。東自江蘇入歸德。經開封。鄭州。河南。至陝州。以達陝西。爲東西大道。開封。河南。間。卽今汴洛鐵路所經也。其次如東南過陳州至安徽。西南過南陽至湖北。西北逾河至山西。東北循河至山東。亦商旅往來之通道。



汴 梁 鐵 塔

氣候 係大陸性。寒暑並烈。雨量多少無定。省會濱河。異常卑溼。水多鹹穢。西部較爽。

風俗 重禮義。勤耕織。近年京漢鐵路既通。新智識亦漸輸入。

物產 以農產著。高粱二麥頗旺。鄭州之米。尤爲有名。植物有桑、麻、木綿、棗實等。伏牛山多

野繭。土人取以製綢。行銷尙暢。礦產以河北爲盛。河南汝州等處。石炭亦多。又有雲母石、硃砂、鉛、錫等。

商埠 鄭州在黃河之南。當京漢鐵路之中。清光緒三十一年以路工告成。乃自行開放。並升鄭州爲直隸州焉。

### 第五節 陝西省

疆域 陝西省。古秦地。故亦稱秦省。位置在河套之南。東界山西、河南。南界四川。西界甘肅。北界內蒙古。東南界湖北。東西相距八百餘里。南北相距最長處一千五百三十里。省會曰西安府。東北曰同州府。東南曰商州。南曰興安府。西南曰漢中府。西北曰乾州。乾州北曰邠州。西曰鳳翔府。西安之北曰鄜州。又北曰延安府。延安東北曰綏德州。綏德西北曰榆林府。

地勢 巴山之脈。橫障其南。六盤之脈。盤鬱於北。秦嶺橫貫中央。畫分南北二部。北當涇渭

交流之域。左帶黃河。北擁長城。據潼關、武關、散關之隘。卽古稱關中也。南據漢水之上游。倚巴山以爲固。卽古稱漢中也。

### 山脈

境內山脈爲北嶺正幹。自蟠冢山。東入本省。行渭水漢水間。爲陳倉、武都、太白諸山。陳倉之西。卽散關也。又東爲終南山。益東至華山。華山西嶽也。渭水自山之陰入於河。華陰之東。潼關在焉。凡此諸山。通稱秦嶺。東入河南境。其橫障南境。與四川分界者曰巴山。山脈北嶺之南支也。在渭北者曰六盤山脈。凡三派。在涇渭之間者曰隴山。有岐山、汧山諸峯。在洛涇之間者曰子午山、橫嶺。俗稱北山。在河洛之間者曰馬條山。東南至龍門入山西。

### 河流

黃河自蒙古南流入榆林府境。出龍門。抵華陰。爲山陝分界。復折東流。至潼關出境。入河大川。首曰渭水。自甘肅發源。東來。至鳳翔合汧水。至西安合涇水。至同州合洛水。同注於河。其次爲榆林境之無定河。延安境之延水。漢水在秦嶺巴山間。源出沔縣之西。東經漢中興安。會兩郡之水。入湖北境。

### 形勢

陝西北部爲渭水流域。南部爲漢水流域。渭水流域。當秦嶺之北。表裏山河。四塞險固。以守則鞏若金城。以戰則勢同高屋。東出潼關。扼晉豫之上游。西由邠、乾。以達平、慶、甘、涼。

據秦隴之根柢。古來成一統之業者。皆用爲根據地。東向而取中原。周秦隋唐。其已事也。雖古今形要不同。攻守異術。然中原大勢。恆在西北。坐固三陲。受敵一面。今猶古也。漢水流域。據巴蜀上游。爲兩川門戶。數百里間。羊腸棧道。旬月始達。紛爭之時。亦扼要之區也。

道路 大道凡四。一由省城循渭水至潼關。通東北諸省。一由省城東南踰秦嶺。經藍關。出武關。循丹河而下。通中部諸省。一由省城西溯渭水至鳳翔。折西南踰散關。經漢中。通四川省。一由省城西渡渭水經乾邠。通甘肅省。然山深林密。行者憚之。

氣候 北部荒寒。宜於畜牧。南部溫和。宜於農業。

風俗 樸實剛毅。耕牧而外。頗事經商。

物產 礦產最盛。北部多石炭。然不及山西之盛。其他有玉石、自然銅、硫黃等。農產多菽麥。惟常苦旱患。植物有棉、煙葉、苧麻。皆輸出於山西。易其石炭及鹽、鐵而回。動物則獸類頗多。牛、羊、麋、鹿、尤夥。皮貨之貿易頗盛。藥物多大黃。爲本省輸出大宗。

## 第六節 甘肅省

疆域 甘肅省在隴山之西。亦稱隴西。位置在內地之西北隅。東界陝西。南界四川。西界青

海。西北界新疆。北界內蒙古。其西北一部錯入蒙古、新疆、青海間。省會曰蘭州府。東北曰甯夏府。東曰固原州。固原南曰化平川廳。東曰慶陽府。化平川東曰平涼府。平涼東南曰涇州。蘭州東南曰鞏昌府。又東曰秦州。秦州南曰階州。蘭州西曰西甯府。西北曰涼州府。又西北曰甘州府。又西北曰肅州。肅州西爲嘉峪關。關外曰安西州。

### 地勢

境內概屬高原。磽瘠特甚。西南部羣山盤鬱。谷遂峰高。中部較爲坦平。黃河挾洮水斜貫其間。涇渭二水亦導源境內之東部。

### 山脈

山脈以黃河爲限。南爲北嶺山脈。北爲祁連山脈。北嶺正幹自青海東入本省南境。曰西傾山。在鞏昌爲岷山。烏鼠山。在秦州爲蟠冢山。朱圉山。其分支二派。一曰巴山。由蟠冢迤向東南。爲江漢二川之分水嶺。一曰六盤山。由烏鼠迤向東北。西隔洮河。遙接西傾。東爲河渭二川之分水嶺。因經盤道六重。始達其頂。故名。自六盤山又分二支。南支迤於涇渭間。爲陝甘界之隴坻。北支有蕭關。古四關之一也。又東北入陝西省。祁連山脈自青海北境迤入。蜿蜒斷續。至甯夏府爲賀蘭山。俗呼駿馬山。又東北迤於河套之北。卽陰山之脈也。西傾山脈自青海北境迤入。黃河自青海入境。東經西甯至蘭州境內。洮水之西傾山發源。北流東會。湟水自青

海發源。合大通河東流來會。又北至甯夏出境。此河在上游一帶。水勢安流。無潰決之患。此外有涇渭二水。導源境內東部。東至陝西入河。西漢水白龍江。皆導源境內南部。南至四川入江。在關外者。爲疏勒河。東起玉門。西注哈拉淖爾。

### 形勢

內屏各省。外控新疆。蘭州居全省中權。甯夏爲北邊重鎮。而嘉峪控西域之肩背。西甯扼青海之咽喉。有事西邊。均爲要地。漢唐以來。得之則威陵西域。失之則禍延諸夏。本朝戡定西陲。改定新疆行省。亦以甘肅爲其後勁。良有以也。

### 道路

外接西域。爲本部西北門戶。由陝西邠。乾入涇州。平涼至省城。西北經甘涼。以出嘉峪關。爲古今通西域之第一大道。次由省城西經西甯入青海者。則西南部番回朝貢之路也。氣候純係大陸性。寒暑並烈。祁連賀蘭山之積雪。盛夏始融。土人引以灌田。頗宜耕牧。

### 風俗

尙武務農。好牧畜。近山者多穴處。西部多回民。與漢民時有交鬭之事。

### 物產

蘭州之水煙。莊浪之羽纓。秦州之雕刻。皆有名。而羊毛尤爲百貨大宗。出口頗多。其他農產有麥、粟、米。植物有果實、藥材等。動物有牛、馬、騾、駝。又多野獸。礦產有石炭、金、銀、銅、玉。又多石油井。然不得提煉之法。故境內所用。仍仰外人之輸入焉。又蘭州有製絨廠。所製頗佳。

商埠 嘉峪關在肅州西七十里。卽古玉門關。當本部與西域交通之要點。俄人之通商場也。其他商務。以甯夏爲最盛。蘭州次之。西甯當青海之東。番回之與漢人互市者皆集焉。

## 第二章 地方志二

### 揚子江流域

東抵東海。西距西藏。南限南嶺。北盡北嶺。長江橫貫其間。凡江蘇、浙江、安徽、江西、湖北、湖南、四川、七省。上游爲四川。下游爲江蘇。地勢自西而東。漸向海濱低降。域內山川靈秀。氣候中和。沿海沿江。旣多良港大埠。而內地亦支渠交貫。舟楫暢通。地闢人稠。洵吾國精華所萃。而東半球極大之商戰場也。

### 第一節 江蘇省

疆域 江蘇省。古吳地。位置在揚子江下游。東瀕黃海東海。南界浙江。西界安徽。西北界河南。北界山東。東西最廣處約距七百六十里。南北約距八百餘里。江南之江甯、蘇州二府。皆爲省會。蘇州東南曰松江府。東北曰太倉州。西北曰常州府。又西北曰鎮江府。鎮江西曰江甯府。江北則當鎮江之北曰揚州府。揚州東曰通州。又東曰海門廳。揚州之北曰淮安府。淮安東北

曰海州。西北曰徐州府。又有太平廳在鎮江東太平洲上。有直隸廳之性質。

### 地勢

爲揚子江沖積地。無崇山峻嶺。支渠交錯。水皆安流。運河縱貫南北。太湖居其南。洪澤湖居其北。揚子江橫貫其間。畫分南北二部。而行政上則因江甯江蘇兩布政使均跨江而治。又有甯屬蘇屬之分。甯屬之淮揚濱海。鹽利甚饒。徐海地勢較高。地味少瘠。蘇屬北倚大江。南擁太湖。綠野平疇。饒沃爲全國冠。故蘇松常三府田賦之重。甲於各省焉。

### 海岸

長約一千二百里。自山東日照入贛榆境。西南至海州東北。有大沙河口。乾隆中屢濬之。卽臨洪口也。海岸至此。轉而東迤爲雲台山。又南至舊黃河口。本淮水入海之口。自明以來。黃河屢南徙。漸奪淮水正流。濁河清淮。遂爲一口。咸豐五年。河決銅瓦箱。黃河由大清河入海。而此口遂淤。又南爲長江口。崇明洲橫塞於中。分水道爲二。北水道淺沙連亘。巨舶難行。惟南水道可通巨艦。又西南迤至奉賢之金山衛。與浙江分界。自江口以北爲黃海。以南爲東海。其間多平沙淺灘。不便停泊。惟吳淞口可以寄碇而已。

### 山脈


地勢平夷。間有山陵。亦如孤阜。殆無脈絡之可尋。如通州之狼山。常熟之福山。江陰之黃山。君山。則以江防而著。蘇州之天平山。太湖之洞庭山。鎮江之金山。焦山。北固山。無錫之

惠山。則以林泉幽勝而顯。然終南拳石。不足與於世界諸山之列也。其少有脈絡者。在江甯西北爲石頭山。東北爲鍾山。雖高不滿千尺。而虎踞龍蟠。爲金陵形勝之地。迤東爲棲鴉山。南經江甯鎮江二府間。入常州境。與浙江天目山接。

### 河流

境內饒於水利。江河湖港。交會縱橫。揚

子江。自安徽之太平府。橫貫全省。至吳淞口入海口。門成三角形。爲黃海東海交界之區域。江面狹處。以江陰爲最。鎮江次之。闊處在狼福二山間。江口以崇明之橫互其中。分南北二水道。南水道又以崇寶沙之涌現。分爲南北二洪。南洪爲南洋航路。北洪爲北洋及東洋航路。中部諸省之咽喉。而長江之門戶也。江中洲渚甚多。太平洋最大。運



山 金 江 鎮

河自山東流入。縱貫南北。經淮安揚州至瓜洲口。絕揚子江。至鎮江府之京口。又南過常州蘇州入浙江境。自淮安南至揚州。河東爲裏下河。有廣洋。吳公大縱。獲金諸湖。河西有白馬寶應高郵邵伯諸湖。故兩岸築隄以障湖水。西隄尤高。設兩隄皆潰。則裏下河成澤國矣。淮水古四瀆之一也。自江蘇安徽之界。漭爲洪澤湖。東流瀉入運河。又自運河東岸緣道洩入諸渠。而幹流遂濟運入江。此外又有吳淞江黃浦江劉河三水。皆首受太湖。東注於海。就中黃浦之交通最盛。吳淞次之。

湖澤

太湖 洪澤湖 (均見總論)

形勢

江南形勢。古人謂守江不如守淮。然方今事故。多在海疆。故形要所關。又不在淮而在江。吳淞當揚子江之尾閭。狼福扼崇明島之後路。喉吭之險。實相犄角。江陰江流極狹。北扼靖江。南守黃山。尤爲中權之重鎮。圖山關北對三江營。總扼太平洲南北二道。爲鎮江東路咽喉。焦山孤立江心。象山雄峙南岸。天塹之雄。形勝尤要。過此則儀徵縣西之青山營。江甯東北之烏龍山。皆爲金陵門戶。海岸則出入既少。似在無足重輕之列。然南重金山之守。北嚴海州之防。亦所以爲江防之輔也。

## 道路


江蘇地勢。水道爲首。上海尤爲航路之總匯處。南達甯波、廈門、香港、廣州。北達營口、煙臺、天津。東達日本長崎、橫濱。東北達朝鮮仁川。皆有航線。內地則東起上海。西入安徽。以長江爲幹線。南入浙江。北入山東。以運河爲幹線。今滬甯鐵路已通。津浦鐵路亦將工竣。江北之清揚鐵路業報開車。則江蘇往來。益將陸便於水矣。

## 氣候

夏熱冬寒。不達極點。淮南係海洋性質。淮北則略見大陸性。

## 風俗

重文輕武。故文藝甲全國。而不免流於柔靡。內地之民。多事農業。濱海之民。多業魚鹽。濱湖之民。多業船舶。而淮海一帶。私販充斥。



上海黃浦江濱

慄悍輕死。人尤患之。


### 物產

物產以稻、米爲大宗。棉、麥、豆次之。近

湖多桑。蠶絲之利尤溥。果品以太湖之白楊梅爲最美。湖邊之菱藕亦佳。動物多家畜。野獸絕少。江河魚類甚多。松江之鱸。長江之刀魚、黃魚。其味尤勝。工藝以通州之布、蘇甯之綢、蘇州之草蓆。宜興之紫泥器爲最著。其餘如篋扇、玉器製造亦精。局廠多在江南。江北亦絡續創設。徐州新設之玻璃廠。尤爲有名。海濱多鹽。江南屬兩浙。江北屬兩淮。業此者有場商、運商之別。天然之產。利益倍蓰。礦產甚少。惟甯鎮少有鐵及石炭而已。

### 商埠

凡六。一曰上海。當黃浦江之西。居海




江甯秦淮河

岸中權。爲中國商貨出入之樞紐。一曰鎮江。當大江與運河會流處。一曰江甯。爲明代舊都。城郭之大。甲於全國。一曰蘇州。當太湖之東。一曰吳淞。卽吳淞口之吳淞鎮。近又將江北之海州開放。就中商務。以上海爲最盛。鎮江次之。江甯、蘇州、又次之。至如清江浦。在淮安府清河縣。地當南北衝衢。平日貿易。亦稱繁盛。

## 第二節 安徽省

疆域 安徽省。當春秋吳楚之交。以皖山之橫互境內。又稱皖省。位於江蘇之西。昔與江蘇合稱江南省。康熙之初。始分析焉。東北界江蘇。西北界河南。西界湖北。南界江西。東南界浙江。東西相距約七百五十里。南北相距約九百里。省會曰安慶。



蘇州寶帶橋

府。北曰廬州府。又北曰鳳陽府。鳳陽東北曰泗州。廬州西曰和州。和州北曰滁州。安慶西北曰六安州。又西北曰潁州府。安慶東南曰池州府。又東南曰徽州府。徽州東北曰甯國府。甯國東曰廣德州。北曰太平府。

### 地勢

北嶺山脈。自豫鄂之交入境。通過中央。畫分南北二部。嶺北爲淮水流域。逾淮而北。原野莽平。支渠交錯。嶺南爲長江流域。層巒疊嶂。千里相屬。惟揚子江近岸。略有平原而已。

### 山脈

安徽平原。惟淮水北部。其餘則幾於全境皆山。江北爲北嶺幹脈。江南爲黟山山脈。大別山。迤入本省中部。爲江淮之分水嶺。在六安州爲霍山。皖山。潛山。就中最高之峯曰天柱。又東北經鳳陽。廬州。滁州。至洪澤湖南岸而盡。北嶺正幹之終點處也。黟山山脈。自浙江江西界之仙霞山脈。蟠互而入。經池州。甯國。徽州。東入浙江。與天目山相屬。就中最高者曰黃山。其東北迤於大江青弋江間。如九華。陵陽。敬亭。諸山。皆其支峯也。

### 河流

江水。自江西九江府流入。通過全省。東至太平府入江蘇。北嶺以南之皖水。濡須水。夥山以北之青弋江。水。陽江。皆匯焉。淮水。自河南光州流入。通過北部。集合汝潁諸川。及兩岸之水。至泗州潞爲洪澤湖。入江蘇境。次於江淮者。曰新安江。有南北二源。南曰率水。北曰

練江。至徽州之南。合而東流。入浙江省。卽錢塘江之上游也。

湖澤 境內湖澤甚多。洪澤湖之外。在廬州南者曰巢湖。中有姥山、孤山、二嶼。在潁州者曰東湖。西湖。在安慶者曰菜子湖、漳湖、武昌湖、泊湖、大官湖、龍宮湖。在廣德者曰大南漪湖。在太平者曰石臼湖、濱湖、田疇。頗資灌溉之利。

### 形勢

安徽上控荆楚。下蔽金陵。扼中州之咽喉。依兩浙爲唇齒。長江淮水。流貫其間。論其南北。則長江爲門戶。淮水爲藩籬。而廬壽爲之樞紐。論其東西。則梁山扼其東。小孤山峙其西。而安慶據其中權。廬壽之守固。則小醜不致騷擾。梁山之守固。則外侮無由深入。故雖非濱海之區。實居四戰之地。六代以來。皆爲重鎮。

### 道路

交通之途。以長江爲幹。其陸路則自安慶北至廬州。歧爲二道。皆入江蘇。一東經和州至江浦。一北經鳳陽至徐州。內地航路。江南則青弋江之百五十里內。及巢湖支渠。可通舟楫。淮北當夏秋水盛時。自壽州西之正陽關。浮淮入潁。可達河南之周家口。近築津浦鐵路之南段。由江蘇之浦口入境。經滁州、鳳陽而達山東。實貫通南北之要道也。

### 氣候

與江蘇相似。夏不甚暑。冬不甚寒。

風俗

南部較馴。北部較悍。濱江之民。多事耕

漁。徽屬多事經商。淮北地瘠民貧。習俗慄悍。潁毫

壽一帶。頗多盜賊。

物產

以茶、米爲貿易大宗。長江巢湖之米。徽

州六安之茶。每年出口不下千萬。此外最著者。爲

婺源之木。其次則棉、麻、桑、麥、蔬、果等亦多。礦產甚

富。現稍從事開採。動物除家畜外。多野獸異鳥。製

造品以香墨爲最。歙縣山中之石。製硯亦佳。

商埠


蕪湖。在大江之南。當鎮江九江之中央。

溯江而上。第三通商港也。茶米均於此輸出。此外

之大通。安慶亦爲繁盛市場。故大通已闢爲貨物

起落之埠。安慶亦立約開放矣。

### 第三節 江西省



安慶省城

## 疆域

江西省。在揚子江中部之南岸。因贛水縱貫其間。又稱贛省。東界福建浙江。南界廣東。西界湖南。西北界湖北。東北界安徽。東西相距約八百里。南北相距約千里。省會曰南昌府。北曰南康府。又北曰九江府。南昌東北曰饒州府。饒州東南曰廣信府。南昌東南曰撫州府。又東南曰建昌府。南昌西曰瑞州府。瑞州南曰臨江府。臨江西曰袁州府。西南曰吉安府。吉安東南曰甯都州。南曰贛州府。贛州西南曰南安府。

## 地勢

當南嶺山脈之陰。五嶺及武夷山環其東南。而東北與西北兩隅。復爲重山環抱。故四面高而中央下。北部復低於南部。境內之水。皆以中央爲會歸處。贛江吸集諸水。通過全省。匯爲鄱揚湖。由正北開一口。瀉入揚子江焉。

## 山脈

南嶺幹脈。自騎田嶺而東。至南安南爲大庾嶺。磅礴高聳。爲江南與嶺南交通要道。又南而東爲江西廣東之界。又東北爲江西福建之界。曰武夷山。就中最著者曰杉關嶺。贛閩交通之要道也。又北至近浙江處爲仙霞嶺。其北出支脈二派。一爲江西與浙江交界之懷玉山。北入安徽爲黟山。一爲江西與湖北湖南交界。南爲大陽山。北爲幕阜山。至南康之廬山而止。廬山有白鹿洞。宋朱子講學處也。

河流

贛江上游。有章貢二水。至贛州府城。合而北流。縱貫全省。會東岸之汝水。西岸之錦江。袁水。以入鄱陽湖。實江西諸水之脊也。此水在臨江以南。有十八灘。惶恐灘尤惡。然水清石出。兩岸風景絕佳。此外則西流入湖者。爲廣信饒州境之信江。東流入湖者。爲南昌南康境之脩水。

湖澤

鄱陽湖（見總論）形如葫蘆。中爲細腰。在南康府星子縣境者。古稱罌子口。內湖與長江交通之要道也。

形勢

江西四面環山。北阻大江。以贛州爲堂奧。而九江爲門戶。次則袁錦上游。爲三湘東出之道。雲際、杉關、東臨七閩。景德、浮梁、足控皖浙。然水路實江西樞紐。水陸相輔。則本末俱固。水路有失。則陸路亦難得勢。故設防以九江爲重。而鄱陽湖之罌子口。亦兵事上之要區也。

道路

境內大道。自大庾嶺而北。至贛州府。循贛江。經臨江、瑞州、南昌、南康諸府。以至九江。中部之要道也。今九江、南昌間。已敷設鐵路。其自南昌東南行出杉關者。通閩要道也。航路以贛江爲脊。贛州而上。溯章水可至上猶。溯貢水可至雩都。贛州而下。可逕達九江。信袁二水。亦頗有轉輸之利。然水勢漲落無定。南昌以下。始能終歲暢行焉。

氣候 溫潤中和。雨量四時平均。水旱之患頗少。山中草木清華。更爲佳暢。

風俗 純樸而尚義。居民以耕織爲本業。南部則

多事商賈。販運茶木。恆以致富。

物產 以茶、紙、磁器、葛布爲大宗。茶多在九江、撫

州、建昌一帶。而義甯之紅茶。武甯之綠茶尤著。紙以

袁瑞二府爲最多。磁器多出於饒州府之景德鎮。葛

布多出於廣信。西方山中多木。輸出頗鉅。其次則米


粟、煙葉、靛青、絲、糖亦稱饒富。動物有鶴。產於贛江兩

岸。礦產頗饒。已開採而著效者。惟萍鄉石炭礦。

商埠 九江在大江之南。鄱陽之西。溯江而上第

四通商港也。沿江各埠。除漢口外。商務以此爲最盛。

#### 第四節 浙江省



小 九 江

### 疆域

浙江省古越地。位置在太湖之南。東界東海。南界福建。西南界江西。西北界安徽。北界江蘇。東西相距約七百里。南北相距約八百里。省會曰杭州府。東北曰嘉興府。西北曰湖州府。均在錢塘江之北。號稱浙西。杭州東南曰紹興府。又東南曰甯波府。甯波東曰定海廳。甯波西南曰台州府。又西南曰温州府。杭州西南曰嚴州府。又西南曰衢州府。衢州東曰金華府。金華南曰處州府。均在錢塘江之南。號稱浙東。

### 地勢

僻處海濱。幅幘最小。南嶺山脈環其西南。太湖互其北。錢塘江挾衆支流曲折其間。浙東山多地瘠。水短流急。物產不豐。浙西川渠交錯。土沃宜農。蠶桑之利。甲於本國。故杭嘉湖三府田賦之重。與江蘇之蘇松常相埒焉。

### 海岸

約一千一百六十里。由揚子江口而南。在浙省北部深入者爲杭州灣。錢塘江入海之口也。灣口水勢湍急。不利舟行。其東南有羣島百數。最大者曰舟山。定海廳治所在也。舟山之南有象山港。水深浪闊。能容泊巨艦。爲我國南洋之良港。又南曰三門灣。因灣口有三門列島而名。又南爲台州灣。口外小島甚多。灣盡處卽靈江入海之口。自台州灣而南。淺沙平鋪。小島羅列。入温州境爲樂清灣。玉環山扼其口。爲天然之門戶。又南爲温州灣。甌江入海處也。口

外有靈崑島兀峙中流。分水道爲二。又南至鎮下關入福建界。

山脈 南嶺正幹。位於本省南境。自爲仙霞

嶺。山脈以接於海。浙閩之要道也。由仙霞分支

東北者。曰括蒼山。爲錢塘江甌江之分水嶺。其

東又分二派。南出者曰雁蕩山。北出者曰天台

山。皆稱名勝。天台之北爲四明山。陡落於東海

中。越海而舟山羣島起焉。至西境之懷玉山。西


北境之天目山。亦皆仙霞之支派也。

河流 錢塘江爲境內大水。上游爲東陽江。

衢港兩源所合。北至嚴州府而合西來之新安

江。東北流至桐廬曰桐江。至富陽曰富春江。至

杭州府曰錢塘江。東入杭州灣。江水勢極湍悍。



錢 塘 江

潮汐之來。如萬馬奔騰。八月望日。午潮尤甚。故曲江八月之潮。古來傳爲大觀焉。自杭州灣而南。在紹興有曹娥江。在甯波有奉化江。在台州有靈江。在温州有甌江。皆由南嶺諸山。東注於海。其與他省貫通者。惟自江蘇流入之運河耳。

**形勢** 浙江介嶺海之間。防務分沿海內地二路。沿海以鎮海爲中權。遙對舟山。足控南北。而象山、三門、台州、溫州、諸灣、港、闊、山、迴。足資戰守。內地則嘉湖當北路之衝。北走蘇常。西走廣德。皆足以震動長江。而衢州當浙閩贛三省之交。尤有一郡而關係三路之勢。然歷史兵事。多用江淮平兩浙。未有以浙師而能馳逐中原者。蓋浙江形勢。固與江淮相依爲命也。

**道路** 以省城爲中心。西南溯錢塘。經嚴衢。渡仙霞嶺入閩。東北經嘉興。循運河入蘇。爲南北大道。其由省城循運河渡錢塘。曹娥。以達甯波者。爲沿海要道。今浙省鐵路之幹線。卽循此數道而敷設焉。航路以運河爲幹。舟楫往來。咸利賴之。

**氣候** 四時溫和。嘉湖一帶。空氣潤溼。嚴衢較爲爽朗。溫處居叢山之內。西南各縣。瘴癘頗甚。冬季浙東較暖。而浙西較寒。

**風俗** 浙西與江蘇相似。甯波人多經商海外及通商口岸者。團體最固。溫處台州一帶。則

慄疾剛悍。尙氣好武。

物產 以甯紹之稻米。嘉湖之絲爲大宗。山

地多產茶。色味均美。兼有樟漆樹。海濱多植木

棉。魚鹽尤富。此外農產有麥、豆、芝麻等。果實有

桃、李、杏、梨等。鑛產以溫台衢三府爲最。石炭、鐵、

銅各礦皆有。製造品以杭州之綢緞爲各省冠。

湖州之筆亦有名。其次則紙扇、錫箔。及紹興之

酒。金華之南棗、醃腿。嚴州之桐油。皆爲特產。


商埠 凡三。一曰甯波府。一曰溫州府。一曰

杭州府。甯波一埠。當甬江之口。河流縱貫。舟楫

暢通。商務極盛。溫州次之。杭州則商務多在省

城。故租界殊覺寂寥焉。

## 第五節 湖北省



甯波新江橋

### 疆域

湖北省。古楚地。六朝唐宋。皆置鄂州於武昌。故又稱鄂省。位置在內地中部。當江漢之交。東界安徽。東南界江西。南界湖南。西界四川。西北界陝西。北界河南。東西最廣處相距約一千三百餘里。南北相距約八百里。省會曰武昌府。東曰黃州府。西曰漢陽府。漢陽西北曰德安府。德安西北曰襄陽府。又西北曰鄖陽府。漢陽西南曰荊州府。西曰安陸府。又西曰荊門州。荊門西曰宜昌府。又西曰施南府。宜昌西南曰鶴峯廳。

### 地勢

位於本部中央。當洞庭之北。四面多山。中央爲大平原。江漢二水之沖積地也。水流縱橫。運輸利便。土田腴沃。物產豐阜。西部地勢較高。山川交錯。鄖施二屬。尤爲林箐叢密之所。山脈。大別山脈。自河南之桐柏山而東。爲湖北河南之界。古稱冥阨。今鑿山通道七十餘里。京漢鐵路始得通過之。巴山脈。自陝西四川間東迤入境。至均州爲武當山。又東南至襄

陽。爲荊山。又南至荊州爲紀山。其自湖北四川間南迤者。夾江而成三峽之險。與南嶺支派之武陵山相屬。

### 河流

揚子江。由四川夔州出巫峽而下。自高地陡落。水勢奔悍。至宜昌府之西陵峽以下。始漫爲平流。通過全境。過黃州府入江西境。入江巨浸一洞庭是也。入江巨川一漢水是也。

漢水自陝西興安東南入湖北。經鄖陽、襄陽、安陸、漢陽。至夏口入江。襄陽以上。山峻水湍。襄陽而下。地平水緩。伏秋漲發。時有潰溢之虞焉。其支流曰白河。曰丹江。亦有名之水也。

**湖澤** 湖澤甚多。皆在江漢之間。武漢以西。荊州以東。千餘里間。川澤交錯。古所謂雲夢之地也。

**形勢** 武漢爲首要。控其上游者。北則襄樊。西則荊宜。皆爲重鎮。武漢夾江對峙。下臨江皖。自昔東南用兵。皆以武漢得失爲成敗。現時中華民國國民軍。亦自武漢首建義旗焉。襄樊隔漢相望。南船北馬。於



宜 昌 峽 江


此分途。實爲中原腰脊。荆宜據江之上游。西扼全蜀。南控三湘。東下有順流之勢。若駐重兵於武漢。而北扼襄樊。西守荆宜。以爲之輔。則設險之道盡矣。

### 道路

湖北當本部之中。地縮南北。循江上下。東至黃州入贛。西過荆宜入蜀。西北溯漢水經漢陽、安陸、襄陽入陝。皆爲水陸通道。又北逾大別山入豫。今京漢鐵路所經也。西南循洞庭入湖南。今粵漢鐵路所經也。航路以長江爲幹。而漢口爲中心。深水輪可達宜昌。淺水輪可達四川重慶。今川漢鐵路。卽循此建築者。其次則漢水亦有航行之利焉。

### 氣候

三時溫和。夏日酷暑。施鶴一帶。瘴癘



樓 鶴 黃 昌 武

殊甚。

風俗 勁直儉樸。江漢間多事農業。經商者亦多。

鄖襄一帶。習俗强悍。施鶴逼近苗疆。民尤蠢頑。

物產 以農產爲大宗。江漢之交。稻、棉最富。豆、麥

次之。植物多材木。茶葉亦夥。鴉片尤多。動物則家畜

外多野豬、山兔。鑛產有石炭、鐵、鉛、錫、水晶、綠礬等。已

開者爲興國之錳。鄖陽之錫。大冶之鐵。附近河南信

陽之石炭。工藝有繅絲、製麻、織布等廠。漢陽有鐵廠。


其民間製造品。有竹木雕刻器、銅器、漆器、葛布、棉布、

等。而銅器尤美。

商埠 凡三。一曰漢口。爲夏口廳治。當漢水入江

之口。居四方之衝。輪舶雲集。商務極盛。長江之中心

點。而京、漢、粵、漢、川、漢三大幹路之終點處也。一曰宜昌。一曰荊州城南之沙市。宜昌爲商賈汽



漢口

船之終點。故貿易尙盛。沙市則不如遠矣。

## 第六節 湖南省

### 疆域

湖南省。亦楚地。因在洞庭湖之南。故名。有湘水縱貫南北。故又稱湘省。東界江西。西界貴州。南界廣東。廣西。北界湖北。西北界四川。東西相距約八百八十里。南北相距約千里。省會曰長沙府。北曰岳州府。西北曰常德府。常德北曰澧州。澧州東南曰南洲廳。常德西南曰辰州府。辰州北曰永順府。永順西南曰永綏廳。永綏廳南曰乾州廳。又南曰鳳凰廳。鳳凰廳南曰沅州府。沅州西曰晃州廳。南曰靖州。長沙南曰衡州府。西南曰寶慶府。寶慶南曰永州府。衡州南曰彬州。桂陽州。

### 地勢

當南嶺之陰。洞庭之南。與江西相似。全境山岳盤互。西部鄰逼苗疆。重峰盤鬱。瘴癘尤甚。北部當湘資沅澧四水之溢地。平野相連。地味極腴。東部三湘之地。山川殊爲清沃。

### 山脈

爲南嶺正支。自越城嶺而東。橫障南境。與兩廣分界。最著者曰萌渚嶺。都龐嶺。騎田嶺。又東與大庾嶺相續。卽所謂五嶺也。分支北出者曰大陽山。爲湖南江西之界。其自西境分支。迤入資水之右者。至常德境止。迤入資水之左者。至長沙境止。衡嶽一峯。巍然獨秀。省西北

爲武陵山脈。自貴州入境。互於澧水之南。亦南嶺分支也。

河流 境內河流。皆以洞庭爲匯歸處。湘

資。沅。澧。水之最大者也。湘水源出廣西桂林府興安縣之海陽山。與灘水同源。曰灘。湘。東北流入湖南境。至永州合瀟水曰瀟。湘。至衡州合蒸水曰蒸。湘。故曰三。湘。又北流至長沙入湖。資。水。二源。一出武岡州。一出越城嶺。合而東北流。經寶慶府至沅江縣入湖。沅。水。源出貴州都勻府西雲霧山。東北流入境。經沅州。辰州。常德。至龍陽縣入湖。澧。水。三源。皆出永順府桑植縣。東北流至澧州入湖。湖中島嶼甚多。最著者曰君山。入江之道。分東西二



湖 庭 洞

路。水勢秋時最盛。入冬則水縮。淺渚縈迴。惟東岸一道少深而已。

湖澤 洞庭湖（見總論及上文）

形勢

岳州爲全省之門戶。永州爲楚粵水陸之門戶。而長沙爲全省之中心。指顧伸縮。皆

足有爲。南出則拊連韶之項背。東顧則抉章貢之肘腋。西下則扼黔蜀之咽喉。故爭南服者。多以長沙成席捲之勢。蓋地當中央。兼控南北。爲荆襄黔蜀百越之要衝。而歷史兵事上之重要地也。

道路

以洞庭爲門戶。循湘而南。爲入廣西大道。其自衡陽南經郴州者。可達廣東。循沅而

西。爲入黔大道。其自沅陵北向者。可達湖北之荊州。惟山岳盤互。道路崎嶇。粵湘出入。自昔皆以度嶺爲最難。他日粵漢鐵路告成。則交通便矣。航路以湘資沅澧爲幹。水盛時。均可通航。惟資水之新化以上。沅水之辰州上下。水急灘多。殊爲險惡。

氣候

三時溫和。北部以洞庭之調劑力。空氣頗潤。西北部則霧溼蒸鬱。瘴癘殊甚。

風俗

勁直尙義。樂耕耘。士習敦樸。近以新知識之輸入。進步極速。

物產

礦產最盛。沅水兩岸多金。東南一帶多石炭。耒陽、永興多鐵。新甯則五金俱有。植物

富於森林。而茶、米亦爲大宗。洞庭左右多米。湘江一帶多茶。而安化之茶最有名。此外則竹、漆、麻、綿、藥材等亦多。製造品以紙爲首。其次有絹、土綢、葛布、及工藝、雕刻等。


### 商埠

凡四。一曰岳州。一曰長沙。一曰湘潭。一曰常德。岳州當洞庭之口。爲全省出納之咽喉。茶米之輸出最多。至長沙、湘潭、常德、三埠。則商務未盛。

## 第七節 四川省

### 疆域

四川省。古巴蜀地。故又稱蜀省。位置在揚子江上游。東界湖北。西界西藏。南界貴州、雲南。北界陝西、甘肅。東南界湖南。西北界青海。東西相距約一千八百餘里。南北相距約一千六百餘里。省會曰成都府。東曰潼川府。潼川北曰綿州。又北曰龍安府。潼



樓

陽

岳

川東曰順慶府。又東曰綏定府。又東曰夔州府。綏定西北曰保甯府。東南曰忠州。又東南曰石砫廳。石砫南曰酉陽州。成都東南曰資州。資州東曰重慶府。成都南曰眉州。又南曰嘉定府。嘉定東南曰敘州府。敘州東北曰瀘州。東南曰敘永廳。成都西曰邛州。邛州南曰雅州府。又南曰甯遠府。雅州西曰康定（打箭爐改設）府。又西曰巴安（巴塘改設）府。巴安北曰鄧柯府。成都北曰茂州。茂州西北曰松潘廳。

### 地勢

據揚子江上游。橫斷山脈擁其西。岷山峙其北。巴、巫諸山繞其外。揚子江橫貫其間。岷江、嘉陵江、挾衆水注之。故水道四通。惟諸巨川行於山谷。中多石灘。航行甚險。不如三江兩湖之航行通暢耳。

### 山脈


四川西部皆橫斷山脈。卽崑崙之脈。東迤而盤結於青海、西藏、四川之間者是也。自西而東。橫列數之。其在四川境內者。凡分三脈。行金沙江之西者。雲嶺之脈也。行金沙江鴉礮江之間者。巴顏哈喇南端直下之素龍山脈也。行鴉礮江、大渡河之間。直至金沙之曲者。大雪山脈也。其橫障北部自青海東來者。爲岷山之脈。北嶺之正幹也。自岷山分爲二支。一東南行至龍安府爲左擔山。卽古左擔道。至保甯府爲劍山。卽古劍閣也。一南行於岷江、大渡河間者。

至灌縣爲青城山。至嘉定爲峨嵋山。皆蜀中名山也。巴山在本省東北。至夔州爲巫山。東大江而成三峽之險。又南與武陵山相屬。

河流

揚子江由青海流入。經四川西境曰

布魯楚河。入雲南境爲金沙江。又由雲南入四川環甯遠而東。作一大曲。與河套遙對。至敘州會岷江。始總稱揚子江。又東北經重慶、忠州、夔州、東入三峽。卽瞿唐峽、巫峽、西陵峽也。峽中長七百里。灘多水急。奇險萬狀。出峽至湖北宜昌府西。則水勢漸平矣。入江巨川。一曰鴉礮江。源出青海。東南流經崇山峻嶺之間。至甯遠府入江。一曰岷江。源出岷山。經成都合大渡河南流入江。古時皆以此爲大江正源。實則江之東




峨嵋山銅廟銅塔

源也。一曰嘉陵江。源出陝西鳳縣嘉陵谷。西南流經甘肅入四川。右合渠江。左合涪江。南流至重慶入江。灌域最廣。

形勢 四面負山。中貫大江。進戰退守。皆佔優勢。北路之左擔。劍閣。東路之三峽。尤爲自昔兵衝之地。然西南二部。鄰逼滇藏。法既營安南。以逼滇。英又營印度。以逼藏。二方有事。則內守外援。皆以蜀爲後勁。故今日形勢。又當以甯遠爲南路之要。康定。巴安爲西路之要。而東北諸險次之。

道路 以成都爲中樞。由成都循江而下。出巫峽。至湖北者。爲全省衝衢。今川漢鐵路所經也。由成都西經雅州。過瀘定橋。至康定府。經裏化廳（卽裏塘）巴安府。至西藏者。爲西部大道。其由成



嘉 定 相 近 之 岷 江

都東北經緜州、劍州、達陝西者。古劍閣之道也。由成都北經龍安入甘肅者。古左擔之道也。氣候四時溫和。雨暘多順。爲全國適宜之地。冬季則常有重霧四塞。

風俗勤儉質樸。民務農桑。士重文學。西北部之番族。身處高寒之地。多以畜牧爲本業。

物產鹽爲最盛。皆產於井。而嘉定尤有名。卽所稱川鹽也。次則絲、煙、五穀皆盛。絲以保甯爲首。煙以成都爲首。農產以米爲第一。動物有白蠟蟲。頗稱特產。礦物各種皆有。甯遠之銅礦。康定之金沙尤著。製造品以綢緞爲最。光澤次於江浙。而堅韌過之。

商埠凡二。一曰重慶。當嘉陵江與大江合流處。揚子江最上游之商埠。四川全省貿易之要區也。一曰萬縣。在夔州府屬。雖已訂定。尙未開放。

## 第二章 地方志二

### 珠江流域

北限南嶺。南限南海。爲福建、廣東、廣西、雲南、貴州、五省。地勢自西北而東南。海濱尤爲低溼。域內天時和煦。雨量極足。物產既饒。工商亦適。揚子江流域而外。珠江其次也。

### 第一節 福建省

### 疆域

福建省古七閩地。故又稱閩省。位置瀕臺灣海峽。與日本屬之臺灣島相對。北界浙江。西界江西。西南界廣東。東南至海。東西相距約八百餘里。南北相距約九百餘里。省會曰福州府。東北曰福甯府。西北曰延平府。延平北曰建甯府。西北曰邵武府。福州西南曰興化府。又西南曰泉州府。泉州西南曰漳州府。興化西曰永春府。又西曰龍巖州。龍巖西北曰汀州府。地勢全境多山。南嶺之脈環其西北。東走東海岸。南走南海岸。閩江貫其北部。九龍江。晉江貫其南部。然水急灘多。除閩江下游少通舟楫外。餘殆無航行之利。

### 海岸

約一千二百餘里。自浙江西南迤至福甯境爲三沙灣。灣內水深。灣外有雙峯。蜘蛛二島。爲其外蔽。又西南爲福州灣。閩江入海之口也。口外羣島羅列。其橫塞於閩江口者爲五虎島。閩口之至要處也。又西南爲海壇島。與大地相距而成海壇峽。峽之南北均小島羅列。又西南爲興化灣。爲泉州灣。晉江入海之口也。爲廈門灣。九龍江入海之口也。灣內有廈門。金門二島。又西南爲詔安灣。擁於灣之前者爲銅山島。又西南入廣東境。其自臺灣海峽東北爲東海。西南爲南海。

### 山脈

南嶺正幹。自江西廣東間之九連山。東迤入境。環抱西北曰武夷山脈。至邵武境有

杉關嶺。外與江西分界。又東北爲仙霞嶺。自仙霞東南。東走東海岸者爲大姥山。自汀州東北。分支南走南海岸者爲梁山。

### 河流

最大之水曰閩江。上流有三源。北源曰建溪。西源曰富屯溪。將溪。西南源曰沙溪。匯

仙霞、武夷、梁山諸水。合於延平府城東南。總稱閩江。經福州府至長樂縣北。出急水門。下流成三角江。福州之水口而上。水急灘多。水口而下。江寬水緩。江口島嶼無數。最崢嶸者五虎門也。

南部有九龍江。晉江。九龍江源出龍巖州甯洋縣。東南流經漳州府至海澄縣入海。海口廈門島在焉。晉江源出泉州府安溪縣西北。東流至泉州灣入海。西部有汀江。一名鄴江。源出

汀州府北之大悲山。曲折東南流。入廣東境。又稱韓江。至潮州府澄海縣入海。

### 形勢

西北負山。東南帶海。雖仙霞杉關爲境內重險。而福甯當溫州南下之衝。邵武爲杉

關東出之道。建甯一郡。北旣慮浙江之突入。西又恐江右之交馳。汀漳迫近南贛惠潮。尤爲奸宄出沒處。自來歷史兵事。凡以福建起事者。皆不旋踵而敗亡。良由固守一隅。山川之間阻不足恃。而爭雄天下。則勢又有所不能也。海疆以閩江口爲中樞。三都澳爲北路之要。廈門港爲南路之要。海壇島北蔽閩口。南扼興化。金門島扼廈門港之外。兼控漳泉。均爲重地。然福建

與臺灣本相依爲唇齒。臺灣既去。屏障頓亡矣。

### 道路

本省大道。自浙江逾仙霞嶺入境。南經建甯至延平府南平縣。歧爲二道。一西北經邵武出杉關達江西建昌。一東循閩江至福州府。折西南循海經興化、泉州。至漳州詔安縣。以入廣東潮州。今福州至廈門間。已興築鐵路矣。

### 氣候

含熱帶性。夏日熱。冬日微寒。冰雪極少。每年自三月至五月多雨。七八月多風。

### 風俗

尙氣貴信。有儉樸之風。漳泉一帶。其民險讎。時相械鬪。號爲難治。

### 物產

境內山多田少。農產不足。恆仰給鄰省。水果極豐。有橘、柚、龍眼、荔枝、香蕉、甘蔗、橄欖等。竹木亦富。產茶尤多。而武夷茶尤有名。樟腦亦爲特產。鑛產有金、銀、鉛、錫、鐵、石鹽、水晶、文石。而廈門港附近之石炭鑛。建甯邵武之金鑛尤佳。海產多魚、鹽、燕窩。製造品以紙、布、蔗糖、蜜蠟爲多。漆器尤爲特產。福州城外有船政局。能造中等兵船。其在三千噸以下者。亦能修理。我國船政之萌芽處也。

### 商埠

凡三。一曰福州之南臺。一曰泉州之廈門。百貨駢集。貿易極繁。一曰福甯府之三都澳。三沙灣內之一小島也。周二十里。商務亦盛。

## 第二節 廣東省

疆域

廣東省。古南粵地。故又稱粵省。位置在珠江下游。內地之最南部也。東界福建。西界廣西。北界江西湖南。南瀕南海。西南以一小部界於法屬安南。東西相距約一千七百里。南北相距約一千二百六十里。省會曰廣州府。東曰惠州府。又東曰潮州府。潮州西北曰嘉應州。廣州北曰佛岡廳。又北曰韶州府。韶州東北曰南雄州。西曰連州。又西曰連山廳。廣州南曰赤溪廳。西曰肇慶府。又西曰羅定州。肇慶西南曰陽江州。陽江西曰高州府。又西曰廉州府。廉州西曰欽州。高州西南曰雷州府。自雷州而南。隔海相望曰瓊州島。島之北部爲瓊州府。南部爲崖州。

地勢

境內多山。南嶺之脈。綿亘其北。勾漏之脈。支入其南。鬱積盤紆。故多隆窳。惟東西北三江沿岸有傾斜地。而三角江附近之沖積沙洲。尤爲坦平肥沃。水道暢通。運輸利便。南部中繁盛之區也。

海岸

約四千餘里。自福建詔安灣西南迤。有南澳島。兀峙海中。爲閩粵之外戶。又西南有汕頭港。韓江入海之口也。港口有小島曰馬嶼。橫塞中流。爲防守要地。又西過海門灣。有海渚

屈曲。其西南卽英領之香港。與北岸英領之九龍相對。皆前清割與英者也。其間水道。爲閩粵往來之要路。又西爲廣東灣。珠江入海之口也。廣東灣之西有澳門。土股。今爲葡屬。又西過崖門。至法國強借之廣州灣。擁於灣之前者曰湛川島。又南而西爲瓊州海峽。出峽則爲東京灣。與安南接矣。灣之北岸有北海港。港內山迴水抱。形勢頗佳。

山脈 凡二派。一爲南嶺正幹。一爲勾漏山脈。

南嶺幹脈橫於北。與湖南分界者曰騎田嶺。與江西分界者曰大庾嶺。曰九連山。其南出支脈兩派。介於東江北江間者曰羅浮山。南部之名山也。介於西江北江間者曰蒼梧山。勾漏山。自廣西東繞高廉之北。曰十萬大山。深田山。盡於肇慶之南境。其南出支



香 港

脈曰雷山。成雷州半島。渡海而南爲瓊州島。島中最高峻者曰黎山。五峯矗立如指。又謂之五指山。火山遺跡也。

**河流** 南部大川曰珠江者。嶺南諸水所歸也。其上源有三。曰東江。北江。西江。而西江最巨。

自廣西梧州流入。經肇慶府至三水縣城西南。分一支東南流入三角江。卽崖門灣也。其經流東北與北江會。北江源出大庾嶺南麓。西南流經南雄。韶州。至廣州府三水縣。與西江合。又東南流。分一支渠過老沙南。經香山縣東入三角江。其經流自老沙迤而東北。又東南流至廣州府城西南。江中成一圓沙洲。曰海珠。由是得珠江之名。又東流經廣州府城東南。至波羅與東江會。東江源出江西贛州府東南之九連山。西南流至惠州府之東。合城泗江。又西入廣州府。至東莞縣合增江。又西南流至波羅與珠江合。三江既合。由虎門入三角江。注於南海。口外香港澳門。分列左右。而大濠島峙於中。

**形勢** 廣東介於嶺海之間。北部雄韶。足控吳楚。東扼潮惠。可制七閩。連州北通郴永。既可

以直走湖南。縱橫南北。而肇慶接壤梧州。溯江而上。又足以控制廣西。至沿海則以香港、澳門、爲外戶。虎門爲內戶。汕頭港、廣州灣、北海港、爲東西之策應。瓊州爲南路之聲援。若布置得宜。

則戰守皆利。今則香港、澳門。一去難回。廣州灣又爲外人租借。門戶之間。已無控扼。而天然之險。竟與外人共之。不可謂非謀之不臧也。

### 道路

分爲三路。由省城而西。至三水。循西江。經肇慶。可達廣西梧州。一由省城北至韶州。

可達湖南。今粵漢路綫所經也。其由韶州東北至南雄。度大庾嶺者。可入江西。古贛粵出入之要道也。一由省城而東。循東江至惠州府。又東循海岸而行。至潮州府澄海縣。入福建。航路以西江爲幹。而東江北江。水量亦足。利於舟楫。沿海則由廣州南經菲律賓。以達澳州。西南通安南之東京及西貢暹羅。益西以達歐洲。

### 氣候

含熱帶性。然以海洋之調劑力。故夏暑不酷。而三時溫和。雖隆冬不冰。雨量春夏最

多。霧氣蒸濕。疾病易生。秋冬則燥烈殊甚。

### 風俗

耐勞善畜。富於商業性質。而有冒險之精神。故經商歐美。最占優勢。惟下流社會。多

迷信神權。窮則爲盜。故兩廣之盜風頗劇。

### 物產

農產多米。煙茶亦饒。果品尤多。增城之掛綠荔枝。瓊州之波羅蜜。四會之柑。新會之

橙。花地之楊桃。尤爲有名。潮州盛產甘蔗。可製糖。爲出口大宗。鑛產有金、銀、銅、鐵、錫、鉛、石炭。而

石炭尤多。北在韶州府境。南在花縣境。而在西者最巨。跨高州、肇慶、廣州三府境。南北二礦所出。遠遜西鑛。鐵鑛不下二十所。廣州府之清遠、從化、龍門、惠州府之陸豐爲尤著。鍊鐵多在佛山鎮。又肇慶府端溪產端石。製硯極佳。水產有海參、魚翅。而嘉魚尤爲特產。製造品有紫檀器、象牙雕刻、繡貨、竹布、蕉布、絲綢、紗絹等。

**商埠** 本省商埠頗多。一曰廣州。南臨珠江。爲南部中樞。街市繁榮。列肆櫛比。與外人通商最早。貿易極盛。租界在府城西南。地名沙面。二曰汕頭。在潮州府澄海縣西南。當韓江左岸。一曰北海。在廉州府合浦縣西南。後負巖壁。前臨東京灣。一曰瓊州。在瓊州島之北。租界在府城之東。地名海口。一曰三水。卽廣州府之三水縣。一曰江門。在廣州府新寧縣之北。一曰甘竹。在廣州府順德縣。一曰香洲。在廣州府香山縣前所。一曰新寧。在廣州府新寧縣南之公益埠。香洲新寧。皆前清光緒三十四年所新闢。商務未盛。瓊州一埠。因海口甚淺。時有颶風。故貿易停滯。殊鮮進步云。

## 第二節 廣西省

**疆域** 廣西省亦古南粵地。位於苗嶺之南。當西江灌域之中部。東與南界廣東。北界湖南。

貴州。西界雲南。西南界安南。東西相距約一千二百五十里。南北相距約八百五十里。省會曰桂林府。東南曰平樂府。又東南曰梧州府。梧州西曰潯州府。潯州南曰鬱林州。桂林西南曰柳州府。柳州西曰慶遠府。又西曰泗城府。柳州西南曰思恩府。思恩南曰南甯府。南甯西南曰上思廳。上思西曰太平府。思恩西曰鎮安府。鎮安北曰百色廳。南曰歸順州。

地勢 南嶺之脈。緜亘其北。勾漏之脈。盤結於南。中央則成爲邱陵性之平原。黔鬱桂三江。

縱橫貫注。山川險阻。溪洞深邃。民貧地瘠。變亂常多。

山脈 南嶺正幹之苗嶺。自貴州東迤。盤亘於廣西、湖南界上。爲越城嶺、萌渚嶺、都龐嶺。其

南出支脈甚多。跨紅水江兩岸者大抵多稱嵯山。在桂江東岸者爲海陽山。皆最著者也。南部

爲勾漏山脈。與安南分界。東入廣東境。就中最著者曰分茅嶺。在上思廳之南。兩粵分險處也。

河流 境內大川曰西江。以黔鬱桂三江爲上源。黔江之源二。曰南盤江。北盤江。自貴州流


入。至泗城府西北而合。總稱紅水江。亦曰烏泥江。東流合柳江。總稱黔江。東南流至潯州府城

東。與鬱江會。鬱江之源二。北曰西洋江。南曰麗江。西洋江源出雲南省廣南府城西苗嶺中

之紅石崖。東南流入境。至南甯府與麗江合。麗江者。西合龍州之龍江。南合廣東欽州分茅嶺

北之明江之總稱也。東北經太平府至南甯來會。二江既會。總稱鬱江。東北流至潯州府城東。與黔江合。官書稱黔江曰右江。鬱江曰左江。黔江鬱江既合。總稱潯江。東流至梧州府城西南。與桂江會。桂江古灘水。與湘水同源。出興安縣南之海陽山。西南流環桂林府南下。因稱桂江。經平樂至梧州。與潯江合。桂江潯江既合。總稱西江。東流入廣東境。卽珠江之西源也。

**形勢** 廣西北負苗嶺。以嚴關爲咽喉。南倚勾漏。以龍州爲後戶。然四境之險。可越者多。自守既不足以固。而自嶺南西窺中原。實有高據上游之勢。粵逆發難。由此北出桂林。浮湘而下。逕達長江。遂成燎原之禍。此已事之可鑒者也。況自安南淪



關 南 鎮

陷。邊境遂逼於法。鎮南一關。既不足以限戎馬。龍州之防。又無足恃。若龍州動搖。則循鬱而東。循桂而北。而廣東、湖南之險。與敵共之矣。

### 道路

本省大道。一自雲南入百色境。環鎮安府北境東境。至歸順州邊境。東入太平府。折東南至南甯府。循鬱江、潯江。東至梧州入廣東。爲東西大道。其自太平府南經龍州出鎮南關者。通安南之大道也。一自梧州循桂江。北經平樂桂林。至興安縣。循湘江以入湖南。爲東北大道。航路自梧州以東。可通入水八尺之汽船。其上游之鬱江。水量亦足。黔桂二江。亦頗有航行之利。然桂江有三百六十灘。以平樂爲中分之地。平樂以上。險惡尙少。平樂以下。則兩岸懸崖。中多碎石。湍急不利行舟焉。

### 氣候

早溫晝熱。晚涼夜寒。昔人稱一日備四時之氣。西南瘴癘頗甚。

### 風俗

慄捷獷悍。刼盜滋多。洪楊之難。卽起於此。漢獠雜居。尤多不靖。近年會黨蠡起。歷久始克平定。然根株猶未絕也。桂林人語言最正。自成爲一種官話。南部各省多通行之。

### 物產

地土礪瘠。惟潯桂二江合流處。土田肥沃。植物有苧麻、桂皮。礦產有金、銀、銅、鐵、石炭、玉、水銀等。動物有鸚鵡、野牛、箭豬。製造品有葛布、竹布。

商埠 凡三。一曰梧州。當潯桂二江合流之地。兩粵交通之要點也。一曰龍州。在本省西南。與安南接壤。專與法國貿易。一曰南寧。在本省南部中樞。前清時早有開放之議。至光緒三十二年。始勘界開埠。

#### 第四節 雲南省

疆域 雲南省。古百濮之地。因有滇池。又簡稱滇省。在內地之西南隅。東界貴州。廣西。北界四川。西界怒夷。南界安南及老撾。西北界西藏。西南界緬甸。東西相距約一千六百五十里。南北相距約一千五百六十里。省會曰雲南府。西北曰武定州。東西曰曲靖府。曲靖西北曰東川府。東川東北曰昭通府。雲南之南曰澂江府。又南曰臨安府。澂江東曰廣西州。廣西東南曰廣南府。南曰開化府。臨安西曰元江州。雲南西曰楚雄府。又西曰蒙化廳。蒙化西曰永昌府。南曰順寧府。順寧東曰景東廳。景東南曰鎮沅廳。鎮沅南曰普洱府。普洱西曰鎮邊廳。楚雄西北曰大理府。大理北曰麗江府。東北曰永北廳。


地勢 地勢積高。雲巔貫其北部。橫斷山脈自西藏南走以入安南。瀾滄江、金沙江、怒江。皆駢流於其縱谷間。水流湍急。舟楫之利不廣。然滇池、洱海、農田仰其灌溉焉。

### 山脈

自崑崙而東。至本部與西藏交界間。爲橫斷山脈。自北而南。在怒江西者曰高黎貢山。在怒江、瀾滄江間者曰怒山。在瀾滄江、金沙江間者曰雲嶺。皆平行直下。以入安南。而雲嶺卽南嶺之發脈處也。自維西廳東出。循金沙江至東川府。歧而爲二。一入貴州安順境。爲南嶺正幹之苗嶺。一入貴州大定境。爲烏蒙山脈。其自大理境分支東南者。點蒼、梁王、無量、哀牢諸山。其最著者也。

### 河流


金沙江、怒江、瀾滄江、三巨川。皆經行於橫斷山脈中。金沙江自西徼之巴安府流入。經麗江府北爲麗江。俗號金沙江。循雲嶺山脈東迤。北至四川雷波廳南。成一大曲。又東入四



雲南山中石橋

川。卽揚子江也。瀾滄江上游有三源。出青海南齊布福爾穆蘇穆山。與金沙江並行。南流入境。縱貫西部。下流入暹羅。安南間爲湄公河。怒江源出後藏大湖地方。經前藏入雲南西邊。南流入暹羅。緬甸之間。曰薩爾溫河。此外之導源境內者。在東部曰西洋江。下流爲鬱江。在南部曰元江。下流入安南爲富良江。曰李仙江。下流至安南入富良江。在西部者曰龍川江。檳榔江。下流入緬甸。合爲伊拉瓦底河。

湖澤 一曰滇池。亦名昆明池。在雲南府城南。昆陽、晉甯、二州昆明、呈貢、二縣環之。所出深廣。下流淺狹。故曰滇。雲南澂江諸水皆瀦之一。曰洱海。在大理府城東。其形如月抱珥。故又名



洱海

瑯海。上游出浪穹縣。下流合於漾鼻江。波濤千頃。澄泓一色。

### 形勢

東以曲靖爲門戶。南以蒙自爲鎖鑰。

西以騰越爲咽喉。北以麗江爲屏蔽。然崇山巨川。足資保據。近者英營緬甸。法營安南。西南邊事。視昔尤亟。雖蒙自騰越。皆爲邊防要地。而商埠既開。鐵路復達。以云設險。蓋亦難矣。

### 道路

以省城爲中點。東出曲靖者。爲入貴


州四川之路。東南經潞江。臨安。開化。至廣南者。

爲入廣西之路。其自蒙自南行者。爲入安南之

路。今法之滇越鐵道。由此入境。南經臨安。元江。

普洱。逾瀾滄江者。爲入暹羅之路。西經楚雄。永

昌。過騰越者。爲入緬甸之路。今英國之滇緬鐵



雲南鹽窰

道。由此入境。

氣候 氣候溫和。四季略等。然遇晴雨無定之時。則一日有四時之變化。西南二部。尙多瘴癘。

風俗 俗尙樸直。男女皆善騎馬。士習守舊者多。近以新知識之輸入。舊習少改。

物產 以鑛爲最盛。金、銀、銅、鉛之脈。全省皆是。礦質既佳。采掘亦易。銅質尤美。有賽銀之目。臨安箇舊廠之錫。亦爲有名。玉與寶石。運銷全國。大理府點蒼山產石。多成紋理。可以爲飾。農產不豐。米穀僅供本省之需。藥材甚饒。普洱茶尤有名。又多鹽井。有黑白之分。水可製鹽。動物有象、鹿、麝、虎。

商埠 凡五。一曰蒙自。臨安府屬之縣治。崇山環繞。天氣溫和。一曰河口。在開化府南境。富良江與南河之會口。隔南河與安南之勞開相對。一曰思茅。普洱府屬之廳治。近瀾滄江。一曰騰越。永昌府屬之廳治。在怒江之右。爲滇緬交通要道。一曰雲南府。卽省會也。商務以蒙自爲最盛。騰越次之。

## 第五節 貴州省

### 疆域

貴州省。殷鬼方之地。以黔江之上游流行境內。又簡稱黔省。省境跨苗嶺而治。東界湖南。西界雲南。南界廣西。北界四川。東西相距約九百九十里。南北相距約七百九十里。省會曰貴陽府。東曰都勻府。又東曰黎平府。東北曰平越州。又東北曰鎮遠府。鎮遠北曰石阡府。又北曰思南府。鎮遠東北曰思州府。又東北曰銅仁府。銅仁北曰松桃廳。貴陽北曰遵義府。遵義西北曰仁懷廳。貴陽西北曰大定府。西南曰安順府。又西南曰普安廳。普安東南曰興義府。地勢

苗嶺山脈。盤鬱於南。烏蒙山脈。綿亙於北。中爲烏江、沅江、盤江、流灌之域。地瘠山多。林箐深密。自昔苗蠻雜處。歸化最晚。

### 山脈

南嶺。正幹自雲南入。橫貫南部。經安順、貴陽、都勻、黎平、以入湖南。通名苗嶺。就中都勻之雲霧山。高入雲際。爲烏江、沅江、盤江之分水嶺。苗嶺山脈中之最著者也。其自苗嶺分支入大定府境者。爲烏蒙山脈。東至思南府而止。最著者曰七星山。烏道崇岡。屹然天險。其分支自貴陽東境北迤者。爲武陵山脈。東北循烏沅二江間。入湖南境。

### 河流

大川有三。烏江、沅江、盤江是也。烏江源出威甯州東北烏蒙山脈中。東北至四川入於揚子江。苗嶺以北。烏蒙以南。武陵以西之水皆匯焉。沅江源出都勻府西之雲霧山。東流

爲清水江。入鎮遠境。與澗水並入湖南境而合。苗嶺以北。武陵以東之水皆匯焉。盤江有二源。皆出雲南霑益州。南北分流。至興義府東而二源俱合。自此以下名紅水江。南入廣西。卽黔江也。凡苗嶺以南之水。在黔境者皆匯焉。東北曰務。南曰黔。南曰黔。北曰務。形勢二百。山深箐密。以攻則強。以守則固。故自昔苗蠻皆恃以爲固。其形勢以貴陽爲中心。而畢節之七星關。遵義之婁山。尤爲南北兩路之險。七星關當雲貴川三省之交。婁山當川黔之衝。皆兵事上重要地也。

道路 由貴陽東循沅江。經平越、鎮遠、思州。以入湖南。西經安順、普安。以入雲南。西北經大定至畢節。又分二道。北入四川。西入雲南。

氣候 於本部爲最劣。霧蒸溼鬱。瘴癘甚重。客居者染疾尤易。雨量極多。有天無三日晴之諺。

風俗 習俗因居民而異。西北部多漢人。皆由外省遷居於此。苗人則有生熟之分。熟苗衣食居處。半參漢俗。生苗則野居穴處。食肉衣皮。習俗性情。與漢人迥別。物產 礦產最盛。銀、銅、鉛、鐵。皆有。而水銀尤多。貴陽所產。尤爲有名。次則林木甚富。楠木、杉

木、黃楊木、丹桂、檫桂，均爲美材。農產甚瘠。雖有米麥而不足供本省之食。棉花、茶葉、尙多。製造品有綢緞、葛布、斜紋布、皮韁、馬氈等。動物有馬、牛、羊、麋等。

#### 第四章 地方志四

##### 關東及新疆

本部之外，有行省四。一曰關東三省，在山海關外，卽滿洲也。一曰新疆，在嘉峪關外，卽西域也。

##### 第一節 奉天省

##### 疆域

奉天省在滿洲南部。古青幽二州之域。戰國燕、漢、遼東、遼西、晉高麗、唐渤海、宋契丹、

女真之地。東界朝鮮。東北界吉林。北界內蒙古。西界直隸。南界黃海、渤海。東西最廣處相距約一千二百三十里。南北最長處相距約八百十里。奉天府爲前清之陪都。在本省中央。卽省會也。奉天南曰鳳凰廳。東曰長白府及興京府。東北曰海龍府。海龍東南曰輝南廳。北曰法庫廳。又北曰昌圖府。西曰新民府。新民南曰營口廳。又西南曰錦州府。又有一部懸出內蒙古科爾沁右翼前旗之洮兒河南曰洮南府。

地勢 長白山之脈。蜿蜒於東。暨巫閭山之脈。迤邐於西。摩天嶺千山之脈。盤鬱於南。大致

成爲高地。惟遼河流域有廣大之平原。域內冰期甚久。故交通之利不廣。惟鐵路之建築。特較他省爲發達也。

海岸 長約二千里。自鴨綠江口。西南迤爲大孤山港。有大洋河自此入海。又西有海港曰

貔子窩。口門環抱如半規。頗稱扼要。又西曰大連灣。遼東半島之第一大澳也。裏長山外長山海洋光祿諸島。錯峙其東。三山列島。擁其港口。實天然之形勝。又西爲旅順口。黃海北岸之惟一軍港也。港口二山交抱。門戶天成。港內水大而深。能泊多數軍艦。庚子而後。與大連灣並爲俄占。今又入於日矣。又西南卽老鐵山嘴。黃海渤海之分界處也。自老鐵山嘴東北迤爲遼東灣。之東岸。沿岸山勢崇峭。故多著名灣澳。中有大灣曰會灣。遼東半島西部之第一大澳也。小島橫列。佳處甚多。會灣東北有復州灣。蓋州灣。蓋州灣之北有遼河口。遼東平野之門戶也。又西北而西南爲遼東灣。西岸沿岸淺沙平鋪。惟錦州灣尙可避風。又西南至山海關。入關卽直隸境矣。

山脈 長白山者。本國東北部特起之山也。其脈位於吉林南境。東北行者斜迤入俄屬東

海濱省。西南行者。入奉天爲千山山脈。有摩天嶺之正峯。爲遼東半島之脊骨。渡海而成山東半島。山陰之水匯於黑龍江。遼河。山陽之水注於圖們。鴨綠兩江。鑿巫閭山起頂於錦州府之東北。與盧龍山脈相連接。其南行者止於遼東海濱。

河流

遼河。上遊爲西喇木倫河。亦稱西遼河。自直隸流入奉天境。支流四達。至營口入遼東海灣。鴨綠江。在奉天東南境。源出長白山。下流入黃海。我國與朝鮮之界水也。

形勢

東倚長白。西控遼東灣。而遼東半島峙其南。本部東北之藩捍也。甲午之役。遼東入於日本。後以俄法德之力阻。遂以臺灣易之。庚子之亂。俄人於聯軍外。更以兵力據其地。迨和議成。而撤兵之期。屢次延誤。遂釀成日俄之戰。而遼東又入於日本勢力之中。其東清鐵道。則長春以北歸俄。以南歸日。而東三省治權。仍歸中國。自日本合併朝鮮以後。事機益急。將來之結果。又未知若何。而奉天當滿洲之南。以奉天爲中權。營口爲西部之咽喉。鳳凰城爲中國與朝鮮之要路。防守殊不易也。

道路

奉天爲中心。自奉天西渡遼河沿海以至山海關爲一道。自奉天東北行過吉林分達伊蘭甯安爲一道。自奉天北行至龍江府爲一道。自奉天西南行至遼陽州達旅順爲一道。

自奉天過連山關達安東入朝鮮爲一道。舊時交通極爲澀難。自京奉、奉安及南滿各鐵道成。本省之交通大、便、矣。航路以遼河爲幹。可行汽船。惟每年有數月之冰期。爲不利耳。氣候寒暑並烈。冬春二季。河冰堅結。惟南部較爲溫和。較之關內尙差一月。人種皆通古斯種。然漢人移居者反占多數。語言文字。不與漢同。然住居城市者。皆通行漢語漢文矣。民多漁獵兼務農。旗民大半爲兵。善射好義。惟生性怠惰。迷信喇嘛之風尤甚。南部一帶。內地移民來墾闢者甚多。物產礦產最富。有金、鐵、磁石、石炭、石油等類。植物富於森林。農產有棉花、煙葉、豆、麥、粟、黍、靛青、鶯粟。而黃豆尤爲輸出大宗。河流多魚類。商埠營口、遼東平野之咽喉。而奉天之重要商港也。商業繁盛。人民殷阜。日俄戰後。新開之埠甚多。如奉天、安東、大東溝、鳳凰城、遼陽、新民、鐵嶺、通江子、法庫門等皆是也。

## 北日篇 第二節 吉林省

疆域吉林省在滿洲中央。北魏勿吉。唐渤海國。宋契丹女真之地。東界俄屬東海濱省。西界內蒙古。南界日併之朝鮮。西南界奉天。北界黑龍江及俄領之阿穆爾省。自東北至西南。相

距約一千九百餘里。自東南至西北。相距約一千餘里。吉林府在本省之西南。卽省會也。吉林東曰甯安府。又東曰蜜山府。南曰延吉府。延吉東曰琿春廳。吉林西曰伊通州。西北曰長春府。北曰榆樹廳。榆樹西北曰新城府。北曰雙城府。東曰五常府。五常東北曰賓州府。賓州東北曰依蘭府。西北曰濱江廳。依蘭東北曰臨江府。

### 地勢

長白山脈及其相連之完達山脈。自西南延亘於東北。爲一大高原。惟松花江下游

兩岸。地多平坦。黑龍江、松花江、烏蘇里江、環繞三面。惟每年冰期頗久。爲交通之阻焉。

### 山脈

長白山之脈。迤邐境內。至吉林府城東南。挺爲正峯。迴環聳峙。內含小池。松花、圖們、

鴨綠三江。由是分流。其分支北出者。至松花江與黑龍江合流處。與興安嶺隔江遙接。

### 河流

松花江源出長白山。西北流與嫩江會。折而東北流。爲吉林與黑龍江之界。下流入

### 黑龍江。

嫩江源出興安嶺之南。東南流至新城府。西北境與松花江合。圖們江源出長白

山。與鴨綠江源相對。北流爲我國與朝鮮之界。烏蘇里江源出俄領海參威之東北。北流注

於黑龍江。爲我國與俄羅斯之界。黑龍江繞於臨江府之北。亦我國與俄羅斯之界水也。

### 湖澤

興凱湖在蜜山府之東。其南部之半。屬俄之東海濱省。

形勢 介居奉天黑龍江之間。爲聯絡滿洲之要地。以吉林府爲中權。濱江廳爲北部之重

鎮。琿春廳爲韓俄之要衝。他如臨江、依蘭、寧安諸府亦形勝之地也。

道路 一自吉林西南行直達奉天。一自吉林西行至長春。卽今日吉長鐵路所經之道也。

由長春北至濱江廳。而達龍江府。今東清鐵路所經。一自吉林東行至寧安府。由寧安而達東寧廳。可至俄之海參威。亦今東清鐵路所經也。

氣候 純係大陸性。與奉天同。

物產 豆、麥、煙葉甚富。森林尤盛。松、樺、榛、榆、榨、柳之屬。隨地有之。礦產則金、鐵、銅、煤、咸備。長白山之人參。乃特產也。

商埠 本省舊無商埠。有之自前清光緒三十二年中日協約始。吉林、長春、卽寬城子濱江、卽哈爾濱

寧安、卽寧古塔琿春、卽三姓等皆是也。宣統元年。中韓界務條約復訂開四埠。如龍井村、延吉、卽局

子頭道溝、百草溝等皆是也。商務以吉林、長春、濱江爲最盛。琿春、依蘭、延吉次之。

## 第二節 黑龍江省

疆域 黑龍江省在滿洲之北。北魏時爲扶餘勿吉室韋諸部。唐黑水靺鞨及室韋之地。東

北界俄領之阿穆爾省西北界俄領之薩拜喀勒省。西及西南界外蒙古。南界內蒙古及吉林省。東西最廣處相距約二千二百五十里。南北相距約一千四百里。龍江府城在本省之南。卽省會也。龍江東南曰海倫府。曰綏化府。曰呼蘭府。南曰大賚廳。肇州廳。安達廳。武興廳。西曰舒都廳。呼倫廳。又西曰臚濱府。北曰訥河廳。布西廳。又北曰嫩江府。甘南廳。嫩江之東曰車陸廳。曰呼瑪廳。又東曰烏雲廳。曰蘿北廳。蘿北東南曰佛山府。南曰春源廳。嫩江東北曰瓊瑋廳。曰黑河府。呼倫北曰室韋廳。又北曰漠河廳。

### 地勢

興安嶺之脈。縣互域內。地勢甚高。黑龍江環繞於東北。松花江環繞於東南。卒以冰期較久。交通不能便利。又以逼處俄疆。俄人眈眈虎視。防務固未可稍懈也。

### 山脈

內興安嶺之脈。其西南起頂於陰山山脈之索岳爾濟山。東北進入黑龍江境。環嫩江之源。轉而東南。循黑龍江南岸而下。爲小興安嶺。東逾松花江。與長白山脈遙接。此山之脈。曲曲如半環。環內爲傾斜地。其北瀕黑龍江一面。則山勢陡落。西北尤峻。若哲溫。若佛思亨。皆興安嶺之餘脈也。

### 河流

黑龍江。源出蒙古車臣汗部之肯特山。上游曰鄂諾河。東北流入俄屬西伯利亞境。

又東會額爾古納河。始稱黑龍江。爲中國與俄羅斯之界水。東南合松花江。折東北合烏蘇里江。自此以東。仍全入俄境。而注於韃靼海峽。嫩江自北而南。挾甘河。諾敏河。納默爾河。雅爾河。洮兒河。貫其中央。額爾古納河源出於呼倫湖。曲繞於南北者也。湖澤共吉呼倫湖在西境。喀魯倫河所瀦。南與貝加爾湖相通。其他小泊尙多。

形勢。內蔽奉吉。外接強俄。關係至巨。瓊瑋呼倫二廳。地處邊境。屹然重鎮。臚濱府尤俄人所欲得而甘者也。爲東北邊陲計者。可不於本省加之意乎。

道路。龍江偏居南部。自此東南行。經綏化呼蘭而至吉林。自龍江東北行。經布西嫩江至瓊瑋。而入俄境。自龍江西北行。經呼倫至臚濱。而入俄境。今東清鐵路之道也。里亦天山北氣。氣候純係大陸性。地處奉吉二省之北。故較二省尤寒。日暑冬短夏長。秋季則清明之時。

往往飛雪。

物產

以礦爲最盛。金、銀、銅、鐵、煤、玉之品。諸山均有之。漠河、觀音山之金礦。名聞中外。農產

如稌、黍、麥、豆亦甚富足。動物尤具兇悍之狀。

商埠

一曰前清光緒三十二年中日協約既成。始明定商埠。一曰龍江府。即齊齊哈爾。一曰呼倫廳。

即海 位爾 一曰瓊瑋廳。一曰滿洲里。即鹽 貿易以龍江爲最盛。呼倫瓊瑋臚濱次之。

#### 第四節 新疆省

##### 疆域


新疆省爲本國西北一大部。與內地甘肅相接。在漢唐爲西域地。前清初天山南路

爲回部所據。北部爲準噶爾所據。乾隆間平定之。同治間陝甘回叛。延及新疆。光緒四年克復之。改設行省。東界甘肅。東北界外蒙古。西北界俄羅斯。西界帕米爾。西南界克什米爾。南界西藏。東南界青海。東西相距約三千四百六十五里。南北相距約三千一百二十里。在天山北路者曰迪化府。新疆省會也。迪化東曰吐魯番廳。又東北曰哈密廳。哈密北曰鎮西廳。迪化西曰庫爾喀喇烏蘇廳。又西曰精河廳。精河西南曰伊犁府。北曰塔爾巴哈臺廳。在天山南路。當迪化西南者曰焉耆府。又西南曰庫車州。庫車西南曰溫宿府。曰烏什廳。又西南曰疏勒府。疏勒南曰英吉沙爾廳。英吉沙爾東曰莎車府。莎車東南曰和闐州。

**地勢** 西倚葱嶺。南憑崑崙。北負阿爾泰。天山之脈。橫貫中央。而汗騰格里一山。實爲天山之主峯。其北爲伊犁河之谷。其南則塔里木河之流域也。境內沙漠多於平原。其肥而可耕者。惟塔里木河之兩岸而已。

# 山脈

葱嶺爲亞洲山脊。中國大山發脈處也。自疏勒至莎車之西。皆葱嶺正幹。其東入新疆者曰崑崙山。曰天山。崑崙之脈。西起葱嶺。分爲數派。其在新疆西藏間者曰唐古刺大山。東入青海西藏間。南行而爲橫斷山脈。唐古刺之北一支曰中崑崙。其南入青海者曰巴顏哈喇山。南北嶺之脈也。其東迤於新疆南部者曰阿爾金山。其最著者曰托古茲達坂。又東迤障於南境。與青海分界曰祁連山。卽陰山之脈也。天山起於葱嶺之烏赤別里山。其地當喀什噶爾之西北。北迤爲我國與俄屬中亞細亞之界。其東迤而分阿克蘇、特克斯、二河之源者曰汗騰格里山。天山之最高處也。自此以東。隨地異名。迤於新疆中部。東至哈密而盡。卽新疆南北二路所由分也。其



天山中山湖泊

自伊犁迪化間分支北迤者。西至邊境抱塔爾巴哈臺廳。逾額爾齊斯河而北。曰塔爾巴哈臺嶺。卽天山北出之阿爾泰山脈也。

河流 大。水以天山而分南北。在北者曰伊犁河。上游有特克斯。控吉斯二源。合而西北流入俄境。瀦於巴爾喀什湖。此河形勢爲西域之關鍵。惜其下游已割屬俄羅斯矣。又有額爾齊斯河。源出蒙古西北行阿爾泰山谷中。入俄羅斯。卽鄂畢河之上游也。在天山南者曰塔里木河。上游有五源。曰喀什噶爾。曰葉爾羌。曰阿克蘇。曰和闐。曰鄂根。五河合流。稱塔里木河。東流入羅布泊。古人謂葱嶺諸水。實黃河之上源。瀦於羅布。潛行地中。再出而爲黃河焉。

湖澤 境內地多沙漠。故水之瀦爲湖澤者甚多。其大者在天山北曰烏龍古湖。當塔爾巴哈臺嶺之東北。在天山南曰羅布泊。當白龍堆沙地之南。爲崑崙天山二山間之溢地。此泊分東西二部。西部曰哈喇布朗湖。東部卽羅布泊。塔里木河自西端瀦入。通過東湖焉。又有巴格喇赤湖。在焉耆府東南。

形勢 新疆爲中國西北邊陲。與蒙古旣唇齒相依。而於內地亦有密切之關係。且南鄰西藏。東南逼青海。得則俱得。失則俱失。尤有相隨之勢。故前清嘗歷次用兵。已不敢以邊徼而甌

脫之。其境內形勢。以伊犁爲北部之重鎮。疏勒爲極西之門戶。哈密爲東方之根據。而迪化控扼中權。尤有一郡而扼三路之勢。然西北逼於俄。西南逼於英。雖英之志不在新疆。而俄則日以南下爲事。既築鐵路環其外。又屯重兵伺於邊。東逼伊犁。南瞰疏勒。在伊犁既無可守之重險。而葱嶺又多可通之間道。一朝有事。殊可懼也。

### 道路

自甘肅安西州入境。經哈密至吐魯番。分爲二道。北循天山經迪化。庫爾喀喇烏蘇而至伊犁。南循天山經焉耆。庫車。溫宿。莎車。英吉沙爾。而至疏勒。古今通西域第一孔道也。其次由安西之敦煌入境。循白龍堆沙地。經崑崙山脈之北。以至疏勒者。爲西域間道。然水草艱阻。出此者鮮矣。通俄之道。分爲三。一逾塔爾巴哈臺而北。一循伊犁河而西。一由疏勒逾葱嶺而西。皆爲大道。其餘間道亦甚多也。

### 氣候

純係大陸性。寒暑均達極點。惟伊犁較爲溫和。雨量極少。土人引雪水灌田。與甘肅相似。

### 風俗

隨地不同。大要分爲三部。東部爲漢人種。多謫戍之徒。習尚與內地相似。西南部爲土耳其種。奉回教。業農商。西北部爲蒙古人種。奉喇嘛教。以游牧爲業。

物產

哈密之瓜。和闐之玉。爲境內特產。其次則動物有獐獐獐。礦物有石炭及金鐵。製造品有盪緞、天鵝絨、金銀絲緞、毛氈等。農產頗瘠。惟溫宿、莎車所產尙豐。

商埠

凡五。曰疏勒。曰塔爾巴哈臺。曰伊犁。曰迪化。曰吐魯番。皆與俄人通商場。然天山南北。皆准其任便貿易。就中商務以疏勒爲最盛。波斯、阿富汗等國商貨皆集焉。

## 第五章 地方志五

### 蒙古青海西藏

蒙古、青海、西藏。於前清爲外藩。至民國則與各省爲一體。蒙古在本部之北。青海西藏在本部之西。皆要地也。

### 第一節 蒙古

疆域

蒙古在本國北部。昔爲東胡、匈奴、鮮卑、突厥、回紇、更迭占據之牧地。東界東三省。西界新疆。南界直隸、山西、陝西、甘肅、四省。北界俄屬西伯利亞。有大沙漠橫漠中央。漠南曰內蒙古。漠北曰外蒙古。依阿爾泰山及賀蘭山而居者。曰額魯特、蒙古。東西相距約五千五百六十里。南北相距約二千五百六十里。

內蒙古凡二十四部四十九旗。分東西六盟。東四盟曰哲里木盟、卓索圖盟、昭烏達盟、錫林郭勒盟。當東三省及直隸邊外。西二盟曰烏蘭察布盟、伊克昭盟。當山西、陝西、甘肅邊外。前清時分別設札薩克。封爵有親王、郡王、貝勒、貝子、輔國公、鎮國公、台吉之別。又有察哈爾八旗。在直隸宣化、山西大同邊外。則不置札薩克。設都統副都統各一人以管轄之。歸化城土默特二旗。在山西大同朔平二府邊外。亦不置札薩克。以綏遠城將軍及歸化城副都統管轄之。嗣以牧地多爲漢民所墾闢。乃置撫民廳以資治理。如直隸口外三廳及山西邊外十二廳皆是也。外蒙古總稱喀爾喀。分四部。八十六旗。一曰汗阿林盟。凡一部。曰土謝圖。二曰齊齊爾里克盟。凡一部。曰三音諾顏。三曰喀魯倫巴爾屯盟。凡一部。曰車臣汗。四曰札克必拉色欽畢都哩雅諾爾盟。凡一部。曰札薩克圖。自設札薩克。在清時其封爵與內蒙古同。皆隸於理藩部。各有牧地。毋許侵越。在三音諾顏、札薩克圖及科布多之北。依唐努山而居者爲唐努烏梁海。凡三十六佐領。分屬於定邊左副將軍、札薩克圖、三音諾顏及哲布尊丹巴胡圖克圖喇嘛者也。額魯特蒙古亦以大漠分南北。漠北曰金山額魯特。依阿爾泰山而居。卽科布多也。當新疆之東。札薩克圖之南。共七部四十七旗。其中杜爾伯特有札薩克而受科布多大臣之兼轄。札哈


沁。明。阿。特。額。魯。特。皆不設盟。而受科布多大臣之直轄。阿爾泰。烏梁海。新土爾扈特。新和碩特。清光緒三十二年。皆已分立。爲阿爾泰辦事大臣之轄境。以承化寺爲治所矣。漠南曰河西。額魯特。一稱西套蒙古。依賀蘭山而居。凡二部二旗。曰阿拉善。額濟納。受寧夏將軍之直轄。此外又有在新疆境內者。曰天山。額魯特。依天山而居。凡五部十三旗。分三盟。曰烏納恩素珠克圖盟。巴啟色勒圖盟。皆受伊犁將軍之直轄。

地勢 曰崑崙山。阿爾泰山。兩山脈橫列南北。故中央拓爲廣大之高原。高度自三千尺達四千尺以上。大沙漠亘於中。自東而西。長三千四百里。廣一千四百里。浩渺無垠。水草俱絕。因此沙漠分蒙古爲內外二大部。而額魯特蒙古亦分爲二部焉。

山脈 大分爲二派。內在蒙古者爲崑崙山脈。在外蒙古者爲阿爾泰山脈。崑崙山脈自新疆之阿爾金山。東迤而爲祁連山。至甘肅之北爲賀蘭山。循河套之北而東爲陰山山脈。至克什克騰部之拜察山。歧爲二派。一支東南入直隸境爲松嶺。一支北行爲索岳爾濟山。亦曰大興安嶺。東入黑龍江境。阿爾泰山脈者爲天山北出之脈。橫跨額爾齊斯。葉尼塞。兩河之系者也。其本脈自科布多東南行。經札薩克圖部。與賀蘭山山勢遙連。其繞科布多。烏梁海而北。

爲我國與俄羅斯之界山者。曰薩彥山脈。東經恰克圖入俄境。爲外興安嶺。薩彥之南曰唐努山脈。又南曰杭愛山脈。相並東行。至色楞格河之水源。合而東趨。若斷若續。復突起而爲肯特山。又分二支。一北行以屬於外興安嶺。一東行以屬於內興安嶺。至此而阿爾泰之脈與崑崙合矣。

河流 漠南大水曰黃河。自甘肅流入。繞鄂爾多斯而東。南入山西陝西間。曲曲如半環。環內卽河套也。曰西喇木倫河。卽西遼河。源出克什克騰旗。東流爲直隸蒙古之界。又東入奉天會東遼河。漠北大水曰鄂諾河。黑龍江之上游也。源出肯特山。東北經俄境入黑龍江省。曰克魯倫河。其源亦出肯特山。東入黑龍江省。潞於呼倫池。又北出爲額爾古納河。以



戈壁風沙

注於黑龍江。曰色楞格河。烏魯克穆河。皆葉尼塞河之上源也。色楞格河源出杭愛山而東流。烏魯克穆河源出庫蘇古爾泊而西流。皆北入俄境。以并於葉尼塞河。流入北冰洋。曰額爾齊斯河。源出阿爾泰山之陽。西經新疆入俄領中亞細亞。瀦爲齋桑泊。又北流合鄂畢河。以注入北冰洋。其次如札盆河。科布多河。亦漠北諸水之有名者也。

湖澤 蒙古地多沙漠。故水之瀦蓄而不流者甚多。味皆鹽質。在漠南者容積不大。賀蘭山。蒙古地牧之吉蘭泰。淖爾。盛產鹽。多倫諾爾。北之達里泊。盛產魚。皆有名者。漠北則大湖甚多。科布多之哈喇烏蘇湖。奇爾吉茲淖爾。烏布薩泊。唐努烏梁海之庫蘇古爾泊。其著者也。

形勢 蒙古外接強俄。內屏本部。沿邊之地。要害甚多。而庫倫。科布多。皆爲重鎮。以烏里雅蘇台爲中心。若俄人內侵。則北出恰克圖。聯黑龍江以扼其東。西出科布多。聯新疆以禦其西。而烏里雅蘇台居中策應。則吾圉之防。或可聊固。否則俄人之勢力。旣東紮於滿洲。必將南伸於蒙古。不特邊陲之慮。抑亦內地之憂也。

道路 自直隸出張家口。經內蒙古西二盟。至土謝圖汗境內。歧爲二道。一西行經烏里雅蘇台。至科布多。通俄屬中亞細亞。一北行經庫倫。恰克圖。通俄屬西伯利亞。今庫倫至張家口。

一、道有開築鐵路之議。

氣候 純係大陸性。寒暑均酷。降雨極少。冬季北風怒號。冰堅數尺。夏暑雖爲時甚暫。而酷熱如焚。旋風時起。捲沙迷目。行人苦之。

人種 居民皆蒙古種。以畜牧射獵爲業。逐水草張幕而居。奉喇嘛教甚虔。故僧額頗多。食物以酪爲主。貿易多以貨易貨。語言多連結。文字源出回文。卽所謂蒙古文也。

物產 蒙古地瘠。乏農產。以畜牧爲主。馬、牛、羊最多。駱駝、驢、騾、犛牛、豚等次之。南境沙漠中。雜草矮樹。隨地叢生。頗宜畜牧之用。其近西伯利亞處。林木尤茂。礦物有金、銀、銅、鐵。多產阿爾泰山脈中。製造品以絨氈爲佳。

商埠 凡二。一曰買賣城。又名恰克圖。一曰庫倫。又名烏爾。皆在土謝圖汗境內。對於俄屬之通商場也。恰克圖開放最早。清雍正五年。卽與俄訂通商約。嗣又禁止。至乾隆時復立互市約。庫倫則至咸豐時始訂約開放。他如烏里雅蘇台城。及科布多城。亦爲俄商互市之所。商人運貨多以駱駝。往來於沙漠者。終歲不絕。

## 第二節 青海

## 疆域

青海者。因域內之青海而得名。在禹貢爲西戎地。歷三代至漢爲西羌地。自東晉至唐爲吐谷渾所據。後入吐蕃。至明時始入蒙古。在本國全部之中央。自內地準望。則偏於西北。北與東均界甘肅。東南界四川。南界西藏。西界新疆。東西相距約二千里。南北相距約一千六百里。全境分五部。通稱額魯特蒙古。區爲和碩特部。二十一旗。綽羅斯部。二旗。土爾扈特部。四旗。輝特部。一旗。喀爾喀部。一旗。皆繞青海及黃河。柴達木河。區域而居。又有阿里克蒙古。爾津玉樹等土司。凡四十族。皆羌種。其牧地惟阿里克一族。在黃河左岸。餘皆在右岸。前清時與額魯特蒙古同爲西寧辦事大臣所轄。額魯特部。三年一貢。九年而周。其四十族土司。則納賦於西寧辦事大臣。而受其直轄。貢道自西寧入甘肅。與漢人互市。亦多以西寧爲聚集點。故西寧雖隸甘肅。而其衝要實不啻青海之一都會也。

## 地勢

巴顏哈喇山脈。斜貫中央。黃河。揚子江之上游。分流南北。青海位於東北隅。西與柴達木盆地相連。然以山岳甚多。故地味瘠薄。惟青海四圍。水草豐美。成天然之牧地焉。

## 山脈

自崑崙而東。歧爲數道。其橫障南境與前藏分界者。爲唐古刺大山脈。橫貫中央者。爲巴顏哈喇山脈。橫障北境者。爲祁連山脈。祁連山自後藏新疆間之阿爾金山。迤入。東至甘

肅爲賀蘭山。卽陰山之脈也。唐古刺巴顏哈喇二山脈。則相並南趨。而成橫斷山脈。其自橫斷山脈分出者。一東行入四川爲岷山。卽北嶺也。一南行而東出爲雲嶺。卽南嶺也。

河流

中國大川。惟江與河。而其源實分出青海巴顏哈喇山之南北。故巴顏哈喇實江河

之分水嶺也。揚子江源出巴顏哈喇山之陽。在青海極西。與西藏相接之界上。東南流爲木魯烏蘇河。經四川入雲南爲金沙江。黃河源出巴顏哈喇山陰之噶達素齊老峯下。東南流瀦爲札陵鄂陵二海。其旁泉源甚多。卽古星宿海也。自此曲折流於積石山間。東北入甘肅貴德境。此外有柴達木河。亦爲青海大水。其區域在青海之西。爲泥淖之低地。古昔湖水遺跡也。

湖澤

青海又名庫庫淖爾。直甘肅西甯府西二百五十里。水色澄碧而味鹹。冬夏不枯不

溢。產魚鹽甚富。無鱗魚尤夥。四周小泊甚多。惟西南之達賴布遜多鹽。凡青海蒙古及番回與西甯之人。皆取給於此。

氣候

純係大陸性。寒氣甚烈。

人種

居民皆蒙古種。其土司等則羌渾吐蕃之裔。故風土人情。與蒙古西藏相類。

物產

境內地味瘠薄。農產極少。故多以畜牧爲生計。家畜有馬、牛、羊、駱駝。馬尤壯健。就中

長尾之犛牛。多力負重。其肉乳皮毛。皆有用之品。又出珠、玉寶石及鹽等。居民善製氈。北部諸省。行銷頗廣。

## 第二節 西藏

**疆域** 西藏在內地之西。爲本國西南一大部。古之三危。漢之羌。唐之吐蕃地。東界四川。東南界雲南及野人山境。東北界青海。西北界新疆。南界英屬印度。及廓爾喀、不丹。西界印度克什米耳。東西相距約三千六百六十餘里。南北相距約一千四百餘里。其地舊分四部。曰康。又名喀木。卽前藏也。居最東部。自四川康定府以西。巴塘、察木多等處。凡橫斷山脈中之地。皆是。曰衛。卽中藏也。在喀木之西。本吐蕃建牙之所。今達賴居之。曰藏。又名喀齊。卽後藏也。在前藏之西。今班禪居之。曰阿里。在後藏之西。西接克什米耳。及印度之旁遮普部。前清時割喀木之巴塘。以東屬於四川。以康屬衛。總稱前藏。合藏及阿里。總稱後藏。所屬有達木、蒙古種五百二十八戶。羌種、納克書等土司三十九族。元明以來。屢通朝貢。至清之乾隆時。迭經征討。定爲藩屬。設駐藏辦事大臣及幫辦大臣各一人。鎮守其地。內政雖聽其自治。而外交軍政。悉聽於政府之指揮。藏中官缺。亦由駐藏大臣與達賴會同選授。立法之初。不爲不備。而自來奉使者。類

多不學無術。於世界大勢。既茫無所知。而應盡之責。應保之權。亦多所放棄。遂釀成後日英俄競爭之局。清宣統二年二月。裁幫辦大臣。改設左右參贊二人。駐藏辦事大臣及左參贊駐前藏。右參贊駐後藏。左右參贊。皆襄助辦事大臣治理藏務者也。其政權自唐末以來。即操之僧侶。前清時無論僧俗。在前藏者皆受治於達賴喇嘛。在後藏者皆受治於班禪額爾德尼。其喇嘛道行至高者曰胡圖克圖。分掌教化。其秩有國師、禪師、札薩克、大喇嘛等號。司兵刑財賦者。有第巴、噶布倫、戴奉、堪布、商上等官。全藏所轄。共六十八城。前藏首城曰拉薩。後藏首城曰日喀則。達賴



門 西 薩 拉

所轄寺廟三千一百五十餘所。班禪所轄三百二十七所。凡寺廟之中皆以僧爲官。於其中判斷民事。如中國之官署焉。民國聯五族爲一國。自不得不徐圖改革。以收統一之效也。

### 地勢

崑崙希馬拉耶二大山脈。交點於其西。東迤而擁其南北二面。橫斷山脈障於其東。故盤結而成世界第一之高原。高出海面自萬尺乃至萬八千尺。平均高度可萬五千尺。西北部尤爲高峻。其間爲一大草原。頗便畜牧。稍低之處。卽印度河、怒江、雅魯藏布江之谷也。

### 山脈

自帕米爾而東。分崑崙、希馬拉耶二大派。希馬拉耶之脈。自帕米爾而東。南逆印度河源而下。橫障南邊。爲西藏、印度之界山。東至雅魯藏布江西岸止。隔江而與橫斷山脈接。就中最高峯曰額非爾士。高度達二萬九千尺。世界第一高峯也。崑崙之脈。亦自帕米耳而東。在西藏境上者分爲二派。一曰喀喇崑崙。東南入後藏。與希馬拉山並行。中爲印度河之谷。至河源而與希馬拉山相合。曰岡底斯山。自此又與希馬拉山分離。東行爲崗、具、黎山脈。中爲雅魯藏布江之谷。東入前藏。以接於橫斷山脈之伯舒刺嶺。行怒江、龍川江間。南入雲南。卽高黎貢山也。一曰唐古刺大山。與喀喇崑崙並行。爲後藏、新疆之界線。就中起頂曰察察嶺。納謨渾、胡巴西嶺。又迤東入前藏。與青海分界。爲唐古刺山。就中起頂爲阿克達木山。索克音里山。以

接於橫斷山脈。卽怒山之脈。又稱他翁他念山者是也。

河流 最著者三。一曰印度河。源出岡底斯山之西。其南支撒特里日河。源出朗噶池。二川西北分流。行喀喇崑崙。希馬拉耶二山谷中。入於印度。西南流至旁遮普而合。又西南注於阿喇伯海。一曰雅魯藏布江。源出岡底斯山之東。與印度河源相對。行希馬拉耶。岡貝黎二山谷中。繞希馬拉耶而南。入印度。合恆河以注於孟加拉海灣。一曰怒江。自後藏大湖地方發源。與印度雅魯藏布二源成三角形。東流爲哈喇烏蘇河。循他翁他念山西麓。經雲南邊境入海。



橋浮上江布藏魯雅

### 湖澤

湖澤甚多。其最著者。前藏有騰格里海。在拉薩西北二百二十餘里。其形橢圓。其水色如青天。故名騰格里。後藏有伊克池。又名荷爾巴湖。其地高出海面一萬七千尺。湖面高度。爲世界第一。

### 形勢

以察木多爲堂奧。加托克爲咽喉。拉薩、江孜、日喀則諸城。爲中權之重鎮。然南鄰英領印度。西通俄屬之中亞。英人既欲得之以固其門戶。俄人復欲得之以拊印度之背。處心積慮。匪伊朝夕。英人之軍械糧食。十年來運入西藏者。不知凡幾。而俄人復派偵探隊徧遊藏中。藏地之危機。遂若厝火於積薪之下矣。

### 道路

通路甚少。其著者。一自四川康定府經裏化廳至巴安府。西南渡金沙江入藏境。經江卡、乍了。北至察木多。折西南經拉里以至拉薩。今駐藏大臣往來之驛程也。一自甘肅西甯。經丹噶爾廳。入青海境。西南行至鄂陵海之東。渡黃河。又西踰巴顏哈喇山。渡木魯烏蘇河。踰阿克達木山。入藏境。渡怒江。踰岡貝黎山脈。以至拉薩。今藏蕃朝貢往來之路也。其自拉薩西行。循雅魯藏布江入後藏者。至日喀則城。歧爲三道。一南經江孜至亞東入哲孟雄。一西南經定日、聶拉木、二城。踰希馬拉耶山。至廓爾喀之加德滿都。一西踰瑪爾裕穆嶺。經岡底斯山南。

西北至加托克。自加托克又分二道。一西行經拉布加林。循撒特里日河入印度。一北行至路多克。又分三道。北達新疆于闐。西北踰帕米爾達俄屬中亞細亞。西南達克什米耳。凡此諸路。皆與英、俄交通之要道。惟高山深谷。往來極艱。故英人有印藏鐵路之計畫焉。

### 氣候

純係大陸性。雖與內地浙江同緯度。因地勢極高。且在大陸內部。故寒氣最烈。山巔積雪。四時不消。入夏酷熱。惟爲時甚暫。雨量極少。然夏秋之間。山中冰雪。融化下流。自日喀則西至阿里。隨地皆水。故有陸海之名焉。

### 人種

人民多唐吐蕃之裔。西人稱之曰體伯特。容貌風俗。半似蒙古。半似印度。性質慈惠。不喜爭鬪。衣氈毳。食湏酪。大半以游牧爲業。貧者一妻多夫。或兄弟數人合娶一妻。富者則一夫多妻。然迷信喇嘛教甚深。少年爲僧者。居全部五分之一。加以地味瘠薄。氣候不和。故生殖不繁。文字皆自左而右。所謂唐古特文也。

### 物產

西藏地處高寒。植物最瘠。農產之地。惟限於印度河、雅魯藏布江、哈喇烏蘇諸川之谷中。所產僅青稞、麥、大麥、小麥等。又有紅花。頗稱奇貴。動物極多。以犛牛爲最夥。毛羽皆有用之物。藏人且以此牛尾標示官位。其次有山羊、騾、馬、麝香等。礦物甚富。然皆不許開採。英人多

垂涎之製造品以氈毯爲最。居民善製香。卽世所稱藏香也。

商埠

亞東新設靖西廳治也。屬四川雅州府。其地在不丹之西。哲孟雄之北。英人名曰春丕。亦作春碑。凡西藏要地。與印哲互市者。以此爲出入必經之要路。其北二百里。有江孜城。亦繁盛市場。故并附近之噶大克。於印藏新約中。又已訂開商埠矣。

## 第六章 附錄

### 第一節 土司

土司者。對於流官之名辭也。爲上古三苗九黎之裔。本我國內地最古之土著。五千年前。我漢族自崑崙山順江河之源。游牧入中國。居於內地之西部北部。黃帝戰勝蚩尤於涿鹿。而苗民遂失黃河以北之地。其後經唐虞殷周及劉漢孫吳之歷次斥逐。而苗民又盡失大江南北之平地。竄入南嶺西部。及橫斷山脈一帶之深山窮谷中。依阻自固。故西人以高地族稱之。部落酋長。子孫世襲。唐宋以來。漸次內附。因賜之州名。仍令自治。就中漢種流官。謫居其地。久而與之同化。竊其權而爲之酋長者。居其大半。元時以其大部酋爲宣慰司。宣撫司。安撫司。此土司之所由昉也。前明及前清時。因而不改。其民分生苗。熟苗二種。生苗晦盲否塞。蠢如鹿豕。或崇

拜禽獸以爲神。毀傷肌膚以爲飾。食昆蟲與草木之實而不知耕作。猶未脫野蠻社會氣象。熟苗則附近青海西藏者。受蒙古吐蕃之類化。多事游牧。附近漢土城邑者。受漢族之類化。已進入農業。惟風俗猥陋。言語侏儻。舊時陋習。尙未盡除。且性好歌舞。當春之月。男女皆入山唱歌。相悅卽爲夫婦。而酋長則一娶數婦云。

土司所在。本與漢地府廳州縣畫疆而治。然因其叛服無定。屢啓釁端。部落交闕。動多殘殺。始漸改土歸流。嗣廣東湖南。已盡改流官。惟四川雲南貴州廣西四省之山地。尙有土司而已。然其酋長系大都出於漢族。受漢官之直接管轄。其真土著者。在四川有大小金川。明正。瞻對。瓦述。麻里邛諸部。在雲南有永甯土府。莫索司。車里宣慰司。耿馬。龍川。千崖。南甸。諸宣撫。遮放。盞達。諸副宣撫。潞江。芒市。猛卯。諸安撫。在貴州有丹平。平州。羅里。諸司。在廣西有大籐峽。諸峒。獠人。如是之類。不可計數。或納貢。或不納貢。皆酋長自治其民。而受漢官之間接管轄者也。至若青海之阿里克番戶。納克書番戶。亦土司之類。其餘尙有散居安南。緬甸。老撾諸國者。茲不著。

## 第二節 外國屬地

東北黑龍江以北外興安嶺之地。西北塔爾巴哈台。伊犁。邊外之地。轉西南喀什噶爾。葉爾羌。

毗連之帕米爾。滇桂之邊徼。福建遙對之臺灣。澎湖。向者皆我所有。今已入於俄英法及日本矣。其地或已畫入彼屬。或孤懸海中。茲皆不記。記其在我疆內者。蓋所以懼噬臍之禍也。

香港。一小島也。在廣東省南珠江之口。故隸廣州府新安縣。東西廣二十六里。南北最長處約十六里。清道光二十二年已給英。英設總督以治之。對岸有九龍司地方。亦於咸豐十年讓爲英屬。光緒二十四年。英又要拓九龍界址。二百方英里。訂九十九年之約。經營締構。恃爲東方海軍重鎮。通商要地。香港四周。建礮臺以資守禦。地皆山阜。街市分上環中環下環。居民二十餘萬。出入口貨約值三百萬鎊。我國於九龍設關徵其稅。

澳門。一土股也。屬廣東香山縣。沿岸石壁峭立。要隘俱築礮臺。形勢雄壯。氣候宜人。港口便於泊舟。明嘉靖三十六年。葡萄牙人始至其地。崇禎元年。葡始設官治理。至前清時不改。光緒十三年。頃始與立約。明許其永遠管理。訂定不得讓與他國。葡王遣官歲治其地。中國設拱北關於其附近。此我國與歐羅巴人最早之互市場也。


### 第三節 外國租地

租地者。外國人於我境內租地以屯軍之謂也。然租地之內。我國治權。殆不能及。雖美其名曰

租而實則與屬地相去幾希耳。

旅順大連灣皆在遼東半島之上。旅順港內水深而口門回抱甚窄。北擁椅子山。形如半環。實本國北洋天然之軍港。東爲大連灣。灣內方廣二十里。水量頗深。旋泊良便。前清光緒甲午之役。被奪於日本。和議既定。復歸中國。旋爲俄羅斯所租佔。租期二十五年。日俄戰後。又爲日本續租。後我國於大連灣設關徵其稅。


威海衛在山東登州府東。三面負山。前臨黃海。劉公島橫其前。分爲東西二口。西口水深。東口多礁。氣象雄偉。實稱天險。前清甲午前爲北洋海軍重鎮。後爲日本所據。旋租與英國。期限二十五年。英設總管一員。以治其地。



威 海 衛

膠州灣。在山東膠州南。勞山之角。西南與靈山衛之角。犬牙相錯。玦抱而成者也。中有陰島。齊伯島。二島之間。水深浪闊。水底又有硬泥質。爲東方廣大之良港。前清光緒二十三年。德人以兵力迫我政府。借彼以爲軍港。訂九十九年之約。德人設總督以治之。灣外循海岸而東。有勞山港。港口外有青島。島之北隔海峽有勞山澳。膠濟鐵路發軔於此。我國開爲通商港。有膠海關在焉。

廣州灣。在雷州半島之東。灣口有湛川。島分水口爲二。形勢天成。然港口狹隘。難容巨舶出入。前清光緒二十四年。法蘭西人乘機佔據。二十五年。遂與訂約。許其租用。租期與德租膠州同。



# 新體中國地理

## 附錄

吾國疆域遼闊。前清時府廳州縣。名稱繁多。茲仍綴錄以備參考。蒙古各旗亦並著焉。

### (一) 本部

#### 直隸省

順天府。駐北京。領廳四、州五、縣十九。地方政治屬於府尹。兵事上受總督節制。

東路捕盜廳同知。駐通州。分轄通州、薊州、三河、寶坻、武清、香河、寧河、二州五縣。

南路捕盜廳同知。駐大興縣之黃村。分轄霸州、固安、永清、東安、文安、大城、保定、一州六縣。

西路捕盜廳同知。駐宛平縣之蘆溝橋。分轄涿州、大興、宛平、良鄉、房山、一州四縣。

北路捕盜廳同知。駐昌平州南之鞏華城。分轄昌平、順義、密雲、懷柔、平谷、一州四縣。

保定府。領州二、縣十四。治清苑。其外祁州、安州、滿城、安肅、定興、新城、唐、博野、望都、容城、完

蠡、雄、東鹿、高陽。

正定府。領州一。縣十三。治正定。其外晉州、獲鹿、井陘、阜平、欒城、行唐、靈壽、平山、元氏、贊皇、無極、藁城、新樂。

遵化直隸州。領縣二。玉田、豐潤。

永平府。領州一。縣六。治盧龍。其外灤州、遷安、撫甯、昌黎、樂亭、臨榆。

易州直隸州。領縣二。涑水、廣昌。

定州直隸州。領縣二。曲陽、深澤。

趙州直隸州。領縣五。柏鄉、隆平、高邑、臨城、甯晉。

冀州直隸州。領縣五。南宮、新河、棗強、武邑、衡水。

深州直隸州。領縣三。武強、饒陽、安平。

天津府。領州一。縣六。治天津。其外滄州、青、靜海、南皮、鹽山、慶雲。有蘆臺廳、撫民通判。駐蘆

臺。塘沽廳、海防同知。駐塘沽。

河間府。領州一。縣十。治河間。其外景州、獻、阜城、肅甯、任邱、交河、甯津、吳橋、故城、東光。

大名府。領州一。縣六。治大名。元城。其外開州、南樂、清豐、東明、長垣。

順德府。領縣九。治邢臺。其外沙河、南和、平鄉、廣宗、鉅鹿、唐山、內邱、任。  
廣平府。領州一、縣九。治永年。其外磁州、曲周、肥鄉、雞澤、廣平、邯鄲、成安、威、清河。  
承德府。府城瀕於熱河之西岸。領廳一、州一、縣三。圍場廳、平泉州、灤平、豐甯、隆化。  
赤峯直隸州。領縣二。開魯、林西。

朝陽府。府城在大凌河左岸。領縣四。建昌、建平、阜新、綏東。

宣化府。領州三、縣七。治宣化。其外蔚州、延慶州、保安州、赤城、萬全、龍門、懷來、懷安、西甯、萬全。

張家口廳撫民同知。

獨石口廳撫民同知。

多倫諾爾廳撫民同知。

以上三廳。有直隸廳之性質。

## 山東省

濟南府。領州一、縣十五。治歷城。其外德州、章邱、鄒平、淄川、長山、新城、齊河、齊東、濟陽、德平、

禹城、臨邑、平原、陵、長清。

東昌府。領州一。縣九。治聊城。其外高唐州、堂邑、博平、茌平、清平、莘、冠、館陶、恩。

泰安府。領州一。縣六。治泰安。其外東平州、東阿、平陰、新泰、萊蕪、肥城。

武定府。領州一。縣九。治惠民。其外濱州、陽信、海豐、樂陵、利津、霑化、青城、商河、蒲臺。

臨清直隸州。領縣三。武城、夏津、邱。

兗州府。領縣十。治滋陽。其外曲阜、甯陽、鄒、泗水、滕、嶧、陽穀、壽張、汶上。

沂州府。領州一。縣六。治蘭山。其外莒州、郯城、費、沂水、蒙陰、日照。

曹州府。領州一。縣十。治荷澤。其外濮州、曹、范、觀城、朝城、鄆城、單、城武、定陶、鉅野。

濟甯直隸州。領縣三。金鄉、嘉祥、魚臺。

登州府。領州一。縣九。治蓬萊。其外甯海州、黃、福、山、棲霞、招遠、萊陽、文登、榮城、海陽。

萊州府。領州一。縣三。治掖。其外平度州、濰、昌、邑。

青州府。領縣十一。治益都。其外博山、臨淄、博興、高苑、樂安、壽光、昌樂、臨朐、安邱、諸城。

膠州直隸州。領縣二。卽墨、高密。

# 山西省

太原府。領州一。縣十。治陽曲。其外崞嵐州、太原、榆次、太谷、祁、徐溝、交城、文水、嵐、興。

汾州府。領州一。縣七。治汾陽。其外永甯州、孝義、平遙、介休、石樓、臨、甯鄉。

潞安府。領縣七。治長治。其外長子、屯留、襄垣、潞城、壺關、黎城。

澤州府。領縣五。治鳳臺。其外高平、陽城、陵川、沁水。

遼州直隸州。領縣二。和順、榆社。

沁州直隸州。領縣二。沁源、武鄉。

平定直隸州。領縣二。孟、壽陽。

平陽府。領州一。縣十。治臨汾。其外吉州、洪洞、浮山、鄉甯、岳陽、曲沃、翼城、太平、襄陵、汾西。

蒲州府。領縣六。治永濟。其外臨晉、虞鄉、榮河、萬泉、猗氏。

解州直隸州。領縣四。安邑、夏、平陸、芮城。

絳州直隸州。領縣五。垣曲、聞喜、絳、稷山、河津。

霍州直隸州。領縣二。趙城、靈石。

隰州直隸州。領縣三。大甯、蒲、永和。

大同府。領州二、縣七。治大同。其外渾源州、應州、懷仁、山陰、陽高、天鎮、廣靈、靈邱。

朔平府。領州一、縣三。治右玉。其外朔州、左雲、平魯。

甯武府。領縣四。治甯武。其外偏關、神池、五寨。

忻州直隸州。領縣二。定襄、靜樂。

代州直隸州。領縣三。五臺、崞、繁峙。

保德直隸州。領縣一。河曲。

歸化廳。 托克托廳。 清水河廳。 薩拉齊廳。 和林格爾廳。

五原廳。 陶林廳。 武川廳。 興和廳。 東勝廳。

以上十二廳。皆有直隸廳性質。尙有綏遠廳理事同知。係專理糧餉。無轄地也。

## 河南省

開封府。領州一、縣十一。治祥符。其外禹州、陳留、杞、通許、尉氏、洧川、鄆陵、中牟、蘭封、密、新鄭。  
歸德府。領州一、縣八。治商邱。其外睢州、甯陵、鹿邑、夏邑、永城、虞城、考城、柘城。

陳州府。領縣七。治淮甯。其外商水、西華、項城、沈邱、太康、扶溝。

許州直隸州。領縣四。臨潁、襄城、郟城、長葛。

鄭州直隸州。領縣三。滎陽、滎澤、汜水。

彰德府。領縣七。治安陽。其外湯陰、臨漳、林、內黃、武安、涉。

衛輝府。領縣九。治汲。其外新鄉、獲嘉、淇、輝、延津、濬、滑、封、邱。

懷慶府。領縣八。治河內。其外濟源、原武、修武、武陟、孟、溫、陽武。

河南府。領縣十。治洛陽。其外偃師、鞏、孟津、宜陽、登封、永甯、新安、澠池、嵩。

陝州直隸州。領縣三。靈寶、閿鄉、盧氏。

汝州直隸州。領縣四。魯山、郟、寶豐、伊陽。

南陽府。領州二。縣十。治南陽。其外鄧州、裕州、南召、鎮平、唐、泌陽、桐柏、內鄉、新野、舞陽、葉。

汝甯府。領州一。縣八。治汝陽。其外信陽州、正陽、上蔡、新蔡、西平、遂平、確山、羅山。

光州直隸州。領縣四。光山、固始、息、商城。

浙川直隸廳。

## 陝西省

西安府領州一、縣十五。治長安、咸甯。其外耀州、臨潼、渭南、藍田、鄠、盩厔、興平、醴泉、咸陽、高陵、三原、涇陽、富平、同官。府南有孝義廳撫民同知。駐乾祐河東岸。其西南有甯陝廳撫民同知。駐五郎關。

乾州直隸州。領縣二。武功、永壽。

鄜州直隸州。領縣三。洛川、中部、宜君。

鳳翔府領州一。縣七。治鳳翔。其外隴州、岐山、寶雞、扶風、郿、麟遊、汧陽。

邠州直隸州。領縣三。淳化、長武、三水。

同州府領州一。縣八。治大荔。其外華州、華陰、朝邑、郃陽、澄城、韓城、白水、蒲城。有潼關廳撫民同知。駐潼關。

商州直隸州。領縣四。山陽、商南、鎮安、雒南。

漢中府領州一。縣八。治南鄭。其外甯羌州、褒城、城固、洋、西鄉、鳳、沔、略陽。有留壩廳撫民同知。在府北褒水上游青羊水東岸。佛坪廳撫民同知。在府東北四百里漢水支流都督

河之源。定遠廳撫民同知。在漢水支流牧馬河之源。

興安府。領縣六。治安康。其外平利、洵陽、白河、紫陽、石泉。有漢陰廳撫民通判。在府西北百

八十里。漢水支流之觀音河上。甄坪廳撫民通判。在府西南。漢水支流之嵐河左岸。

延安府。領縣十。治膚施。其外安塞、宜川、甘泉、延川、安定、保安、靖邊、定邊、延長。

榆林府。領州一、縣四。治榆林。其外葭州、懷遠、神木、府谷。

綏德直隸州。領縣三。米脂、吳堡、清澗。

## 甘肅省

蘭州府。領州二、縣四。治皋蘭。其外狄道州、河州、金、渭源、靖遠。

平涼府。領州一、縣三。治平涼。其外靜甯州、華亭、隆德。

慶陽府。領州一、縣四。治安化。其外甯州、合水、環、正甯。

涇州直隸州。領縣三。崇信、鎮原、靈臺。

固原直隸州。領縣二。平遠、海城。

化平川直隸廳。

鞏昌府。領州一。縣七。治隴西。其外岷州、安定、會甯、通渭、甯遠、伏羌、西河。有洮州廳撫番同知。在洮河之曲。

秦州直隸州。領縣五。秦安、清水、禮、徽、兩當。

階州直隸州。領縣二。文、成。

甯夏府。領州一。縣四。治甯夏。其外靈州、甯朔、平羅、中衛。有甯靈廳撫民同知。駐金積堡。

西甯府。領縣三。治西甯。其外碾伯、大通。又有貴德廳撫番同知。駐舊貴德州。丹噶爾廳撫

番同知。駐丹噶爾。有河州廳撫民兼水利同知。駐循化。有巴燕戎格廳撫民通判。駐巴

燕戎格。

甘州府。領縣二。治張掖。其外山丹。西北有高台廳撫彝通判。

涼州府。領縣五。治武威。其外鎮番、永昌、古浪、平番。有莊浪廳撫民同知及理事通判。均駐

莊浪。

安西直隸州。領縣二。敦煌、玉門。

肅州直隸州。領縣一。高臺。

# 江蘇省

江甯府。領縣六。治上元。其外句容、溧水、江浦、六合、高淳。

淮安府。領縣六。治山陽。其外阜甯、鹽城、清河、安東、桃源。

揚州府。領州二、縣五。治江都。其外高郵州、泰州、儀徵、興化、寶應、東臺。

海州直隸州。領縣二。贛榆、沭陽。

徐州府。領州一、縣七。治銅山。其外邳州、豐、沛、蕭、碭山、宿遷、睢甯。

蘇州府。領縣四。治吳。其外崑山、常熟、吳江。有太湖廳分防同知。駐太湖東洞庭山上。靖湖

廳分防同知。駐太湖西洞庭山上。

松江府。領縣六。治華亭。其外奉賢、金山、上海、南匯、青浦。有川沙廳分防同知。駐浦東。

常州府。領縣五。治武進。其外無錫、宜興、江陰、靖江。

太倉直隸州。領縣三。崇明、嘉定、寶山。

鎮江府。領縣四。治丹徒。其外丹陽、金壇、溧陽。

通州直隸州。領縣二。如皋、泰興。

海門直隸廳。

太平廳撫民同知。在太平洲。直屬於常鎮道。

江甯府屬之江甯。揚州府屬之甘泉。蘇州府屬之長洲、元和、昭文、新陽、震澤。松江府屬之婁縣。常州府屬之陽湖、金匱、荊溪。太倉州屬之鎮洋。凡十二縣。宣統二年九月。江蘇諮議局議決。奏準裁併於同城各州縣。惟現在尙未實行。其西洞庭之靖湖廳。亦於宣統三年四月蘇撫奏請裁併於太平廳。已奉 旨交閣議矣。

安徽省

安慶府。領縣六。治懷甯。其外桐城、潛山、太湖、宿松、望江。  
廬州府。領州一。縣四。治合肥。其外無爲州、廬江、舒城、巢。  
滁州直隸州。領縣二。全椒、來安。

和州直隸州。領縣一。含山。

徽州府。領縣六。治歙。其外休甯、婺源、祁門、黟、績溪。

甯國府。領縣六。治宣城。其外甯國、涇、太平、旌德、南陵。

池州府領縣六。治貴池。其外青陽、銅陵、石埭、建德、東流。  
太平府領縣三。治當塗。其外蕪湖、繁昌。

廣德直隸州領縣一。建平。

鳳陽府領州二。縣五。治鳳陽。其外壽州、宿州、懷遠、定遠、鳳臺、靈璧。

潁州府領州一。縣六。治阜陽。其外亳州、潁上、渦陽、太和、蒙城、霍邱。

六安直隸州領縣二。英山、霍山。

泗州直隸州領縣三。盱眙、天長、五河。

## 江西省

南昌府領州一。縣七。治南昌。新建。其外義甯州、豐城、進賢、奉新、靖安、武甯。有銅鼓廳。撫民

同知。在義甯之南。宣統二年十月。奏准改隸南昌者。

撫州府領縣六。治臨川。其外金谿、崇仁、宜黃、樂安、東鄉。

建昌府領縣五。治南城。其外新城、南豐、廣昌、瀘溪。

瑞州府領縣三。治高安。其外新昌、上高。

袁州府。領縣四。治宜春。其外分宜、萍鄉、萬載。

臨江府。領縣四。治清江。其外新淦、新喻、峽江。

廣信府。領縣七。治上饒。其外玉山、弋陽、貴溪、鉛山、廣豐、興安。

饒州府。領縣七。治鄱陽。其外餘干、樂平、浮梁、德興、安仁、萬年。

九江府。領縣五。治德化。其外德安、瑞昌、湖口、彭澤。

南康府。領縣四。治星子。其外都昌、建昌、安義。

吉安府。領縣九。治廬陵。其外泰和、吉水、永豐、安福、龍泉、萬安、永新、永甯。有蓮花廳分防同

知。在禾水之源。

南安府。領縣四。治大庾。其外南康、上猶、崇義。

贛州府。領縣八。治贛。其外雩都、信豐、興國、會昌、安遠、長甯、龍南。有定南廳分防同知。虔南

廳分防通判。

甯都直隸州。領縣二。瑞金、石城。

浙江省

杭州府。領州一。縣八。治錢塘、仁和。其外海甯州、富陽、餘杭、臨安、於潛、新城、昌化。

嘉興府。領縣七。治嘉興、秀水。其外嘉善、海鹽、石門、平湖、桐鄉。

湖州府。領縣七。治烏程、歸安。其外長興、德清、武康、安吉、孝豐。

甯波府。領縣五。治鄞。其外慈溪、奉化、鎮海、象山。有石浦廳分防同知。在象山半島之南。又

有南田廳撫民通判。在石浦廳南南田島上。

紹興府。領縣八。治山陰、會稽。其外蕭山、諸暨、餘姚、上虞、嵊、新昌。

台州府。領縣六。治臨海。其外黃巖、天台、仙居、甯海、太平。

定海直隸廳。

金華府。領縣八。治金華。其外蘭溪、東陽、義烏、永康、武義、浦江、湯溪。

衢州府。領縣五。治西安。其外龍游、江山、常山、開化。

嚴州府。領縣六。治建德。其外淳安、桐廬、遂安、壽昌、分水。

温州府。領縣五。治永嘉。其外瑞安、樂清、平陽、泰順。有玉環廳分防同知。駐温州灣玉環島

上。

## 湖北省

處州府領縣十。治麗水。其外青田、縉雲、松陽、遂昌、龍泉、慶元、雲和、宣平、景甯。

武昌府領州一。縣九。治江夏。其外興國州、武昌、嘉魚、蒲圻、咸甯、崇陽、通城、大冶、通山。

漢陽府領州一。縣四。治漢陽。其外沔陽州、漢川、孝感、黃陂。有夏口廳分防同知。駐漢口鎮。

黃州府領州一。縣七。治黃岡。其外蘄州、黃安、蘄水、羅田、麻城、廣濟、黃梅。

德安府領州一。縣四。治安陸。其外隨州、雲夢、應山、應城。

安陸府領縣四。治鍾祥。其外京山、潛江、天門。

襄陽府領州一。縣六。治襄陽。其外均州、宜城、南漳、棗陽、穀城、光化。

鄖陽府領縣六。治鄖。其外房、竹山、竹溪、保康、鄖西。

荊門直隸州領縣二。當陽、遠安。

荊州府領縣七。治江陵。其外公安、石首、監利、松滋、枝江、宜都。

宜昌府領州一。縣五。治東湖。其外歸州、長陽、興山、巴東、長樂。

施南府領縣六。治恩施。其外宣恩、來鳳、咸豐、利川、建始。

鶴峯直隸廳。

## 湖南省

長沙府。領州一、縣十一。治長沙、善化。其外茶陵州、湘潭、湘陰、甯鄉、瀏陽、醴陵、益陽、湘鄉、攸、

安化。有株洲廳撫民同知。由長沙移駐於株洲者。

寶慶府。領州一、縣四。治邵陽。其外武岡州、新化、城步、新甯。

岳州府。領縣四。治巴陵。其外臨湘、華容、平江。

常德府。領縣四。治武陵。其外桃源、龍陽、沅江。

澧州直隸州。領縣五。石門、安鄉、慈利、安福、永定。

南洲直隸廳。

衡州府。領縣七。治衡陽、清泉。其外衡山、耒陽、常甯、安仁、酃。

永州府。領州一、縣七。治零陵。其外道州、祁陽、東安、甯遠、永明、江華、新田。

郴州直隸州。領縣五。永興、宜章、興甯、桂陽、桂東。

桂陽直隸州。領縣三。臨武、藍山、嘉禾。

辰州府。領縣四。治沅陵。其外瀘溪、辰溪、溆浦。

沅州府。領縣三。治芷江。其外黔陽、麻陽。

永順府。領縣四。治永順。其外龍山、保靖、桑植。

靖州直隸州。領縣三。會同、通道、綏甯。

永綏直隸廳。

乾州直隸廳。

鳳凰直隸廳。

晃州直隸廳。

## 四川省

成都府。領州三、縣十三。治成都、華陽。其外簡州、崇慶州、漢州、雙流、溫江、新繁、金堂、新都、郫、灌、彭、崇甯、新津、什邡。

龍安府。領縣四。治平武。其外江油、石泉、彰明。

綿州直隸州。領縣五。德陽、安、縣竹、梓潼、羅江。



茂州直隸州。領縣一。汶川。

懋功直隸廳。

松潘直隸廳。

理番直隸廳。

保甯府。領州二、縣七。治閬中。其外巴州、劍州、蒼溪、南部、廣元、昭化、通江、南江。

潼川府。領縣八。治三臺。其外射洪、鹽亭、中江、遂甯、蓬溪、樂至、安岳。

順慶府。領州二、縣六。治南充。其外蓬州、廣安州、西充、營山、宜隴、鄰水、岳池。

重慶府。領州二、縣十一。治巴。其外合州、涪州、江津、長壽、永川、榮昌、綦江、南川、銅梁、大足、璧

山、定遠。有江北廳。撫民同知。在府之北。

夔州府。領縣六。治奉節。其外巫山、雲陽、萬、開、大甯。

綏定府。領縣六。治達。其外東鄉、新甯、渠、大竹、太平。有城口廳。分防通判。在太平縣東。

忠州直隸州。領縣三。豐都、墊江、梁山。

酉陽直隸州。領縣三。秀山、黔江、彭水。

石碛直隸廳。

敘州府。領縣十一。治宜賓。其外慶符、富順、南溪、長甯、高筠、連、珙、興文、隆昌、屏山。有馬邊廳。撫夷同知。駐清水河北。有雷波廳。撫民通判。在揚子江北岸。

資州直隸州。領縣四。內江、井研、仁壽、資陽。

瀘州直隸州。領縣三。納溪、合江、江安。

永甯直隸州。領縣二。古蔺、古宋。

雅州府。領州二。縣五。治雅安。其外天全州、名山、榮經、蘆山、清溪。

嘉定府。領縣七。治樂山。其外峨眉、洪雅、夾江、犍爲、榮、威遠。有峨邊廳。撫夷通判。駐大渡河南。嶺夷十二姓地。

甯遠府。領州一。縣三。治西昌。其外會理州、冕甯、鹽源、昭覺。有越嶲廳。撫夷同知。在冕甯東北。越嶲河之源。有鹽邊廳。撫夷通判。新改設。

眉州直隸州。領縣三。丹稜、彭山、青神。

邛州直隸州。領縣二。大邑、蒲江。

康定府。領縣二。河口、稻成。有裏化廳同知。駐於裏塘。

巴安府。領縣二。定鄉、鹽井。有三壩廳同知。駐於三壩土司地方。

登科府。領州二。純化、白玉。縣二。石渠、同普。

靖西廳理事同知。監督亞東關。懸絕於西藏境內。由四川總督請補。

## 福建省

福州府。領縣十。治閩、侯官。其外古田、屏南、閩清、長樂、連江、羅源、永福、福清。

福甯府。領縣五。治霞浦。其外福鼎、福安、甯德、壽甯。有三都廳海防同知。駐三都島。

興化府。領縣二。治莆田。其外仙游。

泉州府。領縣五。治晉江。其外南安、惠安、安溪、同安。有廈門廳海防同知。駐廈門島。

永春直隸州。領縣二。德化、大田。

延平府。領縣六。治南平。其外將樂、沙、尤溪、順昌、永安。

建甯府。領縣七。治建安、歐甯。其外建陽、崇安、浦城、政和、松溪。

邵武府。領縣四。治邵武。其外光澤、泰甯、建甯。

汀州府。領縣八。治長汀。其外甯化、上杭、武平、清流、連城、歸化、永定。

漳州府。領縣七。治龍溪。其外漳浦、南靖、長泰、平和、詔安、海澄。有糧捕同知。分防漳浦之雲

霄。有海防通判。分防石馬鎮。

龍巖直隸州。領縣二。漳平、甯洋。

## 廣東省

廣州府。領縣十二。治南海、番禺。其外順德、新會、新甯、新安、增城、龍門、花、從化、三水、清遠。有

佛山廳分防同知。駐佛山鎮。

肇慶府。領州一、縣九。治高要。其外德慶州、四會、新興、高明、廣田、開平、恩平、鶴山、封川、開建。

羅定直隸州。領縣二。東安、西甯。

虎門直隸廳。領縣二。東莞、香山。

赤溪直隸廳。

韶州府。領縣六。治曲江。其外樂昌、仁化、乳源、翁源、英德。

南雄直隸州。領縣一。始興。

連州直隸州。領縣一。陽山。

連山直隸廳。

惠州府。領州一。縣九。治歸善。縣城在府城東五里。其外連平州、博羅、長甯、永安、海豐、陸豐、

龍川、河源、和平。

潮州府。領縣九。治海陽。其外豐順、潮陽、揭陽、饒平、惠來、大埔、澄海、普甯。有南澳廳海防軍

民同知。駐南澳島。黃岡廳同知。駐黃岡鎮。捕盜通判。駐港鹽鎮。

嘉應直隸州。領縣四。長樂、興甯、平遠、鎮平。

佛岡直隸廳。

廉州府。領縣二。治合浦。其外靈山。

欽州直隸州。領縣一。防城。

高州府。領州一。縣五。治茂名。其外化州、電白、信宜、吳川、石城。

雷州府。領縣三。治海康。其外遂溪、徐聞。

陽江直隸州。領縣二。陽春、廣海。

瓊州府。領州一。縣七。治瓊山。其外儋州、澄邁、定安、文昌、會同、樂會、臨高。  
崖州直隸州。領縣四。萬陵、水昌、化感、感恩。

## 廣西省

桂林府。領州二。縣七。治臨桂。其外永甯州、全州、興安、靈川、陽朔、永福、義甯、灌陽。有龍勝廳。  
理苗通判。駐潯江南岸。

平樂府。領州一。縣七。治平樂。其外永安州、恭城、富川、賀、荔浦、修仁、昭平。

梧州府。領縣五。治蒼梧。其外藤、容、岑、溪、懷集。

柳州府。領州一。縣七。治馬平。其外象州、雒容、羅城、柳城、懷遠、來賓、融。有中渡廳。撫民同知。  
駐中渡。

慶遠府。領州二。縣三。治宜山。其外河池州、東蘭州、天河、思恩。有安化廳。理苗同知。駐府北  
五十二崗。

思恩府。領州一。縣三。賓州、武緣、遷江、上林。

泗城府。領州一。縣二。西隆州、凌雲、西林。

百色直隸廳。領縣一。恩隆。有理苗州判。駐恩陽。

南甯府。領州二、縣三。治宣化。其外新甯州、橫州、隆安、永淳。

潯州府。領縣四。治桂平。其外平南、貴、武宣。

鬱林直隸州。領縣四。博白、北流、陸川、興業。

太平府。領州四、縣一。治崇善。其外養利州、左州、永康州、甯明州。有龍州廳同知。在府西。憑

祥廳同知。在龍州西。

鎮安府。領州一、縣一。治天保。其外奉議州。

上思直隸廳。

歸順直隸州。領縣一。鎮邊。

## 雲南省

雲南府。領州四、縣七。治昆明。其外嵩明州、晉甯州、安甯州、昆陽州、富民、宜良、呈貢、羅次、祿

豐、易門。

武定直隸州。領縣二。祿勸、元謀。

大理府。領州四、縣三。治大和。其外趙州、鄧川州、賓州、雲龍州、浪穹、雲南、楚雄府。領州三、縣四。治楚雄。其外姚州、南安州、鎮南州、定遠、廣通、大姚。

麗江府。領州二、縣一。治麗江。其外鶴慶州、劍川州。府之西北鳥道二百十五里。有中甸廳分防同知。府西鳥道百六十里。有維西廳通判。

永昌府。領縣二。治保山。其東北永平。府西有騰越廳撫民同知。其南有龍陵廳分防同知。蒙化直隸廳。

永北直隸廳。

曲靖府。領州六、縣二。治南甯。其外霑益州、陸涼州、羅平州、馬龍州、尋甸州、宣威州、平彝。東川府。領縣一。治會澤。有巧家廳分防同知。在府北。

昭通府。領州一、縣二。治恩安。其外鎮雄州、永善。有大關分防同知。在永善東。魯甸廳分防通判。在府西。

澂江府。領州二、縣二。治河陽。其外新興州、路南州、江川。

廣西直隸州。領縣三。師宗、彌勒、邱北。

臨安府。領州三。縣五。治建水。其外石屏州、阿迷州、甯州、河西、通海、蒙自、嶧峨。又有箇舊分防同知。駐府東之箇舊廠。

開化府。領縣一。治文山。有安平廳分防同知。在府南。

廣南府。領縣一。治寶甯。有富州廳分防通判。駐府東土富州舊地。

靜邊直隸廳。

普洱府。領縣一。治普洱。有思茅廳分防同知。在府南。他郎廳分防通判。在府東北。威遠廳分防同知。在府西北。

順甯府。領州一。縣一。治順甯。其外雲州。有緬甯廳分防通判。在府南。

元江直隸州。領縣一。新平。

景東直隸廳。

鎮邊直隸廳。領縣一。華坪。

鎮沅直隸廳。

## 貴州省

貴陽府。領州三。縣四。治貴筑。其外開州、定番州、廣順州、龍里、貴定、修文。有理苗同知。駐羅斛。

石阡府。領縣一。龍泉。

平越直隸州。領縣三。湄潭、甕安、餘慶。

大定府。領州三。縣一。平遠州、黔西州、威甯州。畢節。

安順府。領州二。縣三。治普定。其外鎮甯州、永甯州、清鎮、安平。有郎岱廳撫民同知。在府西

北石龍關外。有歸化營撫民通判。在府南東紫雲關。

遵義府。領州一。縣四。治遵義。其外正安州、桐梓、綏陽、仁懷。有赤水廳撫民同知。在西北隅。

興義府。領州一。縣三。治興義。其外貞豐州、普安、安南。有盤州廳撫民同知。在普安西南。

思州府。領縣二。玉屏、清溪。

思南府。領縣三。治安化。其外婺川、印江。

鎮遠府。領州一。縣三。治鎮遠。其外黃平州、施秉、天柱。有台拱分防同知。在府南。又有清江

分防通判。在台拱東。

銅仁府。領縣一。治銅仁。

黎平府。領縣二。治開泰。其南永從。有古州廳分防同知。在府西南古州江都江會口。下江廳分防通判。在古州東南柳江北岸。

都勻府。領州二、縣三。治都勻。其外麻哈州、獨山州、清平、荔波。有八寨廳撫民同知。在府東九十里。丹江分防通判。在丹江之源。都江理苗通判。在獨山河都江會口。

松桃直隸廳。

## (二) 關東三省

### 奉天省

驛巡道。駐奉天府。轄府一。廳一。

奉天府。領廳一、州二、縣七。遼陽州、復州、本溪、遼中、海城、蓋平、鐵嶺、開原、撫順。金州廳撫民通判。在金州半島上。法庫廳撫民同知。在法庫門地方。

營口直隸廳。

錦州府。領州二、縣二。甯遠州、義州、綏中、廣甯。有錦西廳撫民同知。在府之西。江家屯廳撫

民通判亦在西境。盤山廳撫民同知。在廣甯之東南。

興京府。領縣二。通化、懷仁。

鳳凰直隸廳。領州一。縣二。岫巖州、安東、寬甸。莊河廳撫民同知。駐莊河。

海龍府。領縣四。東平、西豐、南安、柳河。

長白府。領縣四。臨江、輯安、撫松、安圖。

昌圖府。領州一。縣三。遼源州、懷德、奉化、康平。

輝南直隸廳。

新民府。領縣二。鎮安、彰武。

洮南府。領縣五。靖安、開通、安廣、醴泉、鎮東。有同江廳河防同知。駐同江口。

## 吉林省

吉林府。領縣三。磐石、敦化、舒蘭。

伊通直隸州。

長春府。領縣一。農安。

長嶺縣。德惠縣。雙陽縣。濛江州。樺甸縣。額穆縣。

新城府。

榆樹直隸廳。

五常府。

雙城府。有濱江廳撫民同知。治哈爾賓。

賓州府。領縣二。長壽。阿城。

依蘭府。領縣四。樺川。勃利。大通。方正。

臨江府。富錦縣。綏遠州。

寧安府。寶清州。饒河縣。陽朔縣。虎林廳。

甯安府。領縣一。穆陵。有東甯廳分防通判。駐三岔口。

延吉府。領縣二。和龍。汪清。有琿春廳撫民同知。在府東。

## 黑龍江省

龍江府。領縣一。林甸。

大賚廳。肇州廳。安達廳。

海倫府。領縣四。青岡、拜泉、通北、鐵驪。

綏化府。領縣二。餘慶、湯源。

呼蘭府。領州一、縣二。巴彥州、蘭西、木蘭。

訥河直隸廳。

嫩江府。領縣一。諾敏。

璦琿直隸廳。

呼倫直隸廳。

臚濱府。

黑河府。

呼瑪直隸廳。

漠河直隸廳。

室韋直隸廳。



舒都直隸廳。

佛山府。

蘿北直隸廳。

烏雲直隸廳。

車陸直隸廳。

春源直隸廳。

鶴岡縣。

布西直隸廳。

甘南直隸廳。

武興直隸廳。

### (三) 新疆省

迪化府。領縣六。治迪化。其外奇臺、昌吉、阜康、綏來、孚遠。



鎮西直隸廳。

哈密直隸廳。

吐魯番直隸廳。

庫爾喀喇烏蘇直隸廳。

伊犁府。領縣二。治綏定。其東南曰甯遠。有霍爾果斯分防通判。在霍爾果斯河之西岸。

精河直隸廳。

塔爾巴哈台直隸廳。

溫宿府。領縣二。治溫宿。其東北拜城。

焉耆府。領縣四。新平、輪臺、塔羌、鄯善。

庫車直隸州。領縣一。沙雅。

烏什直隸廳。

疏勒府。卽喀什噶爾城。領州一、縣二。巴楚州、疏附、迦師。

莎車府。領縣二。葉城、皮山。有蒲犁廳分防通判。在府西南。

和闐直隸州。領縣二。洛浦、于闐。

英吉沙爾直隸廳。

#### (四) 蒙古

內蒙古 六盟二十四部四十九旗又附牧一旗。

哲里木盟四部十旗。盟地曰哲里木。在科爾沁右翼中旗境內。貢道由山海關。

科爾沁部六旗。在喜峯口外東北八百七十里。分左右翼。每翼分中前後三旗。

札賚特部一旗。在喜峯口外東北一千六百里。附屬於科爾沁右翼。

杜爾伯特部一旗。在喜峯口外一千六百四十里。附屬於科爾沁右翼。

郭爾羅斯部二旗。在喜峯口外二千四百八十里。分前後二旗。附屬於科爾沁左翼。

卓索圖盟二部五旗。并附牧一旗。盟地曰卓索圖。在土默特右翼境內。貢道由喜峯口。

喀喇沁部三旗。在喜峯口外東北三百五十里。分中左右翼。

土默特部二旗。在喜峯口外東北五百九十里。分左右翼。左翼旗內附牧喀爾喀一旗。

昭烏達盟八部十一旗。盟地曰昭烏達。在翁牛特左翼境內。貢道六部由喜峯口。惟巴林及

克什克騰二部由獨石口。

敖漢部一旗。在喜峯口外東北六百里。

奈曼部一旗。在喜峯口外東北七百里。

巴林部二旗。在古北口外東北七百二十里。分左右翼。

札魯特部二旗。在喜峯口外東北一千一百里。分左右翼。

阿魯科爾沁部一旗。在古北口外東北一千一百里。

翁牛特部二旗。在古北口外東北五百二十里。分左右翼。

克什克騰部一旗。在古北口外東北五百七十里。

喀爾喀左翼部一旗。在喜峯口外東北八百四十里。

錫林郭勒盟五部十旗。盟地曰錫林郭勒。在阿巴噶左翼、阿巴哈納爾左翼兩界上。貢道烏

珠穆沁。浩齊特、阿巴哈納爾左翼、由獨石口。阿巴哈納爾右翼、及蘇尼特、阿巴噶、由張家口。

烏珠穆沁部二旗。在古北口外東北九百二十三里。分左右翼。

浩齊特部二旗。在獨石口外東北六百八十五里。分左右翼。

蘇尼特部二旗。在張家口北五百五十里。分左右翼。

阿巴噶部二旗。在張家口東北五百九十里。分左右翼。

阿巴哈納爾部二旗。在張家口東北六百四十里。分左右翼。

以上通稱東四盟。皆有札薩克。惟卓索圖盟土默特左翼附牧一旗。無札薩克。

烏蘭察布盟四部六旗。盟地曰烏蘭察布。在四子部落境內。貢道由張家口。惟烏喇特部由殺虎口。

四子部落一旗。在張家口西北五百五十里。

喀爾喀右翼部一旗。在張家口西北七百一十里。

茂明安部一旗。在張家口西北八百里。

烏喇特部三旗。在歸化城西三百六十里。分中前後旗。

伊克昭盟一部七旗。盟地曰伊克昭。譯言大廟。左右翼中旗境內。貢道由殺虎口。

鄂爾多斯部七旗。在歸化城西二百八十五里河套內。分左右翼。每翼各分中前後旗。而右翼又有前末旗。

以上通稱西二盟。皆有札薩克。

附察哈爾及歸化城土默特。

察哈爾八旗。在直隸宣化山西大同邊外。分左右翼。左翼四旗。曰鑲黃、正白、鑲白、正藍。右翼四旗。曰正黃、正紅、鑲紅、鑲藍。而正黃又分爲東西各半旗。皆不置札薩克。設都統副都統各一人以管轄之。近年牧地半爲漢民所墾闢。乃設多倫諾爾、獨石口、張家口、三撫民廳治之。內屬於直隸省。

歸化城土默特二旗。在山西大同朔平二府邊外。分左右翼。編入佐領。不置札薩克。以綏遠城將軍及歸化城副都統管轄之。其牧地多爲漢民所墾闢。乃置撫民廳以治之。山西邊外十廳。除五原廳外。皆土默特地也。

外蒙古 四盟四部八十六旗

喀魯倫巴爾和屯盟一部二十三旗。盟地在喀魯倫河北之巴爾和屯。遼河董城遺址。

喀爾喀東路車臣汗部二十三旗。直古北口邊外漠北。至京師二千五百里。分中軍及左右翼。中軍第一旗稱根格車臣汗旗。其餘分中前、中後、中左、中右、中末、中末次、中末右、中左

前、中、右後、各一旗。左翼分中、前、後、後末、左、右、各一旗。右翼分中、前、後、左、中前、中左、各一旗。

汗·阿·林·盟·一·部·二·十·旗。盟地在圖刺河南之汗阿林。卽汗山也。

喀爾喀後路土謝圖汗部二十旗。直大同邊外漠北。至京師二千八百餘里。分中軍及左右翼。中軍第一旗稱土謝圖汗旗。其餘分中、中左、中右、中次、中左末、中右末、各一旗。左翼分左中、左前、左後、中左、左末、右末、左中末、各一旗。右翼分左、右、左後、左末、右末、右末次、各一旗。

齊·齊·爾·里·克·盟·一·部·二·十·四·旗。盟地曰齊齊爾里克。未知所在。

喀爾喀中路三音諾顏部二十四旗。直甯夏邊外漠北。至北京約三千餘里。分中軍及左右翼。中軍第一旗稱三音諾顏旗。其餘分中前、中後、中左、中右、中末、中後末、中左末、中右末、各一旗。左翼分中、左、右、左末、各一旗。右翼分前、後、末、中左、中右、中末、左末、右末、右後、各一旗。附額魯特旗、及額魯特前旗各一旗。

札·克·必·刺·色·欽·畢·都·里·雅·諾·爾·盟·一·部·十·九·旗。附輝特一旗。盟地曰札克必刺色欽畢都里

雅諾爾。札克謂橋。必刺小水。色欽水源也。

喀爾喀西路札薩克圖汗部。直甯夏邊外漠北。至京師四千餘里。分左右翼。第一旗稱札薩克圖汗旗。卽右翼中旗。其餘左翼分中、前、後、左、右、中左、中右、中末、後末、各一旗。右翼分前、後、右、右末、中左、中末、中末次、後末、各一旗。附輝特一旗。

附唐努烏梁海部。在三音諾顏札薩克圖科布多之北。分四部三十六佐領。

定邊左副將軍所轄唐努烏梁海十五佐領。

札薩克圖汗部所屬唐努烏梁海五佐領。

三音諾顏部所屬唐努烏梁海十三佐領。

哲布尊丹巴胡圖克圖門徒所屬唐努烏梁海三佐領。

以上烏梁海部。皆在唐努山者也。此外有阿爾泰烏梁海七旗。屬科布多大臣。又有阿爾泰淖爾烏梁海二旗。及定邊左副將軍舊轄阿爾泰河阿穆哈河附近之十佐領。皆以同治三年條約割屬於俄矣。

額魯特蒙古。

科布多大臣所屬之額魯特七部二十旗。當新疆之東。札薩克圖汗之西。名曰金山額魯特。以其多依阿爾泰山而居。而阿爾泰又稱金山也。

杜爾伯特二部十四旗。分左右翼。左翼十一旗。第一旗曰杜爾伯特汗旗。餘分中、中左、中前、中後、中上、中下、中前左、中前右、中後左、中後右、各一旗。附輝特下前旗。右翼三旗。分前、中、右、各一旗。附輝特下後旗。兩翼分二盟。統名賽音濟雅哈圖。爲金山額魯特中主要之部。

以上二部。皆有札薩克而受科布多參贊大臣之兼轄。

札哈沁部一旗。

明阿特部一旗。

額魯特部一旗。

以上三部。皆受科布多參贊大臣之直轄。

阿爾泰辦事大臣所屬阿爾泰烏梁海部七旗。及新土爾扈特部二旗。新和碩特部一旗。清光緒三十二年分立。以承化寺爲轄境。

新土爾扈特部二旗。分新右、新左、各一旗。盟於青色特啟勒圖。在青吉斯河下游右岸之阿爾噶靈圖。

新和碩特部一旗。

以上二部。皆有札薩克。舊時受科布多辦事大臣之兼轄者。

阿爾泰烏梁海部七旗。在阿爾泰山中。舊時受科布多辦事大臣之直轄者。

甯夏將軍所屬之賀蘭山額魯特二部二旗。

阿拉善額魯特部一旗。本號和碩特。在河套西賀蘭山之右麓。

額濟納舊土爾扈特部一旗。在阿拉善之西。直甘肅之甘州府及肅州邊外。

伊犁將軍所屬之天山額魯特二盟五部十三旗。

烏訥恩素珠克圖盟四部十旗。

南路舊土爾扈特部四旗。在焉耆府城西北。踰天山接迪化府境。第一曰南路汗旗。餘分中、

左、右、各一旗。

北路舊土爾扈特部三旗。在塔爾巴哈台廳城東。第一旗曰北路汗旗。餘分左、右、各一旗。

東路舊土爾扈特部二旗。在庫爾哈喇烏蘇廳城西南。分左右二旗。

西路舊土爾扈特部一旗。在伊犁府城東。

巴啟色勒啟勒圖盟一部三旗。

中路和碩特部。在南路舊土爾扈特之西。分中、左、右各一旗。

### (附) 土司

土司爲古昔苗黎諸族之裔。惟川滇等四省有之。在湘粵者皆已改流矣。

### 四川省

隴水長官司。在茂州境。

土通判。在龍安府武平縣境。

沈邊長官司。在雅州府境。

太平長官司。在雅州府境。

### 雲南省

訥樓老甸長官司。在臨安府境。

土通判。在石砭廳屬。

陽地隘口長官司。在龍安府武平縣境。

涼邊長官司。在雅州府境。

古黎州安鎮土司。在雅州府清溪縣境。

訥史土巡檢。在臨安府建水縣境。

新平土縣丞。在元江州境。

灣甸土州。在永昌府境。

### 貴州省

羊腸正長官司。在貴陽府龍里縣境。

太平正長官司。在貴陽府貴定縣境。

乘西正長官司。在貴陽府開州境。

木瓜正長官司。在貴陽府定番州境。

方番長官司。在貴陽府定番州境。

都平正長官司。在思州府境。

黃通正長官司。在思州府境。

施溪正長官司。在思州府境。

治河正長官司。在思南府境。

水德長官司。在思南府境。

邛江長官司。在思南府婺川縣境。

偏橋正長官司。及正左司、正右司。在鎮遠府境。

邛江蠻溪正長官司。（題請）在鎮遠府境。

邛水長官司。在鎮遠府境。

重安長官司。在鎮遠府黃平州境。

都勻正長官司。在都勻府境。

平安正長官司。在都勻府麻哈州境。

楊義長官司。在都勻府平越州境。

眼色土同知。在都勻府獨山州境。

### 廣西省

南丹土州。在慶遠府境。

歸德土州。在南甯府境。

忠土州。在南甯府境。

思陵土州。在太平府境。以下至下石州均同。

安平土州。

結安土州。

龍英土州。

江土州。

上下凍土州。

向武土州。在鎮安府境。

下雷土州。在歸順州境。

羅白土縣。在太平府境。

上映土縣。在鎮安府境。

那地土州。在慶遠府境。

果化土州。在南甯府境。

萬承土州。在太平府境。

太平土州。

茗盈土州。

佶倫土州。

都給土州。

思土州。

下石土州。

都康土州。在鎮安府境。

羅陽土縣。在太平府境。

忻城土縣。在慶遠府境。

上林土縣。在百色廳境。

東蘭土州同。在慶遠府境。

以上土司皆列於朝命者

右錄皆前清舊制。民國正別行規定。俟宣布後當再更正。



中華民國玖貳年陸月拾壹日贈送

中華民國捌拾叁年陸月貳玖日

務印書館發行

癸丑年七月後四日  
 於燕都 是編體例仿東西  
 洋書 螻 中最新之

訂 正

新體中國歷史

定價一元

呂瑞廷 趙激璧 編輯

式夾敘夾議斷制  
 謹嚴且於每卷之  
 末詳舉制度學術  
 宗教風俗技藝產  
 業諸門以見文明  
 進化之序全書凡  
 六卷各分章節井  
 井有條取舍合度  
 繁簡適宜實為中  
 學校教科之善本

CHINESE MIDDLE SCHOOL  
 NEW CHINESE GEOGRAPHY  
 (Revised Edition)  
 COMMERCIAL PRESS, LTD.

戊申年正月初版  
 中華民國二年一月土版

(訂中學新體中國地理一冊)  
 (每冊定價大洋壹元貳角)

編纂者 武進藏勵餘  
 校訂者 武進謝觀  
 重訂者 丹徒趙玉森  
 發行者 商務印書館  
 印刷所 上海北河南路北首寶山路  
 商務印書館  
 總發行所 上海棋盤街中市  
 商務印書館  
 分售處 北京奉天龍江天津濟南  
 開封太原西安成都重慶  
 商務印書館分館  
 安慶長沙桂林漢口南昌  
 蕪湖杭州福州廣州潮州

翻印必究



壬六五九號

九九〇七

國家圖書館



002507485

